

第四編



民

或

叢

書

第四編

孔子哲學之真面目孔子

孔教論 儒家思想新論

賀

麟等著

藤焕章講演 夢心思著

上降書店

孔

謝无量著

子

~ 1016/0203

晋之一孔子目錄

第 第第第第第第第 第 第 目 編 \equiv 九八七六 五 四 錄 章 章 章 章 章 章 章 章 孔子事紀 先世 適齊 蚤年 歷聘 用魯 觀周 誕生 適衞

第十六章 第十五章 第十四章 第十二章 第十三章 第十一章 第 孔子德範下 終記 算 隱 孔子德範上 孔子晚年下 孔子晚年上

第二編 孔子學案

第 章 章 孔學原理一(道) 孔學淵源

四 章 孔學原理二(中庸) 孔學原理三(禮)

目 錄

第 六 章 孔子政治學說二(禮樂論)第 六 章 孔子倫理學說二(考済論)第 九 章 孔子倫理學說二(考済論)第 九 章 孔子倫理學說二(考済論)第 五 章 孔子倫理學說一(養務論)

第十三章 孔子晚年思想第十二章 孔子人性論

第十一章

孔子教育學說

第十四章

繁辭中之孔子世界觀

一、我子

第一編 孔子事紀

先世

至宋始亡故今序孔子先世以世本爲主而參以左傳公羊傳等篇局末史家記黃帝至春秋以來隋唐志並有此書近輯世本孫星衍序以世本 近世以家語爲王肅僞作不可取信惟世本最古史記多因世本漢志世本十五 孔子先世見於世本孔子家語史記孔子世家及左傳公羊傳等書而家語尤群 第一章

詩商頌序疏引世本帝系篇曰。

華督殺之而絕其世其子木金父降爲士木金父生祁父祁父生防叔爲華氏 宋潛公生弗甫何弗甫何生宋父宋父生正考甫正考甫生孔父嘉爲宋司馬 所逼奔魯爲防大夫故曰防叔防叔生伯夏伯夏生叔梁紇叔梁紇生仲尼

第一章 先世

文字句雖小異同大抵皆據世本然則孔子先世出於宋潛公宋則殷微子啟之右文見左傳桓元年疏引其辭稍略昭七年疏引作家語潛夫論志氏姓亦有此 後也故孟僖子曰。 文見左傳桓元年疏引其辭稍略昭七年疏引作家語潛夫論志氏姓亦有此

吾聞將有達者日孔丘聖人之後也(左傳昭七年)

雕弗父何以有宋而授厲公是也 弗父何不受餓配立是爲厲公而弗父何及其子孫世爲宋卿左傳昭七年曰其 先是宋湣公卒弟煬公立湣公之子鮒祀弑煬公以國與其兄而授世子弗父何

父何孫正考父尤爲當時所稱左傳昭七年日 孔子先世多有名德不獨做子敗之賢明也如弗父何讓國不受行合於義而弗

循牆而走亦莫余敢侮饘於是**鬻於是以餬余口其共也如是** 及正考父佐戴武宣三命茲益共故其鼎銘云一命而僂再命而偃三命而俯

國語亦稱正考父之温恭齊大夫閭丘來盟於魯魯大夫閔馬父誠子服景伯氏

昔正考父校商之名頌十二篇於周太師以那爲首其輯之亂曰自古在昔先

民有作温恭朝夕執事有恪(魯語下)

鼎銘及輯之亂則又長於文章孔子次六藝有温良恭讓之性蓋承其先德歟 正考父子孔父嘉亦賢左傳曰。 正考父歷事宋戴公武公宣公三朝爲宋賢輔蓋能全其謙讓之美德可知也觀

主社 **社稷寡人雖死亦無悔焉對日羣臣願奉馮也公曰不可先君以寡人爲賢使若以大夫之靈得保首領以沒先君若問與夷其將何辭以對請子奉之以主** 子曰宋宣公可謂知人矣立穆公其子饗之命以義夫商頌曰殷受命咸宜百子。 **吾子其無廢先君之功使公子馮出居於鄭八月庚辰宋穆公卒殤公卽位君** 宋穆公疾召大司馬孔父而屬殤公焉曰先君舍與夷而立寡人寡人弗敢忘 | 稷若棄德不讓是廢先君之舉也豈曰能賢光昭先君之令德 可不務乎。

第一章

先世

豫是荷其是之謂乎(隱三年)

年經日春王正月戊申宋督弑其君與夷及其大夫孔父蓋深恫之也至孔父嘉 宋穆公將卒而託殤公於孔父孔父固宋社稷之臣矣然不得其死春秋桓公二

被害之故左傳與公羊穀梁之說不同今此論如下。

春宋督攻孔氏殺孔父而取其妻公怒督懼遂弑殤公……宋殤公立十年十 宋華父督見孔父之妻於路目逆而送之日美而豔(左傳桓元年)

戰民不堪命孔父嘉爲司馬督爲太宰故因民之不堪命先宣言曰司馬則

然已殺孔父兩弑殤公召莊公於鄭而立之(左傳桓二年)

觀左氏所記則華父督之殺孔父嘉始因慕其妻欲殺孔父而奪之同時亦有專

朱國政權之意崔述洙泗考信錄嘗疑於目逆之說曰

其面況卿之內子乎督安得見之而目逆之也哉齊慶克詐爲婦人蒙衣垂輦 左氏目逆之說二傳無之余按古者婦人車必有帷士庶人之家出獪必擁護

以爲孔氏皆恐人之見之也是古者婦人之出人不能見明甚督安得見之而 目逆之也哉此誣古人之大者且不近情理之尤者(洙泗考信錄卷一) 而入於閔晉士兮樂王鮒二婦人輦以如公衞世子蒯聵與渾良夫蒙衣而乘

公羊傳論華父督殺孔父嘉則但爲欲專政權穀梁傳略同其文曰。

過而 之家殤公知孔父死己必死趨而救之皆死焉孔父正色而立於朝則人莫敢 於色奈何督將弑殤公孔父生而存則殤公不可得而弑也故於是先攻孔父 累者乎日有有則此何以書賢也何賢乎孔父孔父可謂義形於色矣其義形 及者何累也弑君多矣舍此無累者乎日有仇牧荷息皆累也舍仇牧荀息無 致難於其君者孔父可謂義形於色矣(公羊桓公二年)

恐不立於是乎先殺孔父孔父閑也奸禦何以知其先殺孔父也日子旣死父 不忍稱其名以是知君之累之也孔氏父字諡也或曰其不稱名蓋爲祖諱也 孔父先死其日及何也書尊及卑春秋之義也孔父之先死何也督欲弑君而

第一章 先世

孔子

孔子故宋故心(穀梁桓二年)

左氏說自事實論之固當以從公穀義爲安矣。 之孔父信社稷之臣矣穀梁謂孔父不稱名爲先殺及故宋之義杜預獨以爲稱 名且曰孔父稱名者內不能治其閨門外取怨於民身死而禍及其君是猶附會。 有弑殤公之意然不得不先去孔父嘉此其所以先攻孔氏也自公羊傳之說觀 蓋殤公之立由先君之遺命而孔父嘉爲之佐華父督欲立子馮以自專 國

宋督所殺其子奔魯蘇子由古史因之狄子奇孔子編年曰孔父嘉爲華督所殺魯則孔父子孫當時猶在宋也獨杜預左傳昭七年注謂孔子六代祖孔父嘉爲 孔父嘉旣遇害其子孫降爲士稱孔氏世本謂孔父嘉曾孫防叔爲華氏所 其子木金父奔魯是爲陬人亦承杜氏之說也 逼

父王伯夏其事不可考叔梁紇行事亦罕見載籍惟左傳蹇公十年齊國偪陽及 案木金父生祁父祁父生防叔防叔生伯夏伯夏生叔梁紇卽孔子父也自木金

十七年齊伐魯圍防記叔梁紇二事

阪叔紇臧疇臧賈帥甲三百宵犯齊師送之而復齊師去之 (左傳襄公十七 倡陽人敗門諸侯之士門焉縣門發陬人紇抉之以出門者(左傳襄公十年)

4

杜預註紇陬邑大夫仲尼父叔梁紇也則叔梁紇之可知者惟勇力絕人而已

第二章 誕生

記此事尤詳家語雖偽書然當必本古記且他無可證故引列一條以資參考其 母名徵在言在不言徵言徵不言在據此知孔子母顏氏徵在名也家語本姓解 史記孔子世家日紇與顏氏女野合而生孔子禮記檀弓日二名不偏諱夫子之

婚於顏氏顏氏有三女其小曰徵在顏父問三女曰陬大夫雖父祖爲士然其 伯夏生叔梁紇雖有九女而無子其妾生孟皮孟皮字伯尼有足病於是乃求

第一編 第二章 誕生

妻 之。 先聖王之裔今其人身長十尺武力絕倫吾甚貪之雖年大性嚴不足爲疑三 子孰能爲之妻二女莫對徵在進日從父所制將何問焉父曰卽爾能矣遂以

囊然皆據家語之文今掇錄其說於下 史記不言叔梁紇婚於顏氏而有野合之文司馬貞索隱及張守節正義並辨其

家語云梁紇娶魯之施氏生九女其妾生孟皮孟皮病足乃求婚於顏氏徵在 野者是不合禮耳(史記索隱) 之禮故云野合謂不合禮儀故論語云野哉由也又先進於禮樂野人也皆言 從父命爲婚其文甚明今此云野合者蓋謂梁紇老而徵在少非當壯室初粹

歲毀齒二七十四陰道通七七四十九陰道絕婚姻過此者皆爲野合故家語 男八月生齒八歲毀齒二八十六陽道通八八六十四陽道絕女七月生齒七 云梁紇娶魯施氏女生九女乃求婚於顏氏顏氏有三女小女徵在據此婚過

六十四矣(史記正義)

至於孔子生時年月諸說尤不一孔子七十世孫孔廣牧著孔子生卒年月日考 二卷歷舉先秦以來逮於清世諸說百餘家然諸說皆本公穀傳及史記二說而

皆以孔子生於二十二年後人遂取穀梁傳之十月庚子合以史記之說以魯襄 推魯襄公二十一年十一月無庚子日陸德明公羊音義日二十一年庚子孔子 公羊傳襄公二十一年十有一月庚子孔子生穀梁傳作冬十月庚子孔子生然 公二十二年十月二十七日爲孔子生日又用陰歷推之定八月二十七日爲孔 然史記孔子世家日魯襄公二十二年而孔子生十二諸侯年表及魯周公世家 日蓋孔子生於襄公二十一年十月二十一日也 已自不同故當從穀梁傳襄公二十一年十月一日爲庚辰庚子是十月二十一 生傳文上有十月庚辰一本作十一月庚子又本無此句則唐時公羊傳文諸本。

第二章 誕生

第一編

子降誕之期殆不過調和穀梁史記二說而無有實據於是司馬貞爲之說曰

Ó

公羊傳襄公二十一年十有一月庚子孔子生今以爲二十二年蓋以周正十

毛奇齡駁之日

月屬明年故談也(史記索隱)

月並無以前月屬後月常周正十一月第能爲夏正九月未聞又能倒而爲夏。 正之正月者(經問) 司馬貞史記索隱云周正十一月屬之明年則從來三正推法祗以後月屬前

者或從公穀或從史記孔廣牧先聖生卒年月日考分諸說爲二類計從公穀說 者賈逵何休服虔以下至狄子奇凡三十五家從史記說者杜預王嘉陸德明以 要之孔子之生公穀傳同以爲魯襄公二十一年史記獨以爲二十二年古今說 下至成蓉鏡凡六十家然則自古以來學者尤多從史記說矣今推其故蓋有五。

記紀事有所考訂率先以史記爲主乃旁及餘書故馬臟先聖年譜曰雖諸說(一)孔子傳記存於今而最古者莫如史記孔子世家自有淸以前學者多信 同要以史記爲主爲其近左也此學者因於成習而。 多從 史記 者 也。

(三)史記孔子享年七十有三若從公穀說則孔子當增一年得七十四歲間而多從史記者也子年離並準此說而多從史記者也子年離並準此說公穀之說則推孔子一生事蹟其年歲或有抵牾一年始合 此緣紀年之便公穀之說則推孔子一生事蹟其年歲或有抵牾一年始合 此緣紀年之便 (二)自來學者考一人行事每繫以年譜故因年以稽事則據孔子世家便若 前此緣紀年之便利。

뷇專以此事取史記其言曰

鹏 太沖以曆 相 王氏後宋景濂有孔子生卒歲月辨一篇生主公穀歲已酉卒主左 距則 合余亦推以曆歎爲定論(困學紀聞箋) 七十四年與曆所傳孔子年七十三者不合辭雖辨實不通曆法近 上推斷生於襄公二十二年建酉十月二十七日庚子與羅泌路史 氏歲士 戌。

第二章

誕生

又史記仲尼弟子列傳記門人之年皆云少孔子幾歲故孔子之年若差一年則

弟子年歲亦須遞差黃宗羲嘗論之日

南雷文約論孔子生卒) 孔子不生庚戌則弟子之年無一足憑者矣信公穀必盡廢諸家無乃過歟(孔子之生年在庚戌無可疑也家語史記載孔子弟子年歲皆以孔子爲的若

考從公穀說獨爲例外自來學者尤重孔氏自述之說彭大翼曰。 氏誌孔衍植重纂闕里誌孔廣牧先聖生卒年月日考是也惟孔繼汾闕里文獻 四)孔子子孫多從史記說如孔傳東家雜記孔元措祖庭廣記孔擴孔顏孟三

先師生卒年月日時出自其子孫相傳者當得其眞則所謂二十一年十一月 生於魯襄公二十二年庚戌之歲十月庚子卽今之八月二十七日也余以爲 生者非矣(山堂肆考孔子生辰) 余昔游金陵邂逅孔子六十代孫承先者持所誌孔子像授予內稱至聖先師

(五)襄公二十一年日再食金履祥梁玉繩等皆以爲非聖人生之歲此又一故

襄公二十一年日再食決非生聖人之年當從史記(金履祥通鑑綱目前編)

元措祖庭廣記卷一引世本文曰。 人則近迂惑至於史記記孔子生年或以爲實據世本孔廣牧辨之尤詳蓋宋孔 自來學者所以多從史記不出上之五端雖皆持之有故惟言日食歲不當生聖 襄公二十一年日食必非生聖人之歲(梁玉繩古今人表考)

魯襄公二十二年冬十月庚子孔子生

家譜及孔傳祖庭雜記原文盃二書成於元豐宣和之間其時世本尙存也蓋孔 疑莫能明或謂孔氏子孫欲求證於史記之先乃附會世本今世本旣佚無從考 此與史記正合然祖庭廣記檢閱書目未列世本孔廣牧以爲是據孔宗翰所撰 子生之年月公穀所記月日相違史記所書又差一歲而公穀先傳史記晚作故

第二章

誕生

定胡培翬以陸德明釋文止載庚子孔子生五字無十有一月句傳文上有十月。

庚辰此亦當是十月則古本公羊與穀梁同是孔子生年仍僅公穀與史記二說

之異而已論者各有所主不可勝載今略列二家之辨於下。

公羊穀梁二氏傳經之家也傳經之家當有講師以次相授且去孔子時又爲

甚近其言必有據(宋濂孔子生卒歲月辨)

既久又以口授至漢乃成書以顯寧必無誤而公羊書月已訛亦安在盡可據 孔子作春秋其褒貶意義不可具書皆以授弟子口傳傳者各異其說夫歷年

也(夏洪基孔子年譜)

今姑並舉二說以推孔子生年月日

(甲)公穀號 孔子生於魯襄公二十一年(周靈王二十年西歷紀元前五

百五十二年)十月(夏正卽陰歷八月)二十一日

(乙) 史記說 孔子生魯襄公二十二年(周靈王二十一年西歷紀元前五

百五十一年)十月二十一日

孔子誕生之際緯書雜記頗記其異徵雖不可盡信亦略舉數則如左

之中覺則若感生丘於空桑首類尼丘故以爲名胸有文曰制作定世符(春 孔子母顏氏徵在游大澤之陂夢黑帝使請己己往夢交語日汝乳必於空桑

秋演孔圖)

顧徵感黑帝而生孔子(桓譚新論)

天之樂列於顏氏之房空中有聲言天感生聖子故降以和樂笙鏞之音異於 周靈王立二十一年孔子生於魯襄公之世夜有二蒼龍自天而下來附徵在 闕里人家文云水精之子繼衰周而素王故二龍繞室五星降庭徵在賢明知 俗世也又有五老列於徵在之庭則五星之精也夫子未生時有鱗吐玉書於 之房因夢而生夫子有二神女擎香露於空中而來以沐浴徵在天帝下奏鈞 為神異乃以櫥絃繁麟角信宿而麟去相者云夫子係殷湯水德而素王至敬

誕生

一六

在焉夫子知命之將終乃抱鱗解紱涕泗滂沱且鱗出之時及解紱之歲重百 王之末魯定公二十四年魯人鋤商田於大澤得麟以示夫子繁角之獻尙猶

年矣(王嘉拾遺記三)

右多不經之詞用資異聞而已至於孔子容貌亦有傳者

孔子海口含澤(孝經按神契)

仲尼牛脣吐教陳機變度仲尼虎掌是謂威射仲尼海口言若蒼澤仲尼舌理

七重(孝經鉤命訣)

仲尼之狀面如蒙僕(荀子非相)

孔子反字是謂尼甫德澤所與滅元通流(白虎通聖人)

孔子反羽(論衡)

孔子名丘字仲尼其命名之義史配及家語載其由來 生而首上圩頂故因名曰丘云(孔子世家)

徵在旣往廟見以夫之年大懼不時有男而私鸝尼丘之山以所焉故名丘字

仲尼(家語本姓解)

女兄九人庶兄一人字孟皮一字伯尼儀禮疏又謂孔子有兄日伯居莫能群也 考之較詳日 隱以孔子居魯之鄒邑昌平鄉之闕里蓋孔子生地又有闕里之名張守節正義。 紇卒葬於防世家又謂孔子生魯昌平鄕陬邑故論語以爲鄹人之子司馬貞索 孔子少孤史記世家日丘生而叔梁紇死葬於防山家語則謂孔子三歲而叔梁 孔子有兄可因其字而知之論語謂孔子以兄子要賴容是也據家語本姓解有

括地志云兗州曲阜縣魯城西南三里有闕里中有孔子宅宅中有廟伍緝之

從征記云闕里背邾面泗卽此也按夫子生在鄒邑長徒曲阜仍號闕里

第三章 蚤年

孔子幼時之事傳聞絕尠惟史記稱孔子爲兒嬉戲常陳俎豆設禮容而已諸年 第三章 蚤年

譜或以此繫在六歲莫能詳也至於孔子成年以後其事之著者有三(一)娶妻

舉子(二)爲官吏(三)喪母今考而記之

家語之說未甚遠也又日鯉之生也魯昭公以鯉魚賜孔子榮君之眖故因以名 家語稱孔子年十九娶於宋之丼官氏按伯魚年五十先孔子卒以其時考之則 日鯉而字伯魚伯魚事不多見論語惟記二條

子謂伯魚女爲周南召南矣乎人而不爲周南召南其猶正牆面而立也敷

陽貨)

子之遠其子也(季氏) 未也不學禮無以立鯉退而學禮陳亢退而喜日問一得三聞詩聞禮又聞君 陳亢問於伯魚曰子亦有異聞乎對曰未也當獨立鯉趨而過庭日學詩乎對 日未也不學詩無以言鯉退而學詩他日又獨立鯉趨而過庭日學禮乎對日

孔子以詩禮敎子或疑伯魚之才當出諸弟子下故孔子告顏路語中以伯魚與

爾淵相較而云才不才亦各言其子也於是道格納教授 Robert K.Douglas 日 The name of this son seldom occurs in the life of his illustrious father, and

the few references we have to him are enough to show taht a small share

雖然古者易子而敎之恐賊恩也鯉之名所以罕見於論語者殆孔子亦猶行古 of paternal offection fell to his lot. (Confucianism and Toouism) P.26

之道故教之不如諸弟子之煩或不盡以其才歟。

有女矣。 論語日子謂公冶長可妻也雖在縲紲之中非其罪也以其子妻之是孔子又嘗

孔子有出妻之說檀弓曰。

伯魚之母死期而猶哭夫子聞之曰誰與哭者門人曰鯉也夫子曰嘻其甚也

伯魚鼠之遂除之

子上之母死而不喪門人問諸子思曰昔者子之先君子喪出母乎曰然子之 第一編 第三章 蚤年

從而汚伋 使白 也 則安能 喪之何 為仮 也子思曰昔者吾先君子無所失道道隆則從而隆道。 也妻者是爲白也母不爲伋也妻者是不爲白 也

無禪期後全不合哭又釋後節曰子之先君爲謂孔子也令人喪出母乎子思曰 則是祥後磹前祥外無哭於時伯魚在外哭故夫子怪之恨其甚也或曰爲出 IF. 然猶如是也言是喪 義釋前節 義釋前節曰時伯魚母出父在爲出母亦應十三月祥十五月禪言期7孔氏之不喪出母自子思始也 出母故也伯魚之母被出死期而猶哭是喪出 册 也據 而 猶

義說孔子出妻殆爲定論清世始多攻此說趙翼曰。 喪之候而伯魚猶哭放夫子甚之也出妻之子爲母期若爲父後者則於出母 伯 派服是并 。 魚母 即此 μJ 死期而猶哭疏以爲出 見孔氏出妻之說之妄也(陰餘叢考卷三) 無期之喪矣伯魚固爲父後者也不服於期之內而反哭於期之外 母此最舛也禮 受在為 母 服期是期: 本服 母

右係辨檀弓前節之文江永又就其後節辨之曰。

非謂伯魚之於开官也初叔梁公娶施氏生九女無子此正所謂無子當出者。 家語後序謂叔梁始出妻是也此說甚有理施無子而出乃求婚於顏氏事當 有之何得誣爲喪出母乎。 馭鱗云檀弓載門人問子思曰子之先君子喪出母乎此殆指夫子之於施 人因檀弓記伯魚之母死期而猶哭夫子謂其已甚因謂孔子出妻近世甘

此後夏圻著檀弓辨誣以檀弓之書是墨者之徒僞託以譏孔氏故誣孔子三世 出妻其辨視江趙尤詳茲不具引。

季氏吏料量平當爲司職 矣嘗爲乘田矣日牛羊茁壯長而已矣史記孔子世家曰孔子貧且賤及長嘗爲 論語孔子曰吾少也賤故多能鄙事孟子曰孔子嘗爲委吏矣曰會計當而已矣。 田苑囿之吏主六畜之芻牧者蓋孔子蚤年嘗爲卑官亦惟勤其職務而 吏而畜蕃息趙岐孟子注以委吏主委積倉庫之吏乘

蚤年

世家叙孔子喪母在十七歲以前馬驌先聖年譜以孔子母卒時孔子已二十四

歲矣檀弓載孔子合葬其母於防曰。

問 孔子少孤不知其墓廢於五父之衢人之見之者皆以爲葬也其愼也蓋廢也

史記據此文日

孔子母死乃殯五父之衢蓋其愼也陬人輓父之母誨孔子父墓然後往合葬

於防焉。

史記正義謂愼足以紼引棺就殯所也江永以馬遷誤讀檀弓文而爲之辨曰。 得其詳不惟孔子之家以爲已葬卽道旁見之者亦皆以爲已葬至是母卒欽 理蓋古埋棺於坎爲殯殯淺而葬深孔子父墓實淺葬於五父之衢因少孤不 孫邃人護孫著檀弓論文謂不知其墓殯於五父之衢十字當連讀爲句甚有 此章爲後世大疑本非記者之失由讀者不得其句讀文法而誤也近世高郵

父之母句下因屬文欲作倒句故置其上如此讀之可爲聖人釋疑有裨禮經 父之母能道其殯之詳是以信其言啟殯而合葬於防蓋殯也當在問於鄹曼 之若其葬而深也則疑體魄已安不可輕動其愼也蓋謂夫子再三審愼不敢。 從周人合葬之禮卜兆於防惟以父墓淺深爲疑如其殯而淺也則可啓而遷 輕敗父墓也後乃知其果爲殯而非葬由問於鄹曼父之母而知之蓋唯鄹曼

極弓叉日

者不淺(揶黨圖考)

爲東西南北之人度孔子其時年非甚少大抵在三十歲前後家語之說近之孔 觀禮弓記合葬於防之事孔子頗酌古今之禮而爲之制亦旣有門人矣且自謂 以弗識也於是封之崇四尺孔子先反門人後雨甚至孔子問焉曰爾來何運孔子旣得合葬於防曰吾聞之古也墓而不墳今丘也東西南北之人也不可 也日防墓崩孔子不應三孔子汝然流涕日吾聞之古不修墓。

第三章 蚤年

子早喪父受母之鞠育檀弓又記其移喪之情日

孔子旣祥五日彈琴而不成聲十日而成笙歌

按此之觧者殆是大祥孔子旣終三年之喪而猶不勝其悲哀之情終乃能節之

以禮也。

五至三十尤一意爲學四十以下則學成矣然孔子所學何事當時固有以爲問 十而知天命六十而耳順七十而從心所欲不踰矩雖終身乾乾不息大抵自十 孔子最好學至其晚年當自述,日吾十有五而志於學二十而立四十而不惑五第四一章 一概人問

大者不賢者識其小者莫不有文武之道焉夫子焉不學而亦何常師之有(**衛公孫朝問於子黃曰仲尼焉學子黃曰文武之道未墜於地在人賢者職其**

論語子張)

宴昭子與問答黃帝太皞以來名官之故甚濫仲尼慕而學焉左傳記其事日 早年從周)固無常師然實有所從受學之人魯昭公十七年鄉子來朝公與之 仲尼雖無所不學而其所識尤在文武之道朱子集註曰文武之道謂文王武王 之談訓功烈與凡周之禮樂文章皆是也(近日并研廖平今古學考亦謂孔子

鄉故孔子發此言也蓋官爲禮事孔子學於鄉子非僅問官兼學禮也自古以來 其世則遠以其國則小矣魯周公之後以其世則近以其國則大矣然其禮不如 及文武當世之禮皆在所考故有天子失官之嘆 杜預注謂孔子時年二十八號云孔子稱學在四夷疾時學慶也鄉少皞之後以 仲尼聞之見於鄉子而學之旣而告人曰吾聞之天子失官學在四夷獨信

朱子謂文武之道爲謨訓功烈禮樂文章蠹孔子蛋年殆尤致意於禮左傳昭公

七年日

九月公至自楚孟僖子病不能相禮乃講學之苟能禮者從之及其將死也召

第一編

第四章

觀周

其大夫曰醴人之幹也無禮無以立吾聞將有達者曰孔丘聖人之後也。

若獲沒必屬說與何忌於夫子使事之而學禮焉以定其位故孟懿子與南宮 **臧孫**紇有言曰聖人有明德者若不當世其後必有達人今其將在孔丘乎我

教叔師事仲尼

按孟僖子卒在昭公二十四年癸未二月孔子時三十五歲於是孟懿子與南宮

敬叔始來從學先是孔子三十一歲之時零張已爲弟子左傳曰

姦不受亂不爲利疚於回不以回待人不蓋不義不犯非禮(昭公二十年) **攀張聞宗魯死將往弔之仲尼日齊豹之盗而孟絷之賊女何弔焉君子不食**

忌卽孟懿子)其名益彰孔子因與敬叔適周史記孔子世家日 **遊孔子三十而立學術已成漸有弟子及孟僖子二子來學(說卽南宮敬叔何**

魯南宮敬叔言於魯君曰請與孔子適周魯君與之一乘車兩馬一豎子俱適

周問禮。

之間水經注亦以孔子十七歲適周蓋司馬遷誤解孟僖子卒在孔子十七歲時 **沛見老耼莊子多寓言不可據孔子世家則以適周之事置於十七歲至三十歲** 子適周之年傳者不一莊子天運篇以孔子行年五十有一而 不聞道乃南之

清閻若璩始據索隱論定以爲昭公二十四年其說曰。 昭公七年索隱謂孟僖子卒南宮敬叔始事孔子言於魯君而後適周則爲昭云孔子年五十一南見老聃是爲定公九年水經注云孔子年十七適周又爲孔子世家載適周在昭公二十年而孔子年三十十歲前未指何年閻誤莊子 時 何 公二十四年當以此爲是會子問孔子曰昔者吾從老耼助葬於巷黨及地日 有食之按春秋惟昭公二十四年夏五月乙未朔日食此卽孔子從老冊 由適 也他若昭二十年定九年皆不日食昭七年雖日食而敬叔尚未從孔。 周。 問

璩 訊 第 本索隱而索隱又本賈逵左傳注閻氏以後江永狄子奇亦以孔子適 緼 第四章 觀河

周

後而曾子問有吾從老聃助葬遇日食之事則適周宜在此年三四月間。 昭二十四年癸未二月孟僖子卒五月乙未朔日食孔子適周在敬叔學禮之在昭二十四年江永更考其時日

(郷

黨圖考)

子嘉言篇言孔子訪樂於萇弘孔叢僞書不可據然禮記樂記實有聞諸萇弘之 語故知孔子適周於禮樂皆有所問也孔子世家載老耼送孔子之語。 韓列傳記孔子問禮於老聃禮記曾子問孔子稱吾聞諸老聃者凡四見焉孔叢孔子適周將以問禮樂之事雖在周未久而所得甚閎史記孔子世家及老莊申

吾聞富貴者送人以財仁人者送人以言吾不能富貴竊仁人之號送子以言 聰明深察而近於死者好議人者也博辯廣大危其身者發人之惡者也爲

人 子者毋以有己爲人臣者毋以有己

老莊申韓列傳曰

者可以爲罔游者可以爲綸飛者可以爲鵵至於龍吾不知其乘風雲而 者是而已孔子去謂弟子曰鳥吾知其能飛魚吾知其能游獸吾知其能走走 **答貌**者愚去子之驕氣與多欲態色與淫志是皆無益於子之身吾所以告子 且君子得其時則駕不得其時則蓬累而行吾聞之良賈深藏若虛君子盛德 孔子適周將問禮於老子老子曰子所言者其人與骨皆已朽矣獨其言在

一一日見老子其獨龍耶

以透卽敬叔或日南容亦卽敬叔也敬叔蓋早年弟子中之賢者矣。 等書則亦未可謂盡誣 崔述洙泗考信錄以孔子及老耼問答爲楊朱之徒所僞記且謂敬叔在衰經 孔子適周實與南宮敬叔俱論語稱南宮适君子哉若人尙德哉若人孔安國註 金人銘等著於荀子宥坐淮南子道應訓韓詩外傳三說苑敬愼家語三恕觀周 不應適周疑其事非實然老耼之名數見禮記孔子適周觀太廟見周廟欹器及 也自周還魯而孔子名聲日高門從日衆史記孔子世家

第一編

第四章

所謂『孔子自周返於魯弟子稍益進焉』是也(大抵在昭公二十五年)

第五章 適齊

如齊於是孔子年三十六矣先是齊景公與晏嬰來魯當與孔子周旋史記孔子 昭公二十五年孔子方自周返魯而魯國復有內亂昭公出奔齊孔子亦於是時

世家日

之以政雖王可也其霸小矣景公說 國雖小其志大處雖辟行中正身舉五羖爵之大夫起纍紲之中與語三日授 齊景公與晏嬰來適魯景公問孔子曰昔秦穆公國小處辟其霸何也對曰秦

又齊世家曰。

景公二十六年獵魯郊因入魯與晏嬰俱問魯禮

齊景公二十六年卽魯昭公二十年孔子年三十一江永鄕黨圖考以左傳明言 是年景公田沛旦齊侯來春秋何以不書恐無此事今從史記

愧又正論解記孔子適齊遭婦人野哭此事本檀弓下篇然別不云適齊事不省 家語致思言孔子適齊途中遭丘吾子此事本韓詩外傳九(作皋魚)及說苑敬

家語更有所據否耳。

孔子在齊景公問以政事論語曰

齊景公問政於孔子孔子對日君君臣臣父父子子公日善哉信如君不君臣

不臣父不父子不子雖有粟吾得而食諸(顏淵)

訓也景公甚服孔子之說將大用孔子晏嬰沮之墨子非儒下篇日, 非無本國語(晉語四)晉勃鞮日君君臣臣是謂明訓稱日明訓必周先王之典 孔安國以是時陳恆制齊故孔子以此對翟灝四書考異曰孔子對景公八字亦

以知賢人雖然嬰聞所謂賢人者入人之國必務合其君臣之親而弭其上下 寡人者衆矣俱以賢人也今寡人問之而子不對何也晏子對曰嬰不肖不足 齊景公問晏子曰孔子爲人何如晏子不對公又復問不對景公曰以孔某語

第一編 第五章 適齊

禮以示 盡其學當年不能行其禮積財不能贍其樂繁飾邪術以營世君盛爲聲樂以盡其學當年不能行其禮積財不能贍其樂繁飾邪術以營世君盛爲聲樂以 民機服勉容不可使導衆孔某盛容修飾以蠱世弦歌鼓舞以聚徒繁登降之 教下好樂而淫人不可使親治立命而怠事。 景公說欲封之以尼谿以告晏子晏子曰不可夫儒浩居而自順者 贶寡人者衆矣非夫子則吾終身不知孔某之與白公同也孔某之齊見景公 以行邪勸下亂上敎臣殺君非賢人之行也入人之國而與人之賊非義之類 而從 民謀慮不可通於君臣嬰不知孔某之有異於白公也是以不對景公曰嗚呼。 也。 上不虛得下不危言聽於君必利人敎行下必於上是以言明而易知 ·知人不忠趣之爲亂非仁義之也逃人而后謀避人而後言行義 孔某之荆知白公之謀而奉之以石乞君身幾滅而白公僇嬰聞賢人得 也行義可明乎民謀慮可通乎君臣今孔某深慮同謀 儀務趨翔之節以勸衆儒學不 可 使議世勞思不可以補民繁壽不能 不可使守職宗喪循 以奉賊勞思盡知 哀。 也。 不可 不可 示可以 也行易 使慈 朔於

先衆公日善於是厚其禮留其封敬見而不問其道孔乃恚怒於景公與晏子 裡遇民其道不可以期世其學不可以導衆今君封之以利齊俗非所以導國 之伐吳以教高國鮑晏使毋得害田常之亂勸越伐吳三年之內齊吳破國之 告子貢曰賜乎舉大事於今之時矣乃遣子貢之齊因南郭惠子以見田常勸 乃樹鴟夷子皮於田常之門告南郭惠子以所欲爲歸於魯有頃間齊將伐魯

述洙泗考信錄亦疑此事然孔子實因不見用於齊而行今以論語呂照證之。 孔子世家與晏子春秋(外篇八)皆記晏子沮孔子之事而墨子文尤詳馬驌繹 史曰此等本墨氏非儒誘望之言不宜入晏子書中而太史公义信之亦誤矣崔 齊景公待孔子日若季氏則吾不能以季孟之問待之日吾老矣不能用也孔

難伏屍以言術數孔某之誅也

子行(論語微子)

孔子見齊景公景公致廩丘以爲養孔子辭不受入謂弟子曰吾聞君子當功

第一編 第五章 適齊

以受祿今說景公景公未之行而賜之廩丘其不知丘亦甚矣令弟子趣駕辭

而行(呂氏春秋離俗覽高義)

於季孟之間而末又悔故自託吾老不復用孔子也朱子集註則謂此言必非面 呂覽所載又見於淮南子氾論訓及說苑立節皇侃論語疏謂景公初雖言待之

語孔子蓋自以告其臣而孔子聞之爾此孔子去齊之大略也

孔子在齊歷聘紀年以爲留七年馬嘯江永以爲一年狄子奇嘗辨歷聘紀年之

誤日

愚按歷聘紀年蓋因誤讀史記世家而云然世家云反乎魯孔子年四十二魯

昭公卒於乾侯年四十二句與下句連讀非謂反魯時四十二歲也凡以甲申

適齊辛卯反魯者皆非是(孔子編年卷二)

馬鵬江永皆以孔子在齊一年江永日

按孟子言未曾有所終三年淹而歷聘紀年謂留齊七年非也昭二十七年吳

也然則在齊不過一年耳(椰黨圖考) 季札聘上國反於齊子死贏博間而夫子往觀葬蓋自魯往觀贏博間近魯境

或曰贏博本齊之二邑名則孔子觀鄰或是自齊往觀非必還魯後之事也今附 錄其事於此檀弓下篇日

無不之也無不之也而遂行孔子曰延陵季子之於禮也其合矣乎。 其高可隱也旣對左袒右還其對且號者三日骨肉復歸於土命也若魂氣則 於禮者也往而觀其葬焉其坎深不至於泉其斂以時服旣葬而封廣輪揜坎 延陵季子適齊於其反也其長子死葬於贏博之間孔子曰延陵季子吳之習

第六章 用魯

昭公三十二年公薨於乾侯時孔子年四十三於是定公立定公五年六月季平 子卒其子季桓子嗣立季氏家臣陽虎專魯政孔子惡之遂絕意政治退修詩書

第一編 第六章 用魯

魯自 一大夫以下皆僭離於正道故孔子不仕退而修詩書禮樂弟子彌衆至白

遠方莫不受業焉

陽虎聞孔子名聲欲與之周旋見於論語孟子。

陽貨欲見孔子孔子不見歸孔子豚孔子時其亡也而往拜之遇豁途謂孔子 日來予與爾言日懷其實而迷其邦可謂仁乎日不可好從事而延失時可謂。

知乎日不可日月逝矣歲不我與孔子日諾吾將仕矣(論語陽貨)

孔子之亡也而饋孔子蒸豚孔子亦臟其亡也而往拜之(五子滕文公下) 陽貨欲見孔子而惡無禮大夫有賜於士不得受於其家則往拜其門陽貨關

孔安國論語注陽貨陽虎也季氏家臣而專魯國之政朱子集註因之然則春 三傳所稱陽虎卽論語孟子所稱陽貨自無可疑崔述洙泗考信錄獨謂陽貨與 秋

陽虎各爲一人此不足據也

於是陽虎益恐先是季寤公鉏公山不狃皆不得志於季氏主是虎途與季寤叔

孫輙等共謀廢三桓事起而成宰公斂處父師成人與陽虎戰卒敗之陽虎奔離 陽關以叛詳見左傳定公八年傳其間有公山不狃召孔子之事然論語與史記

所載不同。

公山弗擾以費畔召子欲往子路不說曰末之也已何必公山氏之之也子曰 夫召我者而豈徒哉如有用我者吾其為東周乎(論語陽貨)

定公九年孔子年五十公山不狃以費畔季氏使人召孔子孔子欲往(史記

孔子世家

昺疏謂弗擾召孔子在定公五年九月陽虎幽問季桓子之時朱子亦同此恐惟 按弗擾即不狃孔安國論語注弗擾為季氏宰與陽虎共執季桓子而召孔子邪 史記獨以公山不狃以費畔在定公九年是季氏召孔子也翟灝四書考異申史 語曰。

記以釋論 按左傳史記各與論語事不同左傳之畔在定公八年時公山不狃雖未著畔

第一編

第六章

用各

孔子未果往而不狃盤踞於費季氏無如之何也十二年孔子爲魯司寇建墮迹而與季寤等共困陽虎則季氏亦已料其畔矣因於次年使人召孔子圖之。

公室以之平季氏之召終亦以應之矣如此說之則左史兩家所載得以相通 費策不狃將失所倚恃遂顯與叔孫輙襲犯魯公孔子親命申句須樂頎伐之

以從畔伐畔也上之謂往下之謂季氏所書經屢寫句內偶脫一字乃致與左 實大誤也揆子路語意當介介於季氏之平素劣跡而云何必因公山氏之之 而於事理亦可信論語召字上原無主名舊解惟推測子路語謂是公山氏召。

史文若矛盾耳。

學者多疑此事且考其年代尤多異說崔逃趙翼並力主無其事姑錄陔餘叢考

之說於下。

之公山弗擾卽左傳之公山不狃也左傳定公立年季桓子行野公山不狃爲 史記公山不狃本之左傳小司馬註引鄒氏曰狃一作蹂論語作弗擾是論語

宰將墮三 極無龍 怒懷 費宰出勞之桓子敬之而家臣仲梁懷不敬不狃乃嗾陽虎逐之是時不 露 與三子入於季氏登武子之臺費人攻之弗克仲尼命申句須樂順下伐之費 逃於讙陽關以叛季寤亦逃而出是時不狃雖有異志然但陰搆陽虎發難而 於蒲圃而殺之桓子以計入於孟氏孟氏之宰公斂處父帥兵敗陽虎陽虎後 也則不 實 論 孔子已爲司寇方助公使申句須等伐而逐之豈有欲赴其召之理史記徒 北國人追之敗諸姑蔑不狃及輒奔齊遂墮費此則不狃之以費叛也而是 坐觀 而 有孔 未怨季氏也定公八年季寤公鉏極公山不狃皆不得志於季氏 於叔孫氏叔仲志又不得志於魯故五人因陽虎欲去三桓將享 得謂之以費叛也至其以費叛之歲則在定公十二年仲由 都叔孫先墮郈季孫將墮費於是不狃及公孫輒帥 成敗於旁故事發之後陽虎季寤皆逃而不狃安然無恙蓋反形未 子欲往之語遂以其事附會在定公八年陽虎作亂之下不知未 費人以襲魯公 爲季氏 叔孫 桓子 狃

第一編第六章 用魯

四

之說 叛 常弑君竊國而 妄 以 濫 司 齊魯諸 也。 其 傳。其 安 以 收 戰國 宜以 在 者。 前召 聖 子路之墮費。 知 斷 吳 不 無召 固 人言行 亦 儒討論 (時有) 及漢 孔子容或有之然不得謂之以費叛而召 未 欲因之以張公室因 兩 小故覆宗國可見其 而 वि 矣王鏊震澤長語 眞偽 以 孔子受其幣夫陳恆弑君孔子方請討豈有受幣 欲 不 初 而定始謂: 忘故國 其 人 止欲 往 、善所載 之事 錯 載 在論 雜 張公室而不狃 主也世 一之語而臆度之實未嘗核對左傳 中取其純粹以成此書固見其有識然安 之論 孔子 語。 人讀論 而遂 引不 又謂 心尙欲效忠者以見孔子欲往之故此亦 遺言 語語者聖人之遺語論者諸儒之討論 二一信 狃 不 訓據城 語童 狃 軼 興 叔孫 事 以 《費物乃叛》 以爲實 甚多論 而 習之逐 以抗。 輒奔吳後輒勸吳伐 事 語 此份可謂 也。 所 記° 也。 深 旣 李 氏。 信 叛以 年月而 非叛 f 本 不 盗跖篇 非叛 疑 後。 亦 **則孔** 同 乙理而記 魯 间 魯不 此記 必 魯 推 也。 不 字。 有 無 孔子 子方 此 復 也於 曲 狃 載 云 参考 事 田 徒 爲

尙 有如此者論語公山不擾章毋亦類是(陔餘叢考卷四)

從而爲之辭以論語爲不可信又史記之說亦異然是惟當傳疑不可强說也其 八年之說出於鄭環而狄子奇孔子編年從之此獨以爲有其事不過於年之先 事或以爲在定五年或以爲在九年或以爲在八年其云五年九年者已見於前 凡諸疑者大抵按其事不合左氏叉揆孔子平日所論不宜欲赴公山氏之招乃

後有異說耳

陽虎既敗未幾而孔子用於魯史記世家日

其後定公以孔子爲中都宰一年四方皆則之由中都宰爲司空由司空爲大

司寇諸書記孔子爲魯司寇時事比錄於下(略以事爲次)

爾為司寇孔子日弗甫敦及厥辟將不堪公日不妄(韓詩外傳八)

受命者必以其祖命之孔子爲魯司寇命之曰宋公之子弗甫有孫魯孔丘命

仲尼將爲司寇沈猶氏不敢朝飲其羊公慎氏出其妻愼潰氏踰境而徙魯之

第一編 第六章 用唇

粥牛馬者不豫賈必蚤正以待之者也居於闕黨闕黨之子弟罔不必分有親

者取多孝悌以紀之也(荀子儒效)

能致也(淮南子泰族訓) 孔子爲魯司寇道不拾遺市賈不豫賈田漁皆讓長而斑白不覓戴非法之所 年男子行乎塗右女子行乎塗左財物之遺者民莫之舉(呂覽先識覽樂成) 孔子始用於魯魯人驚誦之曰麛裘而釋投之無戾鞸而麛裘投之無郵用三

乎以君子之知豈必待某子之云云然後知所以斷獄哉君子之敬讓也文幹。 以爲云云叉曰某子以爲何若某子曰云云辯矣然後君子幾當從某子云云 有可與人共之者君子不獨有也(說苑至公) 孔子爲魯司寇聽獄必師斷敦敦然皆立然後君子進曰某子以爲何若某子

之不悅日是老也欺予語予日爲國家必以孝今殺一人以戮不孝又舍之冉 孔子爲魯司寇有父子訟者孔子拘之三月不別其父請止孔子舍之季孫聞

岸。 而 踰 服之若不可尙賢以綦之若不可廢不能以單之綦三年而百姓往矣邪民不 亂其殺繁其刑其民迷惑而墮焉則從 從然後俟之以刑則民知罪矣詩曰尹氏大師維周之氐秉國之均四方是維。 子以告孔子慨然嘆曰嗚呼上失之下殺之其可乎不敎其民而聽其獄殺 勿踰乎詩曰周道 天子是庳卑民 **今生也有時斂也無時暴也不敎而貴成功虐也已此三者然後刑可** 辜也三軍大敗不可斬也獄犴不治不可刑也罪不在民故也嫚令謹 義刑 也百 哀哉詩日瞻彼日月悠悠我思道之云遠曷云能來子日伊稽首不其有來 虚 義殺。 仞之山而豎子馮而游焉陵遲故 車不能登也百仞之山任覔車登焉何則陵遲故也數仞之牆而民不 勿庸以卽予維 不迷是以威厲而不試刑錯而不用此之謂也今之世 如 《砥其直 如矢君子所履小人所視眷焉顧之潸然出涕 日未有順事言先敎也故先王旣陳之以道。 而制之是以刑彌繁而邪不勝三尺之 也今夫世之陵遲亦 久矣而能 則不 卽 誅 使 賊也。 Ŀ 也。 書 先

第一編第六章 用魯

乎(荀子宥坐)

秋七月癸巳葬昭公於墓道南孔子之爲司寇也溝而合諸墓 (左傳定公元

年

罪非禮也今合之所以揜夫子之不臣(家語相魯)蔽幷錄之先時季氏葬昭公於墓道之南孔子溝而合諸墓焉謂季桓子曰貶君以彰己

原思爲之宰與之粟九百辭子曰毋以與爾鄰里鄉黨乎(論語雍也)曰孔子原思爲之宰與之粟九百辭子曰毋以與爾鄰里鄉黨乎(論語雍也)曰成往

憲為豫邑宰為魯司寇以原

要之孔子用魯其政治上之大事無過夾谷之會及墮三都二事今分別述之

先是周室陵遲號令不行齊桓公晉文公相繼稱霸糾合諸侯仍以同獎王室爲

漸强至是齊景公欲興桓公之遺業乘晉之不競思得諸侯定公七年與鄭伯盟 號齊自桓公以後中衰於是晉之霸業久而不替當時惟楚與晉爭雄而吳越亦。

於鹹與衞侯盟於沙澤晉遂與三國有隙魯夙奉晉爲盟主乃不得不出侵齊之

子於是試其外交之材魯國以安孔子之力也。 此所以有夾谷之會也當是之時齊思耀其威欲執定公謀有不臧危辱立見孔 師(八年)未幾齊人亦來侵魯之力固非齊匹定公十年終至叛晉而與齊講和。

夾谷之會左傳與穀粱記事多違而左傳較詳其定公十年傳日

出門嘉樂不 丘據日齊魯之故吾子何不聞焉事旣成矣而又享之是勤執事也且犧象不 無還揖對日而不返我汶陽之田吾以共命者亦如之齊侯將享公孔丘謂梁 逼好於神爲不祥於德爲愆義於人爲失禮君必不然齊侯聞之遽辟之將盟。 夷之俘以兵亂之非齊君所以命諸侯也裔不謀夏夷不亂華俘不干盟兵不 **齊**人加於載書日齊師出竟而不以甲車三百乘從我者有如此盟孔 夏公會齊侯於祝其實夾谷孔丘相犂彌言於齊侯曰孔丘知禮而無勇若使 野合享而旣具是棄禮也若其不具用秕稗也用秕稗君辱棄禮 丘 使茲

四五

笲

緼

第六章

用魯

四

名惡子盍圖之夫享所以昭德也不昭不如其已也乃不果享齊人來歸

龜陰之田。

容髮卒能消弭於無形可見孔子外交之能力矣。 附於載書而孔子拒之終則謀隱於設饗而孔子尼之方此會也魯國安危間不按左氏所記蓋齊侯嘗設三計以嘗魯君始則機伏於兵力而孔子挫之繼則巧

穀梁傳所記與左氏微異其文日

幕下孔子曰笑君者罪當死使司馬行法焉首足異門而出齊人來歸鄮讙龜 之齊侯逡巡而謝曰寡人之過也退而屬其二三大夫曰夫人率其君與之行階而上不盡一等而視歸乎齊侯曰兩君合好夷狄之民何爲來爲命司馬止頗谷之會孔子相焉兩君就壇兩相相揖齊人鼓譟而起欲以執魯君孔子歷 陰之田者蓋爲此 古人之道二三子獨率我而入夷狄之俗何爲罷會齊人使優施舞於魯君 也。

司馬遷依據穀梁傳其詞頗加潤色。

會夷狄之樂何爲於此靑戶河河河河河。。
《戲劇撥鼓譟而至孔子趨而進歷階而登不盡一等舉袂而言曰吾兩以戲劍撥鼓譟而至孔子趨而進歷階而登不盡一等舉袂而言曰吾兩以 必有武 有 戲 心 公曰諾具左右司馬會齊侯夾谷爲壇位 登獻酬之禮 告 魯 爲 定公十年 作麾而去之有頃齊有司 君子之道輔其君。 而 夷狄之樂何爲於此請命 前。 司 孔子 備。 好會會於夾谷魯定公且以乘車好往 加法焉手足異處景公懼 有 春及齊平夏齊大夫犂鉏言於景公曰。 **爬畢齊有司** 趜 武 而 事者 進。 而子獨以夷狄之道敎寡人使得 歴階 必有文備古者諸侯 而 登不盡 趨 進日請奏四方之樂景公日諾於是於旄羽秡矛 而 進日 有司卻之不去則 丽 一等日匹夫 動。 請 知義不若歸而 奏宮中之樂景公日諾優倡侏儒爲 土堦三等以會遇之禮相見揖讓 出疆必具官以從請具左 孔子 沿海用孔丘 而熒惑諸侯者罪當誅請 左右視晏子與景公景公 罪於魯君爲之奈何有 大恐告其羣臣曰 日臣開 其勢危 右司 有文 齊乃使 君 爲 馬。 事 命 好 而

一編 第六章 用魯

第

司 進對日君子有過則謝以質小人有過則謝以文君若悼之則謝以實於是

齊侯乃歸所侵魯之鄆汝陽龜陰之田以謝過(孔子世家)

以為不可及也。 不其信與儒者用正義類迂闊遠於事情孔子獨能使强鄰內愧轉危爲安此所 孔子之於外交直不用權術而一秉正義西諺有之曰 Honesty is the best policy

定公皆權虛器而實權則在季文子季武子季平子之手及季平子卒其子季桓 外患旣寧乃從事於內政於是有墮三都之事魯自宣公以來至成公襄公昭公外患旣寧乃從事於內政於是有墮三都之事魯自宣公以來至成公襄公昭公 子執政實權又爲其臣陽虎所持孔子嘗嘅之曰

孔子欲復公室之權則不得不抑三桓然其時三桓亦擁虛位政在陪臣三桓之 將張皇公室就當日之計惟有先去陪臣之跋扈於是孔子說定公及季桓子立 專國尙以其爲魯之公族也至於陪臣專國直非有所憑藉卽巧弄而竊據之故 祿之去公室五世矣政逮於大夫四世矣故夫三桓之子孫微矣(論語季氏)

陪臣所領三子莫能制之左傳昭公十二年南蒯以費叛征之連年不克定公十 墮三都之策推其情勢蓋季孫孟孫叔孫三子皆居魯之國都其居城費郈成皆 年侯犯以郈叛一年之間再出師圍之不克此可以見三都之强也叔孫子論侯。

犯之亂曰。

夫三桓之所以能專政者亦**半由於三都之强使三都失其强則三桓之勢亦自** 當時實權雖去三桓然形式上猶爲魯國之執政故孔子將行墮三都之策不可 然而減故孔子墮三都之策卽以陰抑三桓之權會三桓亦苦陪臣之不可制深 納之而不疑所謂雖有智慧不如乘勢孔于雖用魯日淺亦足白儒者之效 不先得季孫氏之同意若季氏有所疑則其功不可就也公羊傳稍見其意曰 同非唯叔孫氏之憂社稷之患也(左傳定公十年) 孔子行乎季孫三月不違曰家不藏甲邑無百雉之城於是帥師墮郈帥師墮

第一編 第六章 用魯

費(定公十二年)

家有甲兵之藏故也季氏說其言而墮之故君子時然後言人不厭其言是孔子 之事問之何休於此傳註曰孔子曰陪臣執國命宋長數叛者坐邑有城池之固 月之中不見違過是達之也蓋季氏旣重孔子三月不違其策然後以郈費數叛 按三月不違之語又見十年齊人歸田傳何休註曰孔子仕魯政事行乎季孫三 徐以禮義約束三桓則魯公室之政可復國力可得而盛也於是孔子因使其門 已信於季氏而後爲此議也三桓貴介公子皆優柔易與惟先去陪臣之强者而 人中最有勇力之子路爲季氏宰以漸行其志焉。

春秋定公十二年日

左氏傳記其事曰

仲由為季氏宰將墮三都於是叔孫氏墮郈季氏將墮費公山不狃叔孫輒帥

仲尼命申句須樂碩下伐之費人北國人追之敗諸姑蔑二子奔齊遂墮費將 費人以襲魯公與三子入於季氏之宮登武子之臺費人攻之弗克入及公側 墮成公欽處父謂孟孫墮成齊人必至於北門且成孟氏之保障也無成是無

孟氏也子偽不知我將不墮冬十二月公圍成弗克

墮三都之策孔子援子路以行之然其所以終於不成者其故有三

(一)子路不能從孔子之意而行

子路使子羔爲費宰子日賊夫人之子子路日有民人焉有社稷焉何必讀書

然後爲學子曰是故惡夫佞者(論語先進)

之舉當在季氏初墮費之後也(崔述洙泗考信錄二) 魯定公五年公山不狃爲費宰見於傳至十二年奔齊而費始無宰然則子羔

(一) 季氏之對子路信任不堅

公伯寮憩于路於季孫子服景伯以告曰夫子固有惑志於公伯寮吾力猶能

第一編 第六章 用魯

肆諸市朝子日道之將行也數命也道之將廢也數命也公伯寮其如命何

論語意問

景伯之告孔子以道之行廢言之似不僅爲子路發者蓋孔子爲魯司寇子路

為季氏宰實相表裏子路見疑卽孔子不用之由然則公伯寮之愬當在孔子

將去魯之前也(珠泗考信錄二)

臣之有質權者處父而已陽虎之敗處父實戰而勝之有大功見旣墮費郈將及 (三)公欽處父勸孟孫勿墮成(已見前傳)蓋處父爲成率陽虎旣敗以後魯陪

於成又微窺孔子將張公室之意乃謂孟孫墮成川孟氏勢弱改內外通謀抗不

以後政權卒移於孟氏而季孫叔孫二氏浸以衰微矣墮三都之策未能奏其效 欲墮孟孫雖嘗師事孔子學禮然爲一家之利害問不能不動於庭父之言自是

者不出以上之三者也

史記孔子世家謂定公十四年孔子年五十六由大司寇行攝相事荀子亦稱孔

子爲魯攝相然此事不見於春秋三傳崔述曰

史記稱孔子攝相誅亂政者少正卯亦見於他書則其傳絕古崔述之說未可遽 衰者然故或謂之攝相傳聞者不知遂誤以爲相國之相耳(洙泗考信錄二) 攝蓋夾谷之會當使上卿相禮以孔子之知禮也越次而使之如狐偃之讓趙。 孟子曰於季桓子見行可之仕也然則是季孫爲魯相而能行孔子之言耳非 孟子及春秋傅孔子但爲司寇未嘗爲相公羊傳云孔子行乎季孫三月不違 孔子爲魯相也春秋時無以相名官者秉政之卿謂之相某君非官之名可云

信也荀子曰。 此五者有一 爲政而始誅之得無失乎孔子曰居吾語汝其故人有惡者五而盜竊不與焉 孔子爲魯攝相朝七日而誅少正卯門人進問曰夫少正卯魯之聞人也夫子 日心達而險二日行辟而堅三日言偽而辯四日記醜而博五日順非而澤 於人則不得免於君子之誅而少正卯兼有之故居處足以聚徒

第一編

第六章

用魯

析史付此七子者皆異世同心不可不誅也(宥坐) 以湯誅尹諸文王誅潘止周公誅管叔太公誅華仕管仲誅付里乙子產誅鄧 成羣言談足以飾邪營衆彊足以反是獨立此小人之桀雄也不可不誅也是

誅少正卯事又見於尹文子說苑諸書論衡講瑞曰

月當有誤二者必居一於此矣故崔逃主孔子於定十二年去魯江永狄子奇主 尤力要荀卿去孔子未遠此難臆定其無也惟史記記事固有自相矛盾者按十 誅 三年已至衞是定公十四年孔子已不在魯安有攝相之事卽攝相事不 二諸侯年表及魯世家並云孔子於定公十二年去魯衞世家則孔子於定公十 少正卯事朱子以論語左氏不載子思孟子不言疑之崔述洙泗考信錄辨之 夫門人去孔子歸少正卯不徒不能知孔子之聖又不能知少正卯門人皆**惑** 子貢曰夫少正卯魯之聞人也子爲政何以先之孔子曰賜退非爾所及 少正卯在魯與孔子並孔子之門三盈三虛唯顏淵不去顏淵獨知孔子聖也 虚斯年

孔子定十三年去魯今比錄其說如下

定十二年秋冬之間孔子世家誤也又十二諸侯年表去魯在定十二年與魯 以後魯固不用孔子矣不用而祭祭而行月餘日事耳然則孔子之去魯當在 費是孟子所云見行可之仕者卽此夏墮郈墮費之時旣云三月不違則三月 史記魯世家孔子去魯在定公十二年孔子世家在十四年余按春秋定公十 世家合當從之(崔述洙泗考信錄二) 二年夏墮咸墮費公羊傳云孔子行乎季孫三月不違於是帥師墮郈帥師墮

則何以爲夫子考十二諸侯年表及魯世家皆於定十二年書女樂去魯事年 十三年夏有築蛇淵囿大蒐比蒲皆非時勞民之事使夫子在位而聽其行之 孔子世家誅少正卯三月六治歸女樂去魯適衞皆敍於定公十四年非也定 表及衞世家皆於靈公三十八年書孔子來祿之如魯衞靈三十八當魯定十 三蓋女樂事在十二十三冬春之間去魯實在十三年春魯郊嘗在春故經不

用魯

五六

書當以衞世家爲正夫子春去魯而夏築蛇淵囿大蒐比蒲諸粃政卽作尤可。

見聖人在位之有碑也(江永鄕黨圖考)

皆失其實衞世家靈公二十八年孔子至衞當魯定公十三年茲從之(狄子 史記孔子世家以去魯在定公十四年十二諸侯年表及魯世家則在十二年

奇孔子編年)

以上諸說江永之說較詳確蓋以孔子去魯在定公十三年郊祭之後在諸粃政 子反魯在哀公十一年由以上瀕孔子去魯之年正當定公十三年故衞世家所 未作以前且尤有可證者孔子世家謂孔子之去魯凡十有四歲而反乎魯按孔 記最足據也至於孔子去魯之故有論語孟子二說

齊人歸女樂季桓子受之三日不朝孔子行(論語微子)

孔子爲魯司寇不用從而祭燔肉不至不稅冕而行(孟子告子下)

蓋孔子因墮三都之事不成其他行事又漸違孔子意故託於女樂燔肉爲去魯

之機齊歸女樂又見韓非子

諫諫而不聽必輕絕於魯景公曰善乃令黎且以女樂六遺哀公哀公樂之果。 不迎之以重祿高位遺哀公以女樂以驕榮其意哀公新樂之必怠於政仲尼 息於政仲尼諫不聽去而之楚(韓非子內儲說下) 仲尼爲政於魯道不拾遺齊景公患之黎且謂景公曰去仲尼循吹毛耳君何

楚韓非誤也史記孔子世家因韓非之詞而益詳曰 晏子春秋外篇所記與此略有同異然齊歸女樂是定公非哀公孔子適衞非適

十人皆衣文衣而舞康樂文馬三十駟遺魯君陳女樂文馬於魯城南高門外 犂鉏曰請先嘗沮之沮之而不可則致地庸遲乎於是選齊國中女子好者入 ……齊人聞而懼曰孔子爲政必霸霸則吾地近焉我之爲先幷矣盍致地焉

桓子微服往觀再三將受乃語魯君爲周道游往觀終日怠於政事

孟子曰孔子去魯曰遲遲吾行也去父母國之道也琴操載孔子去魯作龜山操

第一編第六章 用魯

日。

之陵遲憫百姓不得其所欲誅季氏而力不能於是援琴而歌云予欲望魯龜 氏專政上僭天子下畔大夫聖賢斥逐讒邪滿朝孔子欲諫不得退而望魯魯 山蔽之手無斧柯奈龜山何 有龜山蔽之辟季氏於龜山託勢位於斧柯季氏專政猶龜山蔽魯也傷政道 龜山操者孔子所作也齊人饋女樂季桓子受之魯君閉門不聽朝當此時季

陸買新語愼徵日

孔子遭君暗臣亂衆邪在位政道陷於三家仁義閉於公門故作公陵之歌傷

無權力於世

以備參考 公陵歌亦當作於去魯時然琴操多所附會新語或出依託雖不可盡信姑著之

第七章 適衞

五八

年惟其時月不可瞭知江永以爲在春郊之後夏蒐之前孔子世家記孔子去魯。 以上旣旣孔子以定公十三年去魯至哀公十一年而後返蓋周游天下十有四

宿乎屯途適衞論語儀封人之見則初入衞時事也

儀封人請見曰君子之至於斯也吾未嘗不得見也從者見之出曰二三子何

患於喪乎天下之無道也久矣天將以夫子爲木鐸(論語八佾)

閻岩璩亦謂此蓋孔子失魯司寇第一次至衞時事以喪字考之正合當時情事 鄭玄註儀蓋衞邑邢昺疏日以左傳衞侯入於夷儀疑與此是一故云蓋衞邑也

狄子奇孔子編年因之

子適衞冉有僕子日庶矣哉冉有日旣庶矣又何加焉日富之曰旣富矣又何

加焉日敎之(論語子路)

崔述洙泗考信錄二謂此似初至衞時之言孔子入衞觀其政事喟然歎曰 魯衛之政兄弟也(論語子路)

第一組 第七章 適衡

五九

六〇

包威註魯周公之封衞康叔之封周公康叔旣爲兄弟康叔睦於周公其國之政 亦如兄弟以今考之則魯衞之政兄弟疑據當時而言蓋孔子不得志於魯去而

適衞見其政理紊亂殆與魯等故深歎之

孔子在衞寓顏讎由家

於衞主顏醬由彌子之妻與子路之妻兄弟也彌子謂子路曰孔子主我衞卿

可得也子路以告孔子曰有命(孟子萬章上)

孔子出處進退一出於正顏雙由蓋孔子弟子史記以爲子路妻兄顏獨都非也 然周季漢初頗有孔子因彌子瑕以干衞之說如呂氏春秋日

孔子道彌子瑕見釐夫人因也(貴因)

淮南子泰族訓鹽鐵論論儒並記此事小有同異皆是傳聞之誤孔子進退必於

正尤可以論語證之

王孫賈問日與其媚其與寧媚於竈何謂也子曰不然獲罪於天無所顧也(

八佾)

論語曰。 王孫賈衞大夫之有力者孔子於詞無所假肯因彌子乎或猶以子見,南子爲疑

子見南子子路不悅夫子矢之日予所否者天厭之天厭之(雍也)

古來於此章頗有異說孔安國曰。

奮以南子者衞靈公夫人淫亂而靈公惑之孔子見之者欲因以說靈公使行

治道……行道旣非婦人之事而弟子不悅與之咒誓義可疑焉。

所疑在欲因南子說靈公使行治道而已據孔子世家所載則子見南子實有不 論語此章在雍也篇末後人遂有因孔安國說謂此章爲采他書附益者然孔

得已者

虁公夫人有南子者使人謂孔子曰四方之君子不辱欲與寡君爲兄弟者必 見寡小君寡小君願見孔子辭謝不得已而見之夫人在絺帷中孔子入門北

二編第七章 適衡

第

面

[稽首夫人自帷中再拜環珮玉聲璆然孔子曰吾郷爲弗見見之禮答焉子

路不悅孔子矢之曰予所不者天厭之天厭之(史記孔子世家)

意天厭亦非呪誓之詞史記列此事在適陳之後再反衞之時疑亦係初至衞時 事故繫之於此 天命所厭也蔡謨曰矢陳也夫子爲子路陳天命也然則子見南子非欲行道之 集解欒肇曰見南子者時不獲已猶文王之拘羑里也天厭之者言我之否屈乃

孔子至衞靈公甚優遇之史記日

衞靈公問孔子居魯得祿幾何對日奉粟六萬衞人亦致粟六萬(孔子世家)

靈公三十八年孔子來祿之如魯(衞世家)

又去之經曹宋陳鄭蒲又返衞未幾赴晉臨河而還又入於衞蓋在靈公之世往 孔子世家記孔子以定公十四年初適衞居十月去之經匡難後又適衞居月餘 孟子曰孔子有際可之仕於衞靈公際可之仕也蓋靈公固非能知孔子者史記

返於衞者四其去也各有其故錄之如下。

居頃之或譖孔子於衞靈公靈公使公孫余假一出一入孔子恐獲罪焉居十

月去衞將適陳 右初去衞

月餘返乎衞主蘧伯玉家……居衞月餘靈公與夫人同車宦者雍渠參乘出

使孔子爲次乘招搖市過之孔子曰吾未見好德如好色者也於是醜之去衞

過曹 右再去衞

靈公老怠於政不用孔子孔子喟然歎曰苟有用我者朞月而已三年有成孔

子行……孔子旣不得用於衞將西見趙簡子至於河 右三去衞

反乎衞入主蘧伯玉家他日靈公問兵陳孔子曰俎豆之事則嘗聞之軍旅之

事未之學也明日與孔子語見螿雁仰視之色不在孔子孔子遂行復如陳。

右四去衞

以 上惟問陳之事見於論語且謂明日遂行是最可信史記記事固多相違牾者

第一編 第七章 適衞

崔述考之最詳

黨之士狂簡進取不忘其初此兩章亦一時之語而所傳異詞世家亦分爲一 **晋黨之小子狂簡斐然成章不知所以裁之孟子曰孔子在陳曰盍歸乎來吾 逢**謂孔子凡兩發歎一屬之初至陳一屬之再至陳夫旣思狂簡而反衞矣而 則靈公之卒固已久矣尙安得問陳乎其謬一也論語日子在陳日歸與歸與 而孟子敍其道路所經與在陳所主非再去也世家誤分爲二遂謂孔子至陳 定公卒之歲乃定公十五年適宋遭桓司馬之難至陳主於司城貞子蓋本之 孔子居陳三歲幷曹宋鄭蒲之滯及在衞臨河之日計之當不下四五年如此 陳而遂行蓋本之於論語余按論語孟子所記乃一時事論語記其去衞之故 於孟子其再適陳也以靈公卒之春乃魯哀公二年而誤以爲三年因靈公問 三歲而反乎衞由衞而再適陳此實不思定公卒之歲距靈公之卒僅二年而 世家孔子於靈公時凡四去衞而再適陳其二皆未出境而反其初適陳也以

年表已於是年至陳世家以定十五年遭宋桓魋之難而年表乃在哀之三年 之禮貌衰則去之去果是也則不當不召而自反如可返也則毋寧始之不去。 之君子言將行其言也則就之言弗行也則去之其次迎之致敬以有禮則就 寶鳴犢舜華之死不得已而後反孔子之去就若是之苟然而已乎孟子曰古 又至陳奚爲者至陳而又思歸以裁狂簡何其行止之無常乎其謬二也過 孟子所記亦取而合之則事理曉然明白孔子幷無由衞而再適陳由陳而返 陳甚不可解也今取孟子過宋之文論語問陳之事合而爲一在陳之歎論語。 世家以哀六年再反衞而年表乃在十年世家自陳反衞自衞復至陳之事年 之爲愈乎而何爲乎僕僕於道途而不憚其煩也且世家於定十四年適衞而 之役以恐獲罪而去未出境也無故而反臨河之役無故而去亦未出境也聞 表皆無之卽其所自爲說已自改之而學者反皆遵之謂孔子三至衞而三至

第一編 第七章 適衛

衞之事矣(洙泗考信錄二)

六六

至其去衞之年雖無可考然衞靈以哀二年夏卒則孔子之去非定之末卽哀 之初世家所謂魯定公卒之年去衞者近是(同上)

定公十五年卒也衞靈公非賢君孔子何爲久滯於衞殆門人中多衞人又衞諸 史記之說誠多有牴牾大抵靈公之世孔子自魯至衞至於問陳而後去此較爲 可信孔子以定十三年適衞如從世家說於定公卒之年去衞則留衞適三年蓋

子言衞靈公之無道也康子曰夫如是奚而不喪孔子曰仲叔圉治賓客祝鮀臣不乏賢才故自魯以外孔子居衛最久論語曰。 治宗廟王孫賈治軍旅夫如是奚其喪(憲問)

此蓋孔子晚返魯後之語且數稱蘧伯玉之君子又主於其家信夫衞之諸臣不

之賢者 也

第八章 歴聘

史記孔子世家以孔子四去衞初去將適陳遭匡難而反又去衞過曹適宋遭桓

所遭如桓魋之難匡之難陳蔡之離以及佛肸之召赴晉之志楚昭王之聘皆 之犖犖大者惟其歲月頗不可悉詳輒分別述之史記所書旣自相違是以不盡 居衞不過三年至哀公十一年復由衞還魯此十年間皆歷聘諸侯之日也其間 旣已考定故今斷以孔子自魯適衞及去衞 魋 之難適鄭至陳居三年過蒲復反衞至問陳而後去然世家與年表多異前 而後歷聘諸侯自定公十三年去

甲 相 魋之 難 **采史記略引他書爲證**

史記敍桓魋之難在匡之後今據孟子敍在前孟子曰。

孔子不悅於魯衙遭宋桓司馬將要而殺之微服而過宋(萬章)

子曰天生德於予桓魋其如予何(述而) 子育敍孔子不悅於魯衞是去衞即遭桓司馬之難可知論語曰。

盏 孔 予 遭難之際而不惑於天命如此諸書往往有記其時之事者 13 X. 第八 章: 歷 聘

六七

聚三十引典略太平御覽五百二十三引略有異同史記亦有此文) 孔子過宋與弟子習禮大樹下宋司馬桓魋使人拔其樹去適於野(藝文類

2 匡人之難

與桓魋之難相先後者有匡人之難

子畏於匡日文王旣沒文不在茲乎天之將喪斯文也後死者不得與於斯文

也天之未喪斯文也匡人其如予何(論語子罕)

匡難之事見於莊子秋水篇韓詩外傳六孔子世家說苑雜言等韓詩外傳曰 子畏於匡顏淵後子曰吾以女爲死矣曰子在回何敢死(論語先進)

孔子行簡子將殺陽虎孔子似之帶甲以圍孔子舍子路慍怒奮戟將下孔子

陽虎而以我爲陽虎則非丘之罪也命也我歌子和若由歌予和若一子路歌 止之日由何仁義之寡裕也夫詩書之不習禮樂之不講是丘之罪也若吾非

孔子和之三終而圍罷

宋邑故桓魋之難與匡人之難其事相類其地相近崔述以爲疑是一事而傳聞 異詞今仍分爲二事 按定公六年左傳云侵鄭取匡往不假道於衞是匡在鄭東及還陽虎使季孟自 南門入是匡在衞南魯雖取匡勢不能有杜氏疑爲歸之魯莊子荀子皆以匡爲

(丙) 佛肸之召

佛肸之召惟見於論語及孔子世家他書不見故其在何時莫能考定論語 日白乎湼而不緇吾豈匏瓜也哉焉能繋而不食(陽貨) 也佛肸以中牟畔子之往也如之何子曰然有是言也不曰堅乎磨而不磷不 佛肸召子欲往子路曰昔者由也聞諸夫子曰親於其身爲不善者君子不入

匏瓜有二說何晏以爲瓠瓜皇侃疏以爲星名或云末二語是夫子之戲言也

既苑載孔子赴晉不果之事(丁) 孔子欲赴晉不果

第一編

第八章

歷聘

孔子

故丘聞之刳胎焚夭則麒麟不至乾澤而漁蛟龍不游覆巢毀卵則鳳凰不翔 國之賢大夫也趙簡子之未得志也與之同聞見及其得志也殺之而後從政 洋平丘之不濟於此命也夫子路趨進日敢問奚謂也孔子曰夫澤鳴犢犨晉 鳴犢犨任之以政而殺之使人聘孔子於魯孔子至河臨水而觀曰美哉水洋 趙簡子曰晉有澤鳴犢犨魯有孔丘吾殺此三人則天下可圖也於是乃召

舜華琴操作竇鳴犢水經注作鳴犢 此 事又見孔子世家琴操水經河水注五文小有詳略史記澤鳴犢犨作寶鳴犢 丘閩之君子重傷其類者也(權謀)

(戊) 過鄭

諸書又記孔子過鄭有人相孔子之語

似皋繇其肩似子產然自要以下不及禹三寸儡儡如喪家之狗子貢以告孔 夫子過鄭與弟子相失獨立郭門外或謂子貢曰東門有一人其頭似堯其頸

子孔子喟然而笑曰形狀末也如喪家之狗然哉乎然哉乎(白虎通壽命)

韓詩外傳九記此事以鄭爲衞以或人爲姑布子卿又見於孔子世家論衡骨相

篇文有異同。

(己) 陳蔡之難

風俗通諸書今獨載荀子以其言出於儒家較爲可信也其詞曰。 行覽愼人審分覽任數說苑雜言及韓詩外傳七史記孔子世家家語在尼論例 孔子尼於陳蔡之間其事見於墨子非儒莊子讓王秋水荀子宥坐呂氏春秋孝

比于不見剖心乎汝以忠者爲必用耶關逢龍不見刑乎汝以諫者爲必用耶 美行之日久矣奚居之隱也孔子曰由不識吾語汝汝以知者爲必用耶王子 之日由聞之爲善者天報之以鬸爲不善者天報之以禍今夫子累德積義懷 伍子胥不磔姑蘇東門外乎夫遇不遇時也賢不肖材也君子博學深謀不遇 孔子南適楚尼於陳蔡之間七日不火食藜羹不糂弟子皆有飢色子路進問

第八章

歷聘

其時孔子曰由居吾語汝昔晉公子重耳霸心生於曹越王句踐霸心生於會 遇其時雖賢其能行乎苟遇其時何難之有故君子博學深謀修身端行以俟 也夫賢不肖者材也爲不爲者人也遇不遇者時也死生者命也今有其人不 不芳君子之學非爲通也爲窮而不困憂而意不衰也知禍福終始而 時者多矣由是觀之不遇世者衆矣何獨丘哉夫芷蘭生於深林非以無 心不惑

吾不得之桑落之下。

稽齊桓公小白霸心生於莒故居不隱者思不遠身不佚者志不廣女庸安知。

(庚) 楚昭王欲用孔子不果

說苑曰。

處鎬鄧鎬之間百乘之地伐上殺主立爲天子世皆曰聖王今以孔子之賢而 子路者乎使諸侯有如宰予者乎長管五官有如子貢者乎昔文王處酆武王 楚昭王召孔子將使執政而封以書社七百子西謂楚王曰王之臣用兵有如

孔子世家亦載此事朱子頗疑書社七百里說江永辨之曰。 有書社七百里之地而三子佐之非楚之利也楚王遂止(雜言)

史遷屬辭之不善耳當云書社七百如左傳書社五百荀子書社三百之云則 **社之人封孔子也然則此里非延長之里朱子疑書社七百里無此理愚謂此** 索隱云古者二十五家爲里里各立社書社者書其人名於籍蓋以七百里書 無疑矣(郷黨圖考)

第九章 自衞反魯

衛出公之世矣論語曰。 **六年自楚反衞中間又嘗至陳至於哀公十一年又先入衞而後反魯耶蓋皆在** 事而推孔子自衞反魯之事亦在哀公十一年豈孔子自靈公之末去衞魯哀公。 陳入衞十二諸侯年表同出公八年當魯哀公十一年孔子世家無自陳還衞之 史記孔子世家謂哀公六年孔子自楚反乎衞然衞世家又謂出公八年孔子自

第一編 第九章 自衛反魯

人也曰怨乎曰求仁而得仁又何怨出曰夫子不爲也(述而)冉有曰夫子爲衞君乎子貢曰諾吾將問之入曰伯夷叔齊何人也曰古之賢

崔述洙泗考信錄以此章爲哀公六七年間語其說曰

孔子世家述於哀公六年後日是時衞君輒父不得立在外諸侯數以爲讓而孔 宰及齊師戰於郊則是**孔子至衞之後二子自衞先歸魯也或者二子**知夫子 之不爲 春秋傳哀公七年公會吳於鄫太宰嚭召季康子康子使子貢辭冉求爲季氏 而遂去耶然則此章問答當在孔子反衞之初哀公六七年間。

子弟子多仕於衞衞君欲得孔子爲政論語曰。 措其手足故君子名之必可言也言之必可行也君子於其言無所苟而已矣順則事不成事不成則禮樂不與禮樂不與則刑罰不中刑罰不中則民無所 子路曰衞君待子而爲政子將奚先子曰必也正名乎子路曰有是哉子之迂 也奚其正子曰野哉由也君子於其所不知蓋闕如也名不正則言不燳言不。

(子路)

朱子集註亦謂衞君爲出公輒是時出公不父其父而禰其祖名實紊矣故孔子

以正名爲先又引胡氏之說曰

名正言順而事成矣(論語集註七) 公卒夫人立之又辭乃立蒯瞶之子輒以拒蒯聵夫蒯聵欲殺母得罪於父而衞世子蒯聵恥其毋南子之淫亂欲殺之不果而出奔靈公欲立公子郢郢辭 輒據國以拒父皆無父之人也其不可有國也明矣夫子爲政而以正名爲先 必將是其事之本末告諸天王請於方伯命公子郢而立之則人倫正天理得。

王陽明日。

父不可爲君他必能迎其父蒯聵當此時亦必感動底豫蒯聵旣豫輒乃致國 夫子旣肯與之爲政必已是他傾心委國而聽夫子必有感動他處使其 衞君一心致敬盡禮待夫子爲政夫子就先去告天子告方伯以之豈人情耶。 知 無

七五

第

一編

第九章

自衙反登

請戮已見化於其子又有夫子至誠和調其間亦決不肯受羣臣百姓又必欲 **立**輒而爲君輒於是自暴其惡請於天子告於方伯而必欲致國於其父聵與 羣臣百姓亦皆表輒悔悟仁孝之衷請於天子告於方伯必欲立輒而爲君輒

有爲而爲之孟子曰孔子有公養之仕於衞孝公公養之仕也是已(集註孝公 發胡氏王氏之說益出於臆測未能定其是否然孔子固當有仕出公之意或宜 按正名一語馬融以爲正百事之名鄭玄以爲正文字宋儒以下則以爲爲輒而 不得已乃如後世上皇故事以尊瞶則君臣父子一舉名正言順矣。

獲齊國書於是子貢亦仕於叔孫氏孔子高弟多仕魯者史記記孔子之反魯曰 遲亦在軍有戰功夏五月哀公會吳王伐齊甲戌吳師與齊師戰於艾陵大敗之 書高無平帥師伐魯時孔子弟子冉求爲季氏宰與齊師戰於郊敗之是役也樊 要之孔子於衞出公之時至衞及魯哀公十一年自衞反魯考哀公十一年齊國

疑出公輒

六

學之於孔子季康子曰孔子何如人哉對曰用之有名播之百姓質諸鬼神而冉有爲季氏將師戰於耶克之季康子曰子之於軍旅學之乎性之乎冉有曰 子歸魯孔子之去魯凡十四歲而反乎魯 之則毋以小人固之則可矣……會季康子逐公華公賓公林以幣迎孔子孔 無憾求之至於此道雖累千祉夫子不利也康子曰我欲召之可乎對曰欲召無憾求之至於此道雖累千祉夫子不利也康子曰我欲召之可乎對曰欲召

然孔子之反魯亦有不滿於衞之故左傳曰。

私訪衞國之難也將止魯人以幣召之乃歸(哀公十一年) …孔文子之將攻太叔也訪於仲尼仲尼日胡簋之事則嘗學之矣甲吳之事 侍人誘其初妻之娣置於犂而爲之一宮如二妻文子怒欲攻之仲尼止之… 冬衞太叔疾出奔宋初疾娶於宋子朝子朝出孔文使疾出其妻而妻之疾使 未之聞也退命駕而行曰鳥則擇本木豈能擇鳥文子遽止之曰圉豈能度其

孔子謂孔文子之語與衞靈公問陳同有疑爲一事而傳聞異辭者史記謂孔子 第 一編 第九章 自衞反魯

還其說亦有左證具錄如下以備參考年哀公元年並在魯又哀公七年至九年亦在魯此後復游諸侯至於十一年而。 去魯十四年而後反自來學者罕有異說獨狄子奇孔子編年謂孔子定公十五

其謂孔子定公十五在魯則引左傳爲證

五月壬申公薨仲尼曰賜不幸言而中是使賜多言者也。 不體何以能久高仰驕也卑俯替也驕近亂替近疾君爲主其先亡乎……夏 仰於是乎取之朝祀喪戎於是乎觀之今正月相朝而皆不度心己亡矣嘉事。 曰以禮觀之二君者皆有死亡焉夫禮死生存亡之體也將左右周旋進退俯。 十五年春邾隱公來朝子貢觀焉邾子執玉高其容仰公受玉卑其容俯子貢

狄子奇附記曰

此 孔子在陳聞之蓋泥於史記去魯十四年之說耳不知史記前後錯亂不可勝 明是在魯觀之在魯言之爲孔子十四年反魯明證說者必謂子貢先反

數固未可盡信也。

此爲大矣客曰敢問誰守爲神仲尼曰山川之靈足以紀綱天下者其守爲神尼曰丘聞之昔禹致羣神於會稽之山防風氏後至禹殺而戮之其骨節專車幣於大夫及仲尼仲尼爵之旣徹俎而宴客執骨而問之曰敢問骨何爲大仲 謂哀 之極幾何仲尼日僬僥氏長三尺短之至也長者不過十尺數之極也(魯語 **社稷之守爲公侯皆屬於王者客曰防風氏何守也仲尼曰汪芒氏之君也守** 封隅之山者也為漆姓在虞夏商為汪芒氏於周爲長翟今爲大人客曰人長 吳伐越墮會稽獲骨焉節專車吳子使來好聘且問之仲尼日無以吾命實 公元 年孔子居魯則引國語爲證。

左傳吳王夫差破越王句踐於會稽哀公元年故狄子奇以元年孔子在魯且附 記曰此事又見家 第 一編 第九章 語辨物解亦云吳子使來聘於魯且問之仲尼其爲孔子居魯 自 衛反魯 七九

下

八〇

決 然無疑乃史記世家與羵羊事類敍於定公五年殊不可解云云

子語亦非可執爲孔子在魯之據國語記事涉奇怪似尤未足深信也 个考狄子奇之說其以哀公七八九年孔子在魯殊無確證**。** 即如前舉左傳引孔

第十章 慨時

皇皇而不得已者誠憫世之亂欲有以救之也孟子曰孔子自定公十三年去魯周游天下畏於匡遭桓魋之難絕糧於陳蔡所爲栖栖

傳曰孔子三月無君則皇皇如也出疆必載贄(滕文公)

蓋孔子欲有所藉而行其道者如此韓詩外傳五曰

孔子抱聖人之心彷徨乎道德之域逍遙乎無形之郷倚天理觀人情明終始。

暴寡百姓靡安莫之紀綱禮儀廢壞人倫不理於是孔子自東自西自南自北知得失故與仁義厭勢利以持養之於時周室微王道絕諸侯力政强劫弱衆

匍匐救之。

孔子旣汲汲以救世爲志而又嘗自期其成功。

子曰芍有用我者期月而已可也三年有成(論語子路)

然孔子之行其道其出處進退又必依於禮義

子貢曰有美玉於斯韞檳而藏諸求善賈而沽諸子曰沽之哉沽之哉我待賈

者也(論語子罕)

孔子蓋爲當世諸侯所傾重故每入一國輒能得其國情

子禽問於子貢日夫子至於是邦也必聞其政求之與抑與之與子貢日夫子

温良恭儉讓以得之夫子之求之也其諸異乎人之求之與(論語學而)

孔子慨時之志觀於所引論語下數章可見

子曰道不行乘桴浮於海從我者其由與子路聞之喜子曰由也好勇過我無

所取材(公冶長)

此章爲孔子何年語不可瞭知然大抵發於歷聘之時程子曰 第一編 第十章 慨時

八一

八二

路以爲實然而喜夫子之與己故夫子美其勇而譏其不能裁度事理以適於 浮海之歎傷天下之無賢君也子路勇於義故謂其能從己皆假設之言耳子

義也(朱子論語集註)

無所取材一語鄭玄獨以爲無所取材者無所取於桴材以子路不解微言故戲

之耳此亦可備一解

子欲居九夷或日陋如之何子日君子居之何陋之有(子罕)

子國其人皆衣冠帶劍好讓不爭子乃謂東方所居能有如是之國何可槪謂其 未可與莊論也故不復遠申己意而但卽東夷戲言之山海經云海外東方有君 此亦孔子憤世之意翟瀬四書考異日聖人旨在託意淑世或遂謂將實居其人

陋此亦如桴材匏瓜之答不必以化夷爲夏泥言

那昺疏謂此章言孔子傷時無明君心子曰鳳鳥不至河不出圖吾已矣夫(子罕)

子在川上日逝者如斯夫不舍晝夜(子罕)

集註以川上蓋喩道體然晉孫綽解日川流不舍年逝不停時已晏矣而道不興

所以憂嘆也則亦孔子慨時之語矣

孔子周游天下屢遇隱者或受其諷諭雖與孔子跡若有異然孔子亦有時深寄

其同情於隱者不可不知也論語曰

徵生畝謂孔子曰丘何爲是栖栖者與無乃爲佞乎孔子曰非敢爲佞也疾固

也(憲問)

朱子集註曰畝名呼夫子而辭甚倨蓋有齒德而隱者然則微生畝雖與孔子異 趣而孔子答辭甚恭蓋亦未嘗輕之矣。

子路宿於石門晨門日奚自子路日自孔氏日是知其不可而爲之者與 論

語意門)

第一編 第十一章 拿隱

觀晨門之言亦隱者之流也

矣是唐以前斯己字皆不作止解由於經文作己不作已也按朱子集註斯已之 作斯已錢大昕十駕齋養新錄日今人讀斯已而已兩已字皆如以考唐石經莫 此亦一隱者謂孔子不爲其已孔子聞之亦致慨於末俗之難爲也斯已唐石經 集解硜硜者徒信己而已皇疏申之云言孔子硜硜不肯隨世變然自信己而已 巳蓋作止解矣。 己斯己皆作人己之己而已作已止之已釋文莫己音紀下斯己同與石經正合 莫己知也斯已而已矣深則厲淺則揭子曰果哉末之難矣(論語**憲問)** 子擊磬於衞有荷蕢而過孔氏之門者曰有心哉擊磬乎旣而曰鄙哉硜硜乎

方觀旭論語偶記日案戰國策范睢對秦王日箕子接輿漆身而爲瀨披髮而爲 已而今之從政者殆而孔子下欲與之言趨而辟之不得與之言(論語徵子) 楚狂接輿歌而過孔子日鳳兮鳳兮何德之衰往者不可諫來者猶可追已而

æ٥ 則 惟傳其名並傳其行矣戰國去孔子未遠當足爲據 (神仙傳以接與姓

陸名通隱峨眉山其說晚出不足深據)

孔子聞接輿之歌欲 孔丘曰是 子焉明日子路行以告子曰隱者也使子路反見之至則行不分孰爲夫子植其杖而芸子路拱而立止子路宿殺雞爲 可 辟人之士也豈若從辟世之士哉耰而不輟子路行 路從而 `與同羣吾非斯人之徒與而誰 沮桀溺耦而 明日子路行以告子曰隱者也使子路反見之至則行矣子路曰不仕 後遇丈人以杖荷蓧子路問曰子見夫子乎丈人曰四體。 可 耕孔子過之使子路問津焉長沮曰夫執 廢 下而與之言則亦有 也。 君臣 也日是知津矣問於桀溺桀溺日子爲誰日爲仲由。 一之義如之何其廢之欲潔其身而亂 與天下有道。 取严爾。 个皆是也不 丘不 與易 而誰以易之且而與其從 以告夫子憮然日鳥獸 心(論語微子) 輿者爲 黍而食之見其二 大倫君子之 誰子路 深勤 Ŧi.

八五

第

赹

第十一

窜

奪隱

仕 也行其義也道之不行已知之矣(同上)

孔子遇長沮桀溺而自嘆當爲斯人之徒又使子路反見丈人其於隱者騰懷獨

逸民伯夷叔齊虞仲夷逸朱張柳下惠少連子曰不降其志不辱其身伯夷叔論語微子篇於楚狂接輿長沮桀溺荷蓧丈人三章後次以二章 齊與謂柳下惠少連降志辱身矣言中倫行中慮其斯而已矣謂虞仲夷逸隱

居放言身中清廢中權我則異於是無可無不可

大師擊適齊亞飯干適楚三飯繚適蔡四飯缺適秦鼓方叔入於河播鼗武入

於漢少師陽擊磐襄入於海

此二章蓋孔子遇隱之後因尙論古之隱者而致其意毛奇齡論語稽求篇日 聲用變亂正聲以悅婦人樂官師警抱其器而犇散或適諸侯或入河海顏師。 大師擊諸樂官是殷紂時人舊引漢書禮樂志曰殷紂斷棄先祖之樂乃作淫

孔子對於古今隱者本在心許之列隱者之迹或近於狂或近於狷故論語曰 子曰不得中行而與之必也狂狷乎狂者進取狷者有所不爲也(子路) 繁其地是也況齊蔡諸地本是舊名在商時已有之周但因其地而封國焉耳 序之可據者故董仲舒對策亦云紂逆天暴物殺戮賢知守職之人皆奔走逃 知尚書序祇言諸侯不指定何地而注魯論者始以今地實詮之師古所云追 亡入於河海而古今人表則以擊于僚缺等八人列於伯夷叔齊之下文王之 乃作太誓告於衆庶卽載此文而漢志亦云此書序之言則此明係尙書 古注以爲卽論語所記大師擊之屬是也但志文此段實本尙書泰誓文史記 上則明是殷紂時人而世多不解祇以適齊適蔡則周時國名或用致疑殊不。 與書

孟子詳釋此章之意日

中道哉不可必得故思其次也……如琴張曾晳牧皮矣孔子之所謂狂矣… 子不得中道而與之必也在獧乎在者進取獧者有所不爲 也孔子豈不欲

八八八

…其志嘐嘐然曰古之人古之人夷考其行而不掩焉者也狂者又不可得欲 得不屑不潔之士而與之是覆也是又其次也(盡心)

在狷皆上所舉隱者之流孟子又以曾晳爲狂茲記論語孔子與點之語如於 子喟然嘆曰吾與點也(先進)) 對曰方六七十如五六十求也爲之比及三年可使足民如其禮樂以俟君子 何如鼓瑟希鏗爾舍瑟而作對日異乎三子者之撰子日何傷乎亦各言其: 旅因之以饑饉由也爲之比及三年可使有勇且知方也夫子哂之求爾何如也如或知爾則何以哉子路率爾而對曰千乘之國攝乎大國之間加之以師。 也日莫春者春服旣成冠者五六人童子六七人浴乎沂風乎舞雾詠而歸夫。 子路曾皙冉有公西華侍坐子曰以吾一日長乎爾毋吾以也居則曰不吾知 爾何如對日非日能之願學焉宗廟之事如會同端章甫願爲 小相焉。 點爾

言志者同時有子路冉有公西華而孔子獨與曾晳以其志近於狂與隱也

子日賢者避世其次避地其次避色其次避言子曰作者七人矣(論語意問)

地者柳下惠少連避色者荷蒉楚狂接輿避言者也共十人所舉人數雖不同要 桀溺丈人石門荷竇儀封人楚狂接輿王弼則以爲伯夷叔齊虞仲夷逸朱張柳 下惠少連獨鄭玄以七字爲十字之誤伯夷叔齊虞仲避世者荷蓧長沮桀溺避 包咸解作者七人日作爲也爲之者凡七人七人異說甚多包氏則以爲卽長沮

徵諧孔子平日所論亦頗有甘於隱遯而不求知之志略舉其證如後 皆隱者之流至李侗始謂不知其誰何必求其人以實之則鑿矣

子曰……人不知而不慍不亦君子乎(論語學而)

子日不患人之不已知患不知人也(同上)

子曰不患無位患所以立不患莫己知求爲可知也(論語里仁)

子曰不患人之不己知患其不能也(論語憲問)

子日君子病無能焉不病人之不己知也(論語衞靈公) 第十一章 貸隱

八九

最後四章其旨殆同而文小異朱子曰凡章指同而文不異者一言而重出也文 小異者屢言而各出也此章凡四見而文皆有異則聖人於此一事蓋屢言之其

丁寧之意亦可見矣(論語集註意問篇)

孔子雖歷聘諸侯不得行其道而無怨憤之意益自修其德

子曰莫我知也夫子買曰何爲其莫知子也子曰不怨天不尤人下學而上達

知我者其天乎(論語憲問)

孔安國解下學而上達日下學人事上知天命孔子晚年絕意當世之務益觀天

人之際以成其德論語言處凱世之道尤詳

子日君子之於天下也無適也無莫也義之與比(論語里仁)

何晏解無適無莫日莫所貪慕也 子謂顏淵曰用之則行舍之則藏惟我與爾有是夫(論語述而)

孔子雖以撥亂反正為志然亦因時行藏無容心於用舍焉。

子日邦有道危言危行邦無道危行言孫(論語憲問)

慸問恥子日邦有道穀邦無道穀恥也(同上)

道貧且賤焉恥也邦無道富且貴焉恥也(論語泰伯) 子曰爲信好學守死善道危邦不入亂邦不居天下有道則見無道則隱邦有

右皆明處亂世之道且曰無道則隱故孔子平日深與隱者也

第十二章 孔子晚年上

史記孔子世家日季康子逐公華公賓公林以幣迎孔子孔子歸魯是哀公十一 年冬也江永鄉黨圖考日左傳正義引孔子世家云季康子使公葉公賓公林以

幣迎孔子是使三人迎孔子也今本世家葉作華脫一公字又誤使爲逐耳

孔子返魯之時魯之國勢益陵夷不可爲哀公及季康子雖禮重孔子優以國老

位以大夫卒莫能用其言然故數從孔子問政記之如左

季康子問仲由可使從政也與子曰由也果於從政乎何有曰賜也可使從政 第一編 第十二章 孔子晚年上

九二

也與曰賜也達於從政乎何有曰求也可使從政也與曰求也藝於從政乎何

有(論語雍也)

季康子有用孔子門人之意而先咨於孔子如此。

季康子問使民敬忠以勸如之何子曰臨之以莊則敬孝慈則忠舉善而敎不

能則勸(論語爲政)

季康子問政於孔子孔子對。日政者正也子帥以正孰敢不正(論語顏淵)

季康子患盜問於孔子孔子對日荷子之不欲雖賞之不竊(同上)

欲善而民善矣君子之德風小人之德草草上之風必偃(同上) 季康子問政於孔子日如殺無道以就有道何如孔子對日子爲政焉用殺子

右皆季康子問政之語哀公亦當問政於孔子論語載其一章

哀公問日何爲則民服孔子對日舉直錯諸枉則民服舉枉錯諸直則民不服

(爲政)

•

少問七篇也今僅著論語一章餘並不復引 漢志有孔子三朝記七篇或以卽是大戴記中千乘四代虞戴德酷志小辨用矢 記又有哀公問於孔子篇與小戴記哀公問篇略同皆記孔子與哀公問答之詞 哀公於孔子宜頻有所咨啟荀子有哀公篇與大戴記哀公問五義篇略同大戴

以先詢諸孔子者左傳曰 已上所記季康子與哀公之問皆是政理之原至於一政舉措將見於事實亦有

以田賦將又不足且子季孫若欲行而法則題公之典在若欲苟而行又何訪 爲(哀公十一年) 其厚事舉其中斂從其薄如是則以丘亦足矣若不度於禮而貪冒無厭則雖 而行若之何子之不言也仲尼不對而私於冉有日君子之行也度於禮施取 李孫欲以田賦使冉有訪諸仲尼仲尼曰丘不識也三發卒曰子爲國老待子

此聊又出國語

第一個 第十二章 孔子晚年上

九四

於是乎有鰥寡孤疾有軍旅之出則徵之無則已其歲收田一井出稷禾秉蒭 則苟而賦又何訪焉(魯語下) **缶米不是過也先王以爲足若子季孫欲其法也則有周公之籍矣若欲犯法** 季康子欲以田賦使冉有訪諸仲尼仲尼不對私於冉有曰求來汝不聞乎先 王制土籍田以力而砥其遠邇賦里以入而量其有無任力以夫而議其老幼

然季康子不從孔子之意明年竟加田賦(春秋哀公十六年)於是孔子嚴責冉

有

季氏富於周公而求也爲之聚斂而附益之子曰非吾徒也小子鳴鼓而攻之

可也(論語先進)

求也爲季氏宰無能改於其德而賦粟倍他日孔子曰求非我徒也小子鳴鼓

而攻之可也(孟子雕婁上)

哀公問社於宰我孔子亦以其答之不當而責之

聞之日成事不說途事不諫旣往不答(論語八佾) 宴公問社於宰我宰我對日夏后氏以松殷人以柏周人以栗日使民戰栗子

孔子之資宰我與責冉有之意同蓋以仁政爲本也然方觀旭獨以此問有關於

指其事以責之蓋已知公將不沒於魯也(方觀旭論語偶記) 謀未發洩故亦不顯言耳其對立社之旨本有依據是以夫子置社主不論但 旅蒞戮於社是宰我因社主之義而起哀公威民之心本非臆見附會夫子責 之曰成事不說後事不諫云成事遂事必指一事而言緣哀公宰我俱作隱語。 對君臣密語隱衷可想又社陰氣主殺甘醬云不用命戮於社大司寇云大軍 至於三問是其杌楻不安欲去三桓之心已非一日則此社主之問與宰我之 斯時哀公與三桓有惡觀左傳記公出遜之前游於陵阪遇武伯曰余及死乎。

第一編第十二章 孔子晚年上

方說近於附會要之孔子夙主仁政故不以戰栗之對爲然

九五

何其徹也對曰百姓足君孰與不足百姓不足君孰與足(論語顏淵) 哀公問於有若日年饑用不足如之何有若對日盍徹乎曰二吾猶不足如之

有若之說蓋有契於孔子仁民之意矣當時孔子弟子多仕於魯國或特以德望 爲魯人所拿故政事興革有位者恆容焉

魯人爲長府閔子騫日仍舊貫如之何何必改作子曰夫人不言言必有中(

論語先進)

路史禪通紀曾旁論及是而語焉未詳竊申而備之按翟氏之說亦出臆測殆改 伐季氏人之孟氏叔孫氏共逐公徒公遜於齊長府蓋魯君別館稍有積蓄扞禦 聖人强公弱私之心深有契矣如此說經似尤覺聖賢見義之大含旨之深羅氏 君者不復有所憑恃其居心寧可問乎閔子無諫靜之責能爲怨言諷之則自與 可備騷警之所季氏恶公恃此伐己故於已事率魯人卑其開閎俾後此之爲魯 翟灝四書考異日魯人改作長府因季氏悪昭公也左傳昭二十五年公居長府

作則勞民傷財而関子言之耳

孔子居魯朝政之得失俱得與聞之

冉子遏朝子曰何晏也對曰有政子曰其事也如有政雖不吾以吾其與聞之

(論語子路)

孔子雖當聞國政而非有大事亦未嘗輙言

克也公日子告季孫孔子辭退而告人日吾以從大夫之後也故不敢不言、 甲午齊陳恆弒其君壬於舒州孔丘三日齊而請伐齊三公曰魯爲齊弱久矣。 子之伐之將若之何對日陳恆弒其君民之不與者半以魯之衆加齊之牛可

左傳哀公十四年)

子孔子曰以吾從大夫之後不敢不告也君曰告夫三子者之三子告不可孔。 陳成子弑簡公孔子沐浴而朝告於哀公曰陳恆弑其君請討之公曰告夫三 子日以吾從大夫之後不敢不告也(論語意問)

第一編 第十二章 孔子晚年上

九八

邢昺論語疏曰之三子告傳無文者傳是史官所錄記其與君言耳退後別告三 子惟弟子知之史官不見其告故傳無文也然孔子告之之意說者頗有異同。 計魯人之衆寡哉當是時天下之亂極矣因是足以正之周室其復興乎魯之 罪上告天子下告方伯而率與國以討之至於所以勝齊者孔子之餘事也豈 可克也此非孔子之言誠若此言是以力不以義也若孔子之志必將正名其 程子曰左氏記孔子之言曰陳恆弑其君民之不與者半以魯之衆加齊之半 君臣終不從之可勝惜哉胡氏曰春秋之法弑君之賊人得而討之仲尼此舉

程子及胡氏說昔人有議之者毛奇齡論語稽求篇日 先發後聞可也(論語集註)

魯史記當時在朝問對與魯論所載相爲表裏第魯爲齊弱一段論語無之者 朝堂諮算私記所略也……若夫子所云民之所與暨以衆加半諸語則正答 **魯爲齊弱一問有解君之疑振君之怯忻君之利誘君之瞻顧而予以可恃一**

敵正非易事必以三綱大義拒之則不惟理勢難辨且於子之伐之一問告東 弱一問較計彼此此不必盡庸君退諉之言設果欲與師則此時愼重量已量 指西不相當矣人縱不詔君亦何可使問答不相當如此。 舉而數善備者此正大聖人經術不迂闊處夫君臣主客各有隔膜在哀公强

之業矣。 夫也(據邪疏)然孔子是時固無爲政於魯之志惟時然後言而專從事於刪述 據左傳冉有之言則孔子爲魯之國老據論語孔子自稱從大夫之後則位爲大

第十三章 孔子晚年下 (删述)

孔子晚年從事删述詩書六藝之文史記孔子世家日

足徵也般禮吾能言之宋不足徵也足則吾能徵之矣觀殷夏所損益曰後雖 三代之禮序書傳上紀唐虞之際下至秦繆編次其事日夏禮吾能言之杞不 然聲終不能用孔子孔子亦不求仕孔子之時周室微而禮樂廢詩書缺追迹

第一編 第十三章 孔子晚年下

始鹿鳴爲小雅始文王爲大雅始淸廟爲頌始三百五篇孔子皆絃歌之以求義上采契后稷中述殷周之盛至幽厲之缺始於秹席故曰關雎之亂以爲風。 魯然後樂正雅頌各得其所古者詩三千餘篇及至孔子去其重取可施於禮。 孔子語魯太師樂其可知也始作翕如縱之純如皦如繹如也以成吾自衞 世可知也以一文一質周監二代郁郁乎文哉吾從周故書傳禮記自孔子。

禮義或夫子未嘗删詩此殆出於臆說而已 始關睢之亂洋洋乎盈耳哉此疑亦當時語近江永郷黨圖考以詩不盡可施於。 史記所敍其自衞反魯及語魯大師樂語皆取之論語然論語叉記子曰師 撃之

合韶武雅頌之音禮樂自此可得而述以備王道成六藝

黃帝時已有史官自黃帝以來古之爲書者三千餘篇尙書緯日 孔子求得黃帝玄孫帝魁之書迄於秦穆公凡三千二百四十篇斷遠而定近 可以爲世法者百二十篇以百二篇爲尙書十八篇爲中候

後世以易之十翼蓋孔子所作孔子晚年尤好易也。

子曰加我數年五十以學易可以無大過矣(論語述而)

孔子晚而喜易序彖繫象說卦文言讀易韋編三絕日假我數年若是我於易

則彬彬矣(史記孔子世家)

禮雖周官所掌然亦孔子定之始傳於學者

恤由之喪哀公使孺悲之孔子學士喪禮士喪禮於是乎書(禮記)

孔子雖뻬述諸經而微意所寄尤在於春秋史記曰。 子臼弗乎弗乎君子病沒世而名不稱焉吾道不行矣吾何以自見於後世哉 乃因史記作春秋上至隱公下訖哀公十四年十二公據魯親周故殷運之三

代約其文辭而指博故吳楚之君自稱王而春秋貶之曰子踐土之會實召周

天子而春秋諱之曰天王狩於河陽推此類以繩當世貶損之義後有王者舉

而開之春秋之義行則天下亂臣賊子懼焉孔子在位聽訟文辭有可與人共

第一編 第十三章 孔子晚年下

者弗獨有也至於爲春秋筆則筆削則削子夏之徒不能贊一辭弟子受春秋。 孔子曰後世知丘者以春秋而罪丘者亦以春秋(孔子世家)

然孔子之前固已有春秋公羊所引未修春秋墨子稱百國春秋韓宣子適魯見

易象與春秋是也孟子曰。

則齊桓晉文其文則史孔子曰其義則丘竊取之矣(離婁) 王者之迹息而詩亡詩亡然後春秋作晉之乘楚之檮杌魯之春秋一也其事

嚴氏春秋稱孔子將修春秋與左丘明乘如周觀書於周史史記曰

是以孔子明王道干七十餘君莫能用故西觀周室論史記舊聞興於魯而次 十子之徒口受其傳指爲有所刺譏褒諱挹損之文不可以書見也魯君子左 春秋上記隱下至哀之獲麟約其詞文去其煩重以制義法王道備人事浹七 丘明懼弟子人人異端各安其意失其真故因孔子史記具論其語成左氏春

秋(十二諸侯年表)

緯書以孝經亦孔子自作以授曾子故曰志在春秋行在孝經然後之學者多疑 之故不具論孔子旣定經術成六藝嘗論其於治敎之關係以示學者。

秋以道義(史記) 孔子曰六藝於治一也禮以節人樂以發和書以道事詩以達意易以神化春

博易良樂教也潔靜精微易教也恭儉莊敬禮教也屬辭比事春秋敎也故詩 孔子曰入其國其教可知也其爲人也温柔敦厚詩教也疏通知遠書教也廣 禮者也屬辭比事而不亂則深於春秋者也(禮記經解) 奢則深於樂者也潔靜精微而不賊則深於易者也恭儉莊敬而不煩則深於。 敦厚而不愚則深於詩者也疏通知遠而不誣則深於書者也廣博易良而不 之失愚書之失誣樂之失奢易之失賊禮之失煩春秋之失亂其爲人也温柔

第十四章 終記

孔子晚年以删述爲事終乃制春秋至於西狩獲麟而春秋亦遂絕筆公羊哀公 第 編 第十四章 終記

- 四年傳曰。

孰爲來哉孰爲來哉反決拭面涕沾孢顏淵死子曰噫天喪予子路死子曰: 麟者仁獸也有王者則至無王者則不至有以告者曰有慶而有角者孔子

然則顏淵之早世大抵在獲麟之前後故公羊連類書之論語曰天祝予西狩獲麟孔子曰吾道窮矣

顏淵死子哭之慟從者日子慟矣日有慟乎非夫人之爲慟而誰爲(同上)顏淵死子曰噫天喪予天喪予(先進)

及哀公十五年子路又於衞戰死故有天配予之歎禮記檀弓曰。

孔子哭子路於中庭有入弔者而夫子拜之旣哭進使者而問故使者曰醢之

矣遂命覆醢。

於是孔子有疾茲錄諸書所載如左

孔子有疾哀公使醫視之醫日居處飲食如何子日丘春居葛籠夏居密楊秋

不風。 冬不煬飲食不饋飲酒不醉醫曰是良醫也(公孫尼子)

孔子病子貢出卜孔子曰子待也吾坐席不敢先居處若齋飲食若祭吾卜之

久矣(御覽引莊子)

孔子病商曜卜期日中孔子曰取書來比至日中何事乎聖人之好學也死且

不休(論衡) 孔子蛋作頁手曳杖消搖於門歌曰泰山其頹乎梁木其壞乎哲人其崣乎旣

吾將安放夫子殆將病也逾趨而入夫子曰賜爾來何遲也夏后氏殯於東堦 歌而入當戶而坐子貢聞之日泰山其頹則吾將安仰梁木其壞哲人其崣則 之上則猶在阼也殷人殯於兩楹之間則與賓主夾之也周人殯於西堦之上

亦小有同異 亦小有同異 下其執能宗予予殆將死也蓋寢疾七日而沒(禮記檀弓) 資請見孔子負杖 下其執能宗予予殆將死也蓋寢疾七日而沒(禮記檀弓) 史記作孔子魚女 則猶賓之也而丘也殷人也予疇昔之夜夢坐奠於兩楹之間夫明王不興天

第十四章

春秋續經哀公十六年日

夏四月己丑孔丘卒

杜預推春秋哀十六年四月無己丑其說日

日杜謂是月無己丑則誤推夏正也 杜 丑謂先儒以爲己丑者誤矣然春秋四月乃夏正二月按大衍歷則己丑乃十一 **|氏春秋長歴與注同宋孔傳東家雜記則斷以孔子卒於哀公十六年四月乙** 四月十八日乙丑無己丑己丑五月十二日日月必有誤(左傳哀十六年注)

說錄以藉證。記相差一年大抵非七十三卽七十四也然錢大昕與狄子奇又有周歲增年之記相差一年大抵非七十三卽七十四也然錢大昕與狄子奇又有周歲增年之 孔子之年或以爲七十二或以爲七十三或以爲七十四蓋孔子之生公穀與史

自襄二十一年至哀十六年實七十四算而賈云七十三者古人以周歲始增 年也史謂生於襄公二十二年年七十三則相距之歲計之(錢大昕十駕齋

養新錄)

生則孔子年七十二是以周歲增年也(狄子奇孔子編年) 索隱云孔子以魯襄二十一年生至哀公十六年爲七十三若襄公二十二年

哀公誄孔子詞左傳與禮記所載略異。

夏四月己丑孔子卒公誄之日旻天不弔不愁遺一老俾屛余一人以在位凳

營余在疚嗚呼哀公尼父無自律(左傳哀十六年)

魯哀公誄孔丘曰天不遺耆老莫相予位焉嗚呼哀哉尼父(禮記檀弓)

方哀公之爲誄子貢嘗論之曰

子貢日君其不殁於魯乎夫子之言日禮失則昏名失則愆失志爲昏失所爲 您生不能用死而誄之非禮也稱一人非名也君兩失之(左傳哀十六年)

孔子歿後門人皆心喪三年而子貢於三年後獨廬於冢上又三年乃歸 孔子之喪門人疑所服子貢曰昔者夫子之喪顏淵若喪子而無服喪子路亦

第一編 第十四章

O 入

然請喪夫子若喪父而無服(禮記檀弓)

孔子之喪二三子皆経而出(同上)

于貢反築室於場獨居三年然後歸(孟子滕文公) 普者孔子殁三年之外門人治任將歸入揖於子貢相嚮而哭皆失聲然後歸·

史記孔子世家日

大一頃故所居堂弟子內後世因廟藏孔子衣冠琴車書至於漢二百餘年不 魯世世相傳以歲時奉祠孔子家而諸儒亦講禮鄉飲大射於孔子家孔子家 孔子葬魯城北泗上……弟子及魯人往從家而家者百有餘室因命曰孔里

絕

第十五章 孔子德範上

鄉黨篇記之詳矣於是衣服有儀飲食有宜蓋尤謹於容貌有在宗廟朝廷之容 孔子之言動行事足以爲後人法則者甚衆至於居處之細亦莫不有常度論語

有君召使擯之容有入公門之容有執圭享覿之容有升車之容而於鄉黨恂恂 如也其燕居申申如也夭夭如也今取孔子之德範關於知情意者略分別論之。

(甲)關於知之事

順七十而從心所欲不踰矩蓋孔子自十五至三十時爲學至勤此後亦無日不。 孔子自謂吾十有五而志於學三十而立四十而不感五十而知天命六十而耳

在學之中故會自贊好學之意論語曰

子曰吾嘗終日不食終夜不寢以思無益不如學也(衞靈公)

子曰十室之邑必有忠信如丘者焉不如丘之好學也(公冶長)

孔子平日追慕周公形於寤寐。

子曰甚矣吾衰也久矣吾不復夢見周公(論語述而)

蓋其求道至切至於晚年而益篤

子日朝聞道夕死可矣(論語里仁)

第一編 第十五章 孔子德範上

葉公問孔子於子路子路不對子日女奚不日其爲人也發憤忘食樂以忘憂

不知老之將至云爾(論語述而)

孔子早年則學詩書禮樂晚乃專力於易

子曰加我數年五十以學易可以無大過矣(論語述而)

忠定何緣復見別本易窮理盡性以至於命孔子五十知天命其學易之效耶 則謂此孔子年四十五六時語邢昺疏則謂四十七時是五十字相沿已久不省 是我於易則彬彬矣加正作假而無五十字蓋是時孔子年幾七十矣然皇侃疏 聲相近而誤讀卒與五十字相似而誤分也愚按此章之言史記作假我數年若 朱子集注曰劉聘君見元城劉忠定公自言嘗讀他論加作假五十作卒蓋加假

然孔子在當時已有謂其生知非假學問者論語曰

子曰我非生而知之者好古敏以求之者也(述而)

朱子集註引尹氏說曰孔子以生知之聖每云好學者非惟勉人也蓋生而可知

者義理爾若夫禮樂名物古今事變亦必待學而後有以驗其實也然人固有生

知者孔子以爲有生知學知困知之分

孔子曰生而知之者上也學而知之者次也因而學之又其次也因而不學民

斯爲下矣(論語季氏)

或生而知之或學而知之或困而知之及其知之一也或安而行之或利而行

之或勉强而行之及其成功一也(中庸)

(乙)關於情之事

孔子教人汎愛衆而親仁則其情之所發必於禮義亦有悱然動於中而不能自

已者

子見齊衰者雖狎必變……凶服者式之(論語鄕黨) 子食於有喪者之側未嘗飽也子於是日哭則不歌(論語述而)

孔子對於朋友之至情有可見者

第一編 第十五章 孔子德範上

賓客至無所館夫子曰生於我乎館死於我乎殯(禮記檀弓)朋友死無所歸曰於我殯(論語鄕黨)

孔子之於弟子情愛尤摯

伯牛有疾子問之自牖執其手曰亡之命矣夫斯人也而有斯疾也 、論語雍

也

顏淵死門人欲厚葬之子曰不可門人厚葬之子曰回也視予猶父也予不得顏淵死子哭之慟從者曰子慟矣曰非夫人之爲慟而誰爲(論語先進)

顏淵死子曰噫天喪予子路死子曰噫天祝予(公羊哀十四年)視猶子也非我也夫二三子也(同上)

孔子之於禽獸亦見其惻隱之情。

子釣而不綱弋不射宿(論語述而)

仲尼之畜狗处使子貢埋之曰吾聞之也敝帷不棄爲埋馬也敝蓋不棄爲埋

;也丘也貧無蓋於其封也亦予之席毋使其首陷焉(禮記檀弓)

路馬死埋之以帷(同上)

孔子富於美情故好治音樂。

子與人歌而善必使反之而後和之(論語述而)

子謂韶盡美矣又盡善也謂武盡美矣未盡善也(論語八佾) 子在齊聞韶三月不知肉味曰不圖爲樂之至於斯也(同上)

載孔子擊磬鼓瑟之事又數論樂蓋自衞返魯而後樂正知孔子於樂之情深矣。 古之士兼習禮樂故無不治琴瑟至於能極聲音之妙者必有待於聖哲論語嘗

(丙)關於意之事

大學言治國平天下必先之以正心誠意蓋聖賢之能開物成務者皆本其 知禮而無勇然觀孔子用魯夾谷之會及墮三都之策其勇爲何如且平日以行 之所蓄舉而措之耳將成天下之大業宜具有勇決之意以爲之主齊人謂孔子 心意

第一編

第十五章

孔子德範上

四四

道爲己任其遭桓魋與匡人之難稱天以明志可以見矣。

天生德於予桓魋其如予何(論語述而)

文王旣歿文不在茲乎天之將喪斯文也後死者不得與於斯文也天之未喪

斯文也匡人其如予何(論語子罕)

觀上二章知孔子平日意之所存亦何大哉至於晚年知道之不行欲傳之其人

使後世有述焉故在陳發狂簡之歎

子在陳日歸與歸與吾黨之小子狂簡斐然成章不知所以裁之(論語公冶

長

道遠仁以爲己任不亦重乎死而後已不亦遠乎述孔子之意也 蓋將裁成後學傳六藝之業於後故其言如此曾子曰士不可以不弘毅任重而

第十六章 孔子德範下 (時中及集大成)

孔子謂君子而時中孟子曰孔子聖之時者也故無偏狹之見不爲過高之行恆

出於中道此所以爲時中也輒就論孟所記證之

子温而厲威而不猛恭而安(論語述而)

子禽問於子貢臼夫子至於是邦也必聞其政求之與抑與之與子貢臼夫子

温良恭儉讓以得之夫子之求之也其諸異乎人之求之與(論語學而)

陳司敗問昭公知禮平孔子曰知禮孔子退揖巫馬期而進之曰吾聞君子不

告子曰丘也幸苟有過人必知之(論語述而) 黨君子亦黨乎君取於吳爲同姓謂之吳孟子君而知禮孰不知禮巫馬期以。

微生畝謂孔子曰丘何爲是栖栖者與無乃爲佞乎孔子曰非敢爲佞也疾固

也(論語意問)十而不通也

子謂顏淵曰用之則行舍之則藏惟我與爾有是夫(論語述而)

子絕四毋意毋必毋固毋我(論語子罕)

可以仕則仕可以止則止可以久則久可以速則速孔子也(孟子公孫丑上)

第一編 第十六章 孔子德範下

— 六

仲尼不爲已甚者(孟子離婁下)

樂之一終書所謂簫韶九成是也孟子又舉孔子弟子所以稱孔子者如左 孟子又歷稱伯夷伊尹柳下惠之聖而謂孔子之謂集大成朱子集注曰此言孔 子集三聖之事而爲一大聖之事猶作樂者集衆音之小成而爲一大成也成者

宰我曰以予觀於夫子賢於堯舜遠矣(孟子公孫丑上)

子貢曰見其禮而知其政聞其樂而知其德由百世之後等百世之玉莫之能

遠也自生民以來未有夫子也(孟子公孫丑上)

潦類也聖人之於民亦類也出於其類拔乎其萃自生民以來未有盛於孔子。 有若曰豈惟民哉麒麟之於走獸鳳凰之於飛鳥泰山之於丘垤河海之於行

也(同上)

叔孫武叔及陳子禽毀仲尼當時子貢力爲之辨且益稱揚孔子盛德 曾子曰……江漢以濯之秋陽以暴之皜皜乎不可尚已(孟子滕文公上)

牆賜之牆也及肩窺見室家之好夫子之牆數仍不得其門而入不見宗廟之。 叔孫武叔語大夫於朝日子貢賢於仲尼子服景伯以告子貢子貢曰譬之宮

美百官之富得其門者或寡矣夫子之云不亦宜乎(論語子張)

踰也仲尼日月也無得而踰焉人雖欲自絕其何傷於日月乎多見其不知量 叔孫武叔毀仲尼子貢曰無以爲也仲尼不可毀也他人之賢者丘陵也猶可

也(同上)

以爲不知言不可不愼也夫子之不可及也猶天之不可階而升也夫子之得 之何其可及也(同上) 邦家者所謂立之斯立道之斯行綏之斯來動之斯和其生也榮其死也哀如 陳子禽謂子貢曰子爲恭也仲尼豈賢於子乎子貢曰君子一言以爲知一言

資淵實庶幾之材而其稱孔子尤至

顏淵喟然歎曰仰之彌高鑽之彌堅贈之在前忽焉在後夫子循循然善誘人

第一編 第十六章 孔子德範下

孔子

博我以文約我以禮欲罷不能旣竭吾才如有所立革爾雖欲從之末由也已

(論語子罕)

第二編 孔子學案

第一章 孔學淵源

好稱禹湯文武周公文曹稱比老彭 父嘗校商頌而魯世乗周禮故孔子之學其淵源遠有所自也蓋孔子祖述堯舜。 數稱臧文仲柳下惠銅鳀伯華介山子然孔子皆後之不並世孔子之遠祖正考 嚴事於周則老子於衞藏伯玉於齊晏平仲於楚老萊子於鄭子產於魯孟公綽。 古稱孔子問官於郯子問樂於護弘學琴於師襄問禮於老耼史記曰孔子之所

子曰述而不作信而好古編比於我老彭

旭賦詩二語以孔子係引彰祖之詩故竊比之云爾然他書亦載孔子嘗稱老彰 包咸註謂老彭殷賢大夫好述古事近嚴元照娛親雅言引漢碑有述而不作彭

八八

子曰……音陶君彭及仲傀政之教大夫官之教士技之教庶人摄則抑抑則

揚綴之德行不任以言(大戴禮虞戴德)

然則老彭殆商之善教人者與孔子質好堯舜與文武之道中庸日

仲尼祖述堯舜憲章文武上律天時下襲水土

論語每記孔子歎慕堯舜禹周公之言具錄於下

子白大哉堯之爲君也巍巍乎惟天爲大惟堯則之蕩蕩乎民無能名焉巍巍

乎其有成功也煥乎其有文章(論語泰伯)

子曰巍巍乎舜禹之有天下也而不與焉(同上)

子曰禹吾無間然矣非飮食而致孝乎鬼神恶衣服而致美乎黻冕卑宫室而

盡力乎溝洫禹吾無間然矣(同上)

子曰甚矣吾衰也久矣吾不復夢見周公(論語述而)

孔子雖稱堯舜禹湯而曰夏禮吾能言之杞不足徵也殷禮吾能言之宋不足徵

第二編 第一章 孔學淵源

舒以春秋變周要之孔子之學淵源於虞夏商周之制者衆矣。 王者之迹於其粲然者矣殆述孔子之意與或謂從周乃孔子早年之說故董仲 也卒歸本於文武之道日周監於二代郁郁乎文武吾從周荀卿曰法後王欲觀。

道者也故於終篇具載堯舜咨命之言湯武誓師之意與夫施諸政事者以明聖 湯文孔子相承之次皆此意也 學之所傳者一於是而已所以著明二十篇之大旨也孟子於終篇亦歷敍堯舜 朱子論語集註堯日篇引楊氏日論語之書皆聖人微言而其徒傳守之以明斯

周親不如仁人百姓有過在予一人誓師之意 謹權量審法度修廢官四方之簡在帝心殷躬有罪無以萬方萬方有罪罪在殷躬周有大資善人是富雖有 政行焉與滅國繼絕世舉逸民天下之民歸心焉所重民食喪祭寬則得衆信 之言。日予小子履敢用玄牡敢昭告於皇皇后帝有罪不敢赦帝臣不敬舜禹咨。日予小子履敢用玄牡敢昭告於皇皇后帝有罪不敢赦帝臣不敬舜禹咨。天之歷數在爾躬允執其中四海困窮天祿永終舜亦以命禹以

則民任焉敏則有功公則說政事者 (論語堯日)

第二章 孔學原理一(道)

之乎德以爲之主德之用至廣則又有一本而萬殊之道以統之故道也者所以 志仍主行事內之正心誠意外之治國平天下雖移風易俗有賴禮樂制度皆歸 孔子曰吾欲垂之空文不如見之行事之深切著明也故孔子雖立言垂訓而其

齊衆行而總諸德之一大原理也孔子嘗自稱其一貫之道見於論語。

子曰賜也女以予爲多學而識之者與曰然非與曰非也予一以貫之(衞靈

Z

子曰參乎吾道一以貫之曾子曰唯子出門人問曰何謂也曾子曰夫子之道

忠恕而已矣(里仁)

以上二章語有異同朱子集註曰

尹氏日孔子之於曾子不待其問而直告之以此曾子復深喩之日唯若子貢

第二編 第二章 孔學原理一 道

1

此可見愚按夫子之於子貢屢有以發之而他人不與焉則顏曾以下諸子所 **則先發其疑而後告之而子貢終亦不能如曾子之唯也二子所學之深淺於** 學之淺深又可見矣

然今所當先明者即云何爲道云何爲一貫之道朱子嘗曰

道則人倫日用之間所當行者是也(論語集註)

是其所謂道如今之倫理之原理 Ethirsches prinzip 者矣然朱子又曰。

道者事物當然之理(周上)

辭及說卦傳有天道地道人道之分三者宜皆道之一種惟論語所言則多切乎 者也蓋本於天人合一之理推衍之故常以倫理原理括於世界原理之中易繁 人事而罕及天道。 此其喻道又如今所謂世界原理 Welt prinzip 然朱子非云事物必然之理僅 云當然之理則所謂世界非機械說 Mechanisch 而實類於有極說 Teleogisch

子曰誰能出不由戶何莫由斯道也(論語雅也)

子謂子產有君子之道四焉其行己也恭其事上也敬其養民也惠其使民也

義(論語公治長)

孔子曰天下有道則禮樂征伐自天子出天下無道則禮樂征伐自諸侯出…以上所謂道大抵倫理之原理也。

子曰道不行乘桴浮於海……(論語公冶長)

····天下有道則政不在大夫天下有道則庶人不議(論語季氏)

子日齊一變至於魯魯一變至於道(論語雍也)

以上所謂道大抵政治之原理也故論語言道多屬於倫理政治之原理 Ethiks

politisches prinzip 是以子貢曰。

夫子之文章可得而聞也夫子之言性與天道不可得而聞也(論語公冶長)

鄭玄以天道爲七政變通之占何晏以爲元亨日新之道其說未瞭朱子則曰天 **第二幅 第二章 孔學原理一道**

戴禮四代篇孔子晚年之說也其言曰 。 治爲域及五十而知天命晚尤好易乃會天人之符而分天道地道人道之別大 天道不可得而聞也論語中罕言天道者或曰孔子早年其論道也必以倫理政 决非同義天道以明世界原理而不足以明倫理政治之原理故子貢以夫子言 tologisches prinzip 或宇宙之原理 Kosmologisches Prinzip 之間但天道與道 道者天理自然之本體以朱子之說揆諸今世哲學術語宜在本體之原理 On-

天道以視地道以履人道以稽

易繁辭下傳曰。

有天道焉有地道焉有人道焉

競 卦 傳 日

蓋以道爲一本分而爲天地人之道其孔子晩年之說與然儒者之言道循以人

立天之道日陰與陽立地之道日柔與剛立人之道日仁與義

事爲主故荀子曰

道者非天之道非地之道人之所道也(儒效)

以上於道之名旣略辨之矣當進而論一貫之道請先釋貫字之義惠棟日 民以盈其貫韓非子曰是其貫將滿也貫皆有積義道積於一論語子謂曾參 離騷經日貫薜荔之落藥王逸注云貫累也左傳宣六年中行桓子日使疾其 日吾道一以貫之釋詁云貫習也習者重習亦有積義荀子曰服習積貫又曰

貫得而治詳之(周易述易徴言上)

右以貫作慣義阮元論語一貫說日

同壹以貫之猶言壹是皆以行事爲教也(揅經室集) 論語貫字凡三見曾子之一貫也子貢之一貫也閔子之言仍舊貫也此三貫 字其訓不應有異元按貫行也事也三者皆當訓爲行事也孔子呼曾子告之 日吾道一以貫之此言孔子之道皆於行事見之非徒以文學爲敎也一與壹

第二編第二章 孔學原理一道

二六

阮元以舊貫之貫釋一貫之貫其義似相懸絕由今考之仍以皇侃疏所釋爲允

貫猶統也譬如以繩穿物有貫統也(論語集解疏)

ggregation 之散之則粲然有條總之則整然如一故名一以貫之也然當時一 然則孔子所謂吾道一以貫之者卽就其倫理政治之原理爲之貫統而集合 A

貫之義曾子固有明釋日夫子之道忠恕而已矣閻若璩曰

矣夫子明言一貫曾子明言忠恕而已矣一貫者卽此一串之道也而已矣者。 一貫忠恕是堯舜禹湯以來聖賢相傳之道於此不明則並屬異學非孔子徒

更無他道也……(四書膽言)

惠棟亦以一貫之道不外忠恕其說日

一貫之道三尺童子皆知之百歲老人行不得宋儒謂唯顏子曾子子貢得聞

一貫非也(周易述易礟言上)

吾道一以貫之自本達末原始及終老子所謂甚易知甚易行天下莫能知莫

能行也忠卽一也恕而行之卽一以貫之也韋昭注周語帥意能忠曰循己之

意恕而行之爲忠(同上)

或疑忠恕一字淺近不足以該一貫之全是不可不觀孔子之論忠恕

子貢問日有一言而可以終身行之者乎子日其恕乎已所不欲勿施於人(

論語衞靈公)

子曰……忠恕違道不遠(禮記中庸)

釋此蓋有深意存焉全祖望乃分天地一貫之道聖人一貫之道與學者一貫之 然則孔子謂忠恕違道不遠忠恕雖近於一貫之道而猶非一貫之道也曾子之

道。

己而已也所以成物也成已人也成物知也性之德也合外內之道也故時措 不貳則其生物不測維天之命於穆不已天地之一以貫之者也誠者非自成 貫之說不須註疏但讀中庸便是註疏一者誠也天地一誠而已矣其爲物

_ 二 七

第二編

第二章

孔學原理一

道

之宜也聖人之一以貫之者也忠恕違道不遠施諸己而不願亦勿施於人學

者之一以貫之者也(經史問答)

蓋孔子所以告曾子者聖人一貫之道也曾子所以告門人者學者一貫之道也 由全氏之說則可以明於朱子集註之義矣故列衆說於前而獨著集註於後庶 貫之旨可循序而漸悟焉集註於曾子曰唯下曰

其體之一耳夫子知其眞積力久將有所得是以呼而告之曾子果能默契其 指卽應之速而無疑也 參乎者呼曾子之名而告之貫通也唯者應之速而無疑者也聖人之心渾然 理而泛應曲當用各不同會子於其用處蓋已隨事精察而力行之但未知。

已上謂孔子告曾子以聖人一貫之道而曾子默喩之也又於忠恕而已矣下曰 金品之謂忠推己之謂恕而已矣者竭盡而無餘之辭也夫子之一理渾然而 泛應曲當譬則天地之至誠無息而萬物各得其所也自此之外固無餘法而

者道之用也一本之所以萬殊也以此觀之一以貫之之實可見矣。 欲人之易曉也蓋至誠無息者道之體也萬殊之所以一本也萬物各得其所 亦無待於推矣會子有見於此而難言之故借學者盡己推己之目以著明之

恐問者未喻其深故就易曉者答之會觀諸說而細玩集註之義則所謂一貫之 巳上所謂借學者盡己推己之目以著明之者即曾子所言是學者一貫之道也 道可以知矣。

第三章 孔學原理二 (中庸)

舜故自堯舜以來相傳之倫理政治原理有卽爲孔學原理者則中是已 中國古代學術肯出於帝王故伊尹處畎畝之中以樂堯舜之道孔子亦嘗稱堯

堯曰咨爾舜天之曆數在爾躬尤執其中四海困窮天祿永終舜亦以命禹(

論語堯日

子曰舜其大知也與舜好問而好察邇言隱惡而揚善執其兩端用其中於民 第三章 孔學原理二 中腊

其斯以爲舜乎(禮記中庸)

觀上二章則堯舜禹皆以中爲倫理政治之原理矣 帝曰夔命汝典樂教胄子直而温寬而栗剛而無虐簡而無傲(書舜典)

皋陶日都亦行有九德禹日何皋陶日寬而栗柔而立愿而恭亂而敬擾而殺。

右雖未明言中而實亦無過不及之義所存孟子曰 直而温簡而廉剛而塞彊而誼(書皋陶謨)

湯執中立賢無方(離婁下)

是商王亦以中爲倫理政治之原理至箕子洪範九疇第五之皇極第六之正直

剛克柔克三德亦含有中義

五皇極皇建其有極斂時五福用敷錫厥庶民無偏無黨王道蕩蕩無黨無偏

王道平平無反無側玉道正直會其有極歸其有極

大三德一日正直二日剛克三日柔克平康正直彊弗友剛克燮友柔克沈潛

剛克高明柔克

治之原理也。 而能剛寬猛相濟以成治立功人臣各有一德天子擇使之安平之國使中平守 鄭玄註皇極日皇君也極中也註三德日正直者中平之人克能也剛而能柔柔 無過不及皆含中義武王問彝倫攸敍之道而箕子以此爲對亦以中爲倫理政 有中和之行者則使柔能之人治之差正之按極旣訓中三德又各使相濟期於 一之人治之使不失舊職而已國有不順孝敬之行者則使剛能之人誅治之其

以中爲本孔子旣祖述堯舜憲章文武故尤重中庸之德焉 言未嘗廣之爲倫理政治之原理也吾國自堯舜以來所謂倫理政治之原理皆 中者不偏不倚無過不及希臘亞里士多德雖亦以無過不及爲中然專就德而

子曰禮記中庸之爲德也其至矣乎民鮮久矣(論語雍也)

子曰中庸其至矣乎民鮮能久矣(中庸)

第二編第三章 孔學原理二 中庸

仲 小人而無忌憚也(同上) 尼曰君子中庸小人反中庸君子之中庸也君子而時中小人之反中庸

子曰道之不行也我知之矣知者過之愚者不及也道之不明也我知之矣賢

者過之不肖者不及也(同上)

子貢問師與商也孰賢子曰師也過商也不及曰然則師愈與子曰過猶不及 子曰天下國家可均也爵祿可辭也白刃可蹈也中庸不可能也(禮記中庸) 子曰不得中行而與之必也狂狷乎狂者進取狷者有所不爲也(論語子路)

(論語先進)

精惟一允執厥中者舜之所以授禹也夫堯舜禹天下之大聖也以天下相傳天 離 其他尙有言中庸或言中者不復備引蓋中庸非截然爲二庸只是中之常 易者程明道曰惟中不足以盡之故曰中庸庸乃中之常理二者相須不可 也朱子中庸章句序曰允執厥中者堯之所以授舜也人心惟危道心惟微惟 得而 然不

宋儒 之大事也而其授受之際丁寧告誠不過如此則天下之理豈有以加於此哉自 以來皆以執中爲聖學相傳之緒故中庸又孔學原理之一也

第四章 孔學原理三 (禮)

推孔子以爲知禮之人 居魯之時則問官於郯子父與南宮敬叔觀周見老肼賽弘而問焉於是當時逢 素嚴夷夏之辨而夏之所以別於夷者惟在禮樂而已禮莫備於周亦惟周公之 功孔子兒時嘗陳俎豆嬉戲設禮容其好禮實出於天性及其長也添勤於學禮。 蓋周公時代較近又爲魯之先祖及制定周禮之人中國自古爲衣冠禮義之邦 孔子岨述堯舜禹湯文武周公嘗以堯舜爲蕩蕩無能名尤追慕周公形於寤寐

子入太廟每事問或日孰謂鄹人之子知禮乎入太廟每事問子聞之曰是禮

也(論語八佾)

孔安國註日時人多言孔子知禮是其證也又左傳定公十年日 第二編 第四章 孔學原理三 顺

夏公會齊侯於祝其實夾谷孔丘相犂彌言於齊侯曰孔丘知禮而無勇…….

意者周初固當行之及春秋之時王室式微諸侯橫恣禮樂漸壞孔子之褒管仲 右亦時以孔子爲知禮之證然周公制禮果經實行與否後之學者頗引以爲疑 也以其能於禮壞之後而猶秉其防其貶管仲也亦以其有時違禮可見孔子之。

重禮也。

以兵車管仲之力也如其仁如其仁(論語憲問) 子路日桓公殺公子糾召忽死之管仲不死日未仁乎子日桓公九合諸侯不

不以兵車穀梁傳謂之衣裳之會史記謂之乘車之會即以禮樂會諸侯也 子貢日管仲非仁者與桓公殺公子糾不能死又相之子日管仲相桓公霸諸

諒也自經於溝濱而莫之知也(論語意問) 侯一匡天下民到於今受其賜微管仲吾其被髮左衽矣豈若匹夫匹婦之爲

被髮左衽即夷狄無禮之俗也故孔子以此爲管仲之功

下子日管仲之器小哉或日管仲儉乎日管氏有三歸官事不攝焉得儉然則管 **仲知禮乎日邦君樹塞門管氏亦樹塞門邦君爲兩君之好有反坫管氏亦有**

制作之禮至是幾陵遲耗矣孔子嘅歎時世而追懷昔日之盛數見於論語 王室旣衰自管仲出稍維冠裳之化至於孔子時而上下侵僭彌甚周公所盡力 孔子以管仲器小者亦以其有時越乎禮也孔子褒貶管仲一主於禮春秋之初 反坫管氏而知禮孰不知禮(論語八佾)

孔子謂季氏八佾舞於庭是可忍也孰不可忍也(八佾)

三家者以雍徹子日相維辟公天子穆穆奚取於三家之堂(同上)

李氏旅於泰山子謂冉有曰女弗能救與對曰不能子曰嗚呼曾謂泰山不如

林放乎(同上)

子曰禘自旣灌而往者吾不欲觀之矣(同上)

子貢欲去告朔之餼羊子曰賜也爾愛其羊我愛其禮(同上) 第二編 第四章 孔學原理三

三三六

得而言矣故在衞發正名之歎春秋之作亦此意也 諸邦莫能行其志卒以爲禮之所由壞以名之先紊也故當首正名分而後禮 以 上諸章知孔子深慨於禮之旣壞不啻大聲疾呼將求所以正之於是歷聘

順則事不成事不成則禮樂不輿禮樂不與則刑罰不中刑罰不中則民無所 也奚其正子曰野哉由也君子於其所不知蓋闕如也名不正則言不順言不予路曰衞君待子而爲政子將奚先子曰必也正名乎子路曰有是哉子之迂 措手足故君子名之必可言也言之必可行也君子於其言無所苟而已矣(

論語子路)

子孔子曰以吾從大夫之後不敢不告也君曰告夫三子者之三子告不可孔陳成子弑簡公孔子沐浴而朝告於哀公曰陳恆弑其君請討之公曰告夫三 子曰以吾從大夫之後不敢不告也(論語憲問)

此 可見孔子欲正名分以起禮之廢今當進求禮之意義及於所以爲孔學之原

禮及與子貢論告朔餼羊者儀式之禮也其云生事之以禮立於禮者禮容之禮。 言禮當含有制度儀式禮容三義其云夏禮殷禮者制度之禮也其云管仲不知理者蓋學者皆傳三禮而周禮以明制度儀禮以著儀式曲禮以正禮容故孔子

也於是禮又爲制度儀式禮容之總稱。

子曰道之以政齊之以刑民免而無恥道之以德齊之以禮有恥且格 (論

爲政)

雖然制度儀式禮容猶皆在外者孔子言禮非僅指在外者固有存乎其內者焉。 子曰禮云禮云玉帛云乎哉樂云樂云鐘鼓云乎哉(論語陽貨)

|帛鐘鼓皆禮樂之在外者未足貴也今列諸家此章之註於下

厚贄幣 以敬爲主玉帛者敬之用飾也樂主於和鐘鼓者樂之器也於時所謂禮樂 而 所簡在敬盛鐘鼓而 不合雅頌故正言其義也(王弼註)

玉帛者禮之用非禮之本鐘鼓者樂之器非樂之主(繆播註)

第二編第四章 孔學原理三 禮

敬而將之以玉帛則爲禮和而發之以鐘鼓則爲樂遺其本而專事其末則豈

禮樂之謂哉(朱子論語集註)

論故知所謂禮者不僅外形而猶有存乎其內者在也其餘尙有可證者。朱子蓋本王弼繆播之說而益加明切雖敬與和果能爲禮樂之本與否今不具

子曰能以禮讓爲國乎何有不能以禮讓爲國如禮何(論語里仁)

朱子集註日。

讓者禮之實何有言不難也言有禮之實以爲國則何難之有不然則其禮文

雖具亦且無如之何矣而況於爲國乎。

朱子言禮之實與禮文吳則是亦在內者也

子曰起予者商也始可與言詩已矣 子夏問曰巧笑倩兮美目盼兮素以爲絢兮何謂也子曰綸事後素曰禮後乎。

4列諸家註此章如下。

繪畫文也凡繪畫先布衆色然後以素分布其間以成其文喩美女雖有倩盼

美質亦須禮以成之(鄭玄註)

考工記曰繪畫之事後素功謂先以粉地爲質而後施五采猶人有美質然後

可加文飾(朱子論語集註)

禮必以忠信爲質猶繪事必以粉素爲先(同上)

楊氏曰廿受和白受采忠信之人可以學禮苟無其質禮不虛行此繪事後素

之說也(同上)

然則繪畫之文與忠信之質異是又禮之在內者也

林放問禮之本子曰大哉問禮與其奢也寧儉喪與其易也寧戚(論語八佾)

楊時以爲周衰世方以文滅質而林放獨能問禮之本故夫子大之而告之以此

孔子以時方逐末而放獨有志於本故大其問蓋得其本則禮之全體無不在 第二編 第四章 孔學原理三

其中矣(論語集註)

而後可以言禮可以爲倫理政治之原理也前所引孔子言以禮讓爲國是即以 右所謂禮之本者亦言禮之在內者而已蓋禮有本有末有內有外合內外本末

禮爲政治之原理矣爲政尤以制禮爲本。

知也其或繼周者雖百世可知也(論語爲政) 張問十世可知也子曰殷因於夏禮所損益可知也周因於殷禮所損益可

顏淵問爲邦子曰行夏之時乘殷之輅服周之冕樂則韶舞放鄭聲遠佞人鄭

聲淫佞人殆(論語衞靈公)

以上二章皆論語制禮樂之事卽治國之大本而禮所以爲政治原理也 子曰君子博學於文約之以禮亦可以弗畔矣夫(論語雍也)

夫子循循然善誘人博我以文約我以禮(論語子罕)

子曰恭而無禮則勞愼而無禮則蔥勇而無禮則亂直而無禮則絞。 (論語秦

右數章以禮爲修身之要恭愼禮諸德之中卽倫理之原理也故禮又爲孔學原

理茲舉其略不復詳引。

第五章 孔學原理四 (仁)

孔子稱吾道一以貫之然此一貫之道旣約而名之爲中庸又散而布之爲禮皆

足以爲倫理政治之原理焉此外孔子所亟言者尤莫如仁。

孔子蓋於顏子之外未嘗以仁輕許門人今舉論語證之。

或日雍也仁而不佞子曰焉用佞禦人以口給屢憎於人不知其仁焉用佞(

論語公冶長)

仲弓之賢矣而猶未許其仁者集註曰仁道至大非全體而不息者不足以當之孔子謂仲弓可使南面又曰犂牛之子騂且角雖欲勿用山川其舍諸固已極稱 如顏子亞聖循不能無違於三月之後況仲弓雖賢未及顏子聖人問不得而輕

第二編 第五章 孔學原理四 仁

許之也。

也赤也何如子曰赤也束帶立於朝可使與賓客言也不知其仁也(論語公知其仁也求也何如子曰求也干室之邑百乘之家可使爲之宰也不知其仁孟武伯問子路仁乎子曰不知也又問子曰由也干乘之國可使治其賦也不

治長)

孔安國註日仁道至大不可全名也集註以子路於仁蓋日月至焉者故以不

何晏解曰餘人暫有至仁時唯回移時而不變皇侃疏曰仁是行盛非體仁則不子曰回也其心三月不違仁其餘則日月至焉而已矣(論語雍也)

能不能者心必違之能不違者唯顏回耳旣不違則應終身而止舉三月者三月

時爲天氣一變一變尙能行之則他時能可知也程朱說略同。

孔子不惟罕以仁許門人亦不敢以仁自居蓋謙遜之意亦見其重視仁也

子日若聖與仁則吾豈敢……(論語述而)

孔子於並世之人亦不輕以仁許之

崔子也違之何如子曰淸矣曰仁矣乎曰未知焉得仁。乘棄而違之至於他邦則曰猶吾大夫崔子也違之之一邦則又曰猶吾大夫 新令尹何如子曰忠矣曰仁矣乎曰未知焉得仁崔子弑其君陳文子有馬十 子張問日令尹子文三仕爲令尹無喜色三已之無慍色舊令尹之政必以告

于伯夷叔齊管仲數人而已孔子所許爲仁者自堯舜禹湯文武周公而外寥寥于餘載之間僅微子箕子比孔子所許爲仁者自堯舜禹湯文武周公而外寥寥于餘載之間僅微子箕子比

微子去之箕子爲之奴比干諫而死孔子曰殷有三仁焉(論語微子)

·········子貢曰········伯夷叔齊何人也日古之賢人也曰怨乎曰求仁而得仁又

何怨……(論語述而)

子路曰桓公殺公之糾召忽死之管仲不死曰未仁乎子曰桓公九合諸侯不 第二編 第五章 孔學原理四 仁

孔子

以兵車管仲之力也如其仁如其仁(論語憲問)

俟一匡天下民到於今受其賜微管仲吾其被髮左衽矣豈若匹夫**匹婦之爲**子賈曰管仲非仁者與桓公殺公子糾不能死又相之子曰管仲相桓公霸諸

諒也自經於溝瀆而莫之知也(同上)

个 當 先 明 仁 之 意 義 蓋 論 語 孔 子 言 仁 析 而 言 之 其 義 大 率 有 五 一 日 惠 澤 之 義 二日篤厚之義三日慈愛之義四日忠恕之義五日克己之義。

所謂仁爲惠澤之義者。

子曰如有王者必世而後仁(論語子路)

安國註曰三十年曰世如有受命王者必三十年仁政乃成朱子曰仁敎化洽

也此卽仁澤洽被民各得所之意孔安國註曰三十年巨世如有受

則不侮寬則得衆信則人任焉敏則有功惠則足以使人(論語陽貨) 子賬問仁於孔子孔子曰能行五者於天下爲仁矣請問之曰恭寬信敏惠恭

子貢曰如有博施於民而能濟衆何如可謂仁乎子曰何事於仁必也聖乎堯五者終之以惠亦所以使仁澤下流之道

舜其獨病諸……(論語雍也)

那昺解何事於仁謂不啻於仁也蓋博施濟衆爲仁固無待言惟其事則聖如

舜尙或病之耳。 管仲相桓公霸諸侯一匡天下民到於今受其賜微管仲吾其被髮左衽矣(

論語憲問)

所謂仁爲篤厚之義者民所以受管仲之賜者卽其惠澤被於民也故曰如其仁如其仁

子曰……君子寫於親則民與於仁故舊不遺則民不偸(論語泰伯)

之行不偷薄吳棫以此爲督子之言翟灝四書考異駁之 包咸解曰君子能厚於親屬不遺忘其故舊行之美者也則民皆化之起爲仁厚

第五章 孔學原理四 仁

四五

四六

子日里仁爲美擇不處仁焉得知(論語里仁)

朱子集註曰里有仁厚之俗爲美

子曰人之過也各於其黨觀過斯知仁矣(論語里仁)

集註引程子曰人之過也各於其類君子常失於厚小人常失於薄君子過於愛

小人過於忍已上言仁皆有厚義

所謂仁爲慈愛之義者。

樊遲問仁子曰愛人……(論語顏淵)

宰我問日仁者雖告之日井有仁焉其從之也子日何爲其然也君子可逝也

不可陷也可欺也不可罔也(論語雍也)

之慈愛爲仁本義餘是孳生之義 不乎朱子集註引劉聘君曰有仁之仁當作人蓋從井救人亦是從慈愛之義推 孔安國註日宰我以仁者必濟人於患難故問有仁人墮光將自投下從而出之

所謂仁爲忠恕之義者曾子以忠恕爲一貫之道而論語多有謂忠恕恭敬之事

爲仁者。

仲弓問仁子白出門如見大賓使民如承大祭己所不欲勿施於人……

語顏淵)

出門如見大賓使民如承大祭卽是敬也孔安國曰爲仁之道莫尙乎敬已所不

欲勿施於人卽是恕也故此章言仁有敬與恕之義。

子曰……夫仁者己欲立而立人己欲達而達人能近取譬可謂仁之方也已

(論語雍也)

此章言仁亦是恕義

樊遲問仁子曰居處恭執事敬與人忠雖之夷狄不可棄也(論語子路)

以恭敬忠爲仁然恭敬與忠義頗有相近者揆上之敬恕與忠恕之義殆又無

不本於誠實惟誠實而後能忠恕惟誠實而後能恭敬也 第五章 孔學原理四

一四七

一四八

司 馬牛問仁子曰仁者其言也訒……(論語額淵)

孔 安國註曰訒難也集註曰仁者心存而不放故其言若有所忍而不易發。

子曰剛毅木訥近仁(論語子路)

王肅註日剛無欲也毅果敢也木質樸也訥遲鈍也

子曰巧言令色鮮矣仁。

剛毅木訥皆惟誠實者能之與巧言令色異日論也此亦忠之類故附著於此 前一章皆論誠實者近於仁後一章則論非誠實者之遠於仁也蓋不易發言與

所謂仁爲克己之義者

乎哉顏淵曰請問其目子曰非禮勿視非禮勿聽非禮勿言非禮勿動顏淵曰顏淵問仁子曰克已復禮爲仁一日克已復禮天下歸仁焉爲仁由己而由人

回雖不檢請事斯語矣(論語資淵)

公十二年楚靈王聞祈招之詩而不能節欲遂以及難孔子論之日。

古也有志克已復禮仁也信善哉楚靈王若能如是豈其辱於乾谿(左傳昭

公十二年)

已謂身也謂能勝去嗜欲反復於禮也朱子蓋略本邪疏而訓己爲私欲。 克己復禮之義諸說糾紛馬融論語註克己約身也邪昺據劉炫說謂克訓勝也

克勝也己謂身之私欲也(論語集註)

毛奇齡取馬融說證以左傳之文且申之曰

克者約也抑也已者身也後漢陳仲弓誨盜日觀君狀貌不似恶人宜深尅己

反善別以克字作尅字正以掊尅損削皆深自損抑之義(論語稽求篇)

按皇侃疏已作剋己復禮蓋克已尅己約身勝身皆同一義不過節欲而已先是

孔安國註此章日身能反禮則爲仁矣其說似未如集註之切然焦循申之曰。 與馬異孔訓克為能故云身能反禮邢疏解爲約身非孔義(論語補疏)

雖然克己爲制欲之義故是古義 也。

孔

第五章 孔學原理四

一五〇

書曰欲敗度縱敗禮我之謂矣夫子知度與禮矣我實縱欲而不能自克也(

左傳昭公十年)

勝己之私謂之克(揚雄法言問神)

右所謂克皆制欲之義至訓己爲私欲則始自集註或頗有疑之者然考異邦語 原己之義亦嘗轉而爲私如英語 Self 爲己Selfish 或 Selfishness 德語

為己 Selbstheit 為私是也

抑猶有當明者則克己之義旣爲勝欲所謂勝之云者將節而制之與抑禁而絕 之與古之儒者多論寡欲至宋世理學大盛則或言無欲周敦頤通書曰

聖可學乎日可日有要乎日有請問焉日一爲要一者無欲也無欲則靜虛動 |靜虚則明明則通動直則公公則溥明通公溥至矣哉(聖學)

孟子曰養心莫善於寡欲其爲人也寡欲雖有不存焉者寡矣其爲人也多欲雖 有存焉者寡矣濂溪謂養心不止於寡欲寡欲又寡以至於無則誠立明通較之

孟子之言益爲緊切然孔子似亦主寡欲而不主絕欲請略舉其證

季康子患盗問於孔子孔子對日苟子之不欲雖賞之不竊(論語顏淵)

子路問成人子曰若臧武仲之知公綽之不欲卞莊子之勇冉求之喪文之以

禮樂亦可以爲成人矣(論語意問)

孔安國釋欲以爲多情欲也是不欲卽情欲不多之意

以爲難矣仁則吾不知也(論語憲問) **應問恥子日邦有道穀邦無道穀恥也克伐怨欲不行焉可以爲仁矣子日可**

原意在孔子門人中最能刻苦自克者也其言蓋幾以禁欲爲仁而孔子不許。 魯不贖人矣取其金則無損於行子路拯溺者其人拜之以牛子路受之孔子 呂覽察微云子貢贖人於諸侯來而讓不取其金孔子曰賜失之矣自今以往 力於仁矣乎我未見力不足者皆以仁爲易也故易傳曰易則易知簡則易從 焦循日董子論仁日其事易此孔子之恉也我欲仁斯仁至矣有能一日用其

第二幅 第五章

孔學原理四

堅瓠也故克伐怨欲不行苦心絜身之士孔子所不取不如因己之欲推以 貨大王好色與百姓同之使有積倉而無怨曠孟子之學全得諸孔子此卽己。 人 達達人己立立人之義必屏妃妾減服食而於百姓之飢寒仳離漠不關心則 而不能通天下之志非所以爲仁也(論語補疏) 日魯人必拯溺者矣讓不取金不伐不欲也而贖人之路遂窒孟子稱。 之欲卽己之不欲推以知人之不欲絜矩取事不難而仁已至矣絕己之欲 公劉 知

愛之效卽爲惠澤行慈愛之際尤在先能克己故此五義其相 以上所謂仁之意義有五(一)惠澤(二)篤厚(三)慈愛(四)忠恕(及敬恕等) 孔子所謂 本義能慈愛者爲人自篤厚不偸薄至其所以能慈愛則必平日存 他主義與利己主義不相容則猶有所偏也孔子言仁卽無此弊 (五)克己是也然此五義皆出於一相絡相繫非鑿枘不相入者也慈愛爲仁之 仁雖與 今世所謂利他主義 Altruismus者相近然歐美學者恆謂利 通 也 如 心敬恕而慈 此。

他心同時並具至其發達之序則利己常先於利他且利己心視利他心尤猛烈 所以必有勇也。 故欲利他主義之行不得不於利己心加以節制有時至擲生命而不顧此仁者 孔子言仁實自他無盡對於己則制欲對於人則慈愛蓋人之生也利己心與利

子日剛毅木訥近仁(論語子路)。

子曰……仁者必有勇勇者不必有仁(論語憲問)

蓋孔子論仁之爲德必以剛勇之道達之或謂康德言德亦主嚴肅 子曰志士仁人無求生以害仁有殺身以成仁(論語衞靈公)

疑若相近其實不然孔子之所謂仁直以悅樂爲體惟有勇氣者乃能臻於

Regoristis-

山至上之樂耳

子曰……仁者安仁知者利仁(論語里仁)

子日仁者不逐知者不惑勇者不懼(論語憲問)

第二編 第五章 孔學原理四 仁

孔子

冉有曰夫子爲衞君乎子貢曰諾吾將問之入曰伯夷叔齊何人也曰古之賢

右所謂安仁及仁者不憂求仁得仁之類皆以仁之體可樂故仁者趨之也然論 人也曰怨乎曰求仁而得仁又何怨出曰夫子不爲也(論語述而)

語叉日。

子日知者樂水仁者樂山知者動仁者靜(雍也)

生焉包咸以爲性靜者多壽考蓋孔子形容仁者之安然自適其樂有如此者孔生焉包咸以爲性靜者多壽考蓋孔子形容仁者之安然自適其樂有如此者孔 孔安國曰仁者無欲故靜何晏曰仁者之性好樂如山之安固自然不動而萬物

子之於倫理固未嘗不主樂也

子曰知之者不如好之者好之者不如樂之者(論語雍也)

於幸福之比較但以爲求仁者自然必致之符而已此其所異也 孔子之主樂宜若近於倫理上所謂悅樂主義 Eubemonismus 但孔子不屑屑

孔子於門人中尤稱顏淵而賢其在陋巷之中不改其樂宋儒每敎人專孔顏樂

處周

顏子一簞食一 屬子通書日 也處之一則能化而齊故顏子亞聖(顏子)大而忘其小焉爾見其大則心泰心泰則無不足無不足則富貴貧賤處之一不愛不求而樂乎貧者獨何心哉天地間有至貴至愛可求而異乎彼者見其獨子一簞食一瓢飲在陋巷人不堪其憂而不改其樂夫富貴人所愛也顏子

窮者顏子也聖同天不亦深乎(聖蘊)四時行焉百物生焉然則聖人之蘊微顏子殆不可見發聖人之蘊敎萬世紀不憤不敢不悱不發舉一隅不以三隅反則不復也子曰予欲無言天何言 隅不以三隅反則不復也子曰予欲無言天何言哉。

利 此 他之仁抑爲平等慈愛與抑爲差別慈愛與 顏子之樂亦以其 知於仁之體深也故孔子許之然猶有不可不辨者。 卽

敬 司 ·而無失與人恭而有禮四海之內皆兄弟也君子何患乎無兄弟也(論語·馬牛憂日人皆有兄弟我獨亡子夏日商聞之矣死生有命富貴在天君子

五五

第五章

孔學原理

四

顔淵

朱子以四海之內皆兄弟也之語蓋聞諸夫子此二語實有近於斯多噶派哲學

及基督教之世界一家說 Cosmopolitismus 者也。

子曰弟子入則孝出則弟謹而信汎愛衆而親仁行有餘力則以學文。

者也今列證如左、八愛二字雖有似於平等慈愛然孔子之言仁固不流於平等實主張愛有差等

子曰我未見好仁者惡不仁者好仁者無以尙之惡不仁者其爲仁矣不使不子曰惟仁者能好人能惡人(論語里仁)

者加乎其身(論語里仁)

或曰以德報怨何如子曰何以報德以直報怨以德報德(論語憲問)是則仁人固猶有所好惡非一切齊視也唯其好惡必中節耳

此見孔子不認平等慈愛孔子以後學者紹述其說益以差等慈愛爲主孝經日 父子之道天性也君臣之義也父母生之癥莫大焉君親臨之厚莫重焉故不

孝經或以爲孔子授曾子要其書出於曾子之徒者也(詳見後)中庸曰

愛其親而愛他人者謂之悖德不敬其親而敬他人者謂之悖禮(聖治)

仁者人也親親爲大義者宜也尊賢爲大親親之殺尊賢之等禮所生也

矣雜寶藏經日 眾愛於是差等慈愛遂爲儒教之定說與佛教及基督教之平等慈愛劃然有別 是皆差等慈愛之旨就孔子言仁之緒而衍之者也及孟子闢楊子爲我與墨子

切衆生有平等心於羅喉羅提婆達多等無有異者脚血應止卽時血止瘡亦 於香山中取藥塗治亦復不除十力加葉至世尊所作此言曰若佛如來於一 爾時如來被加陁羅刺刺其脚足血出不止以種種藥塗不能得差諸阿羅漢

平復

第二編 第五章 孔學原理四 仁

一五人

此雖寓言亦足見佛家平等慈愛之精神矣他佛經此類甚多不可勝舉姑引此

一條爲證新約全書馬太福音日

僧役十里有求於若必予有貸於若必勿卻若恆聞人言愛厥友勿愛厥仇我 其美如此則若在天之父其子若矣在天之父擢日照於善亦照於不善雨於。 則告若必愛若仇呪若者若祝其福惛若者若遇之善謗若侮辱若者若頌癖 **頰當並轉左頰向之人訟若欲得若內服當並弛外服付之人强若役一里與** 若恆聞人言以一目報一目以一齒報一齒我則告若勿與惡爲敵人批若右 **義**亦雨於不義,亶愛愛己者焉攸資……若其畢法若在天之父(第五章第

三十八節至四十八節)香譯

右可見基督教之博愛主義矣今姑不論平等慈愛與差等慈愛之得失請略考

孔子言仁之性質如左

仁與孔子學說關係至重前已論孔子言仁爲差等慈愛矣至其字義朱子曰

仁者愛之理心之德(論語集註)

此以仁爲慈愛然不屬於情而實爲德之專名朱子又曰。

仁義禮智人性之綱(小學題辭)

仁者無私心而合天理之謂

此又以仁爲性之名蓋本白虎通五性之說又如論語曰

舜舉皋陶不仁者遠矣湯舉伊尹不仁者遠矣

多大抵或為德之名或爲性之名或爲善之名不復備舉矣此言仁又有善義儒道楊墨諸家並常以仁爲善義其餘古書論仁之字義者甚此言仁又有善義儒道楊墨諸家並常以仁爲善義其餘古書論仁之字義者甚

式禮與仁爲其實質就中禮又爲存於外者仁爲存於內者列表如左。夫道一而巳日中庸曰禮曰仁皆在此一貫之道之中然中庸爲一貫之道之形

貫之道{實質......(存於內.....)存於外.....

第二編 第五章 孔學原理四 仁

五几

舒宋以下則程明道伊川朱晦庵諸人孔子言仁曾子則兼言仁義孟子以仁義惟仁自孔子始發之孔子以後儒家尤好言仁由周自漢則曾子子思孟子董仲 如今但考曾子言仁義先於孟子得究孔子以下言仁之變焉禮智並舉董仲舒又以仁義禮智信爲五常孟子四端說與仲舒五常說世所習 倫 中之理虛而仁與禮之用實道之體具於禮矣而仁則禮意之精者也孔子關於 理政治之事其言 中庸與禮與仁一何詳與學者多謂 中與禮先聖之所常言。

孟子竊嘗考之則孟子以前固有言仁義者曾子尤昌言之在孔子時世巳恆用程子曰仲尼只說一箇仁字孟子開口便說仁義至是學者多謂仁義並舉始於 |義並稱惟未樹以爲學說之根本耳如老子。日

大道廢有仁 義。

列子曰昆弟三人同師而學進仁義之道此亦仁義並舉且似謂當時有以仁義上仁為之而無為上義爲之而有以爲

訊

道德仁義非禮不成(禮記曲禮上)

春作夏長仁也秋飲冬藏義也仁近於樂義近於禮(禮記樂記)

獨居思仁公言言義(大戴禮記)

子路日所學於夫子者仁義也(韓非子外儲說右上)

論伯夷叔齊之求仁得仁與殷有三仁是所謂仁卽所謂義故疑當時仁義字似 時所言何以明之孔子言仁多括義字之意於中如殺身成仁及仁者必有勇又 右所引或會子孟子以後仁義說旣盛言者遂每以仁義字記入舊文未必卽當

未習用心。

孔子以後或在曾子前後仁義字頗散見諸書中易說卦傳孔子所作

立人之道日仁與義

第二編第五章 孔學原理四 仁

左傳莊公二十二年君子曰

酒以成體不繼以淫義也以君成禮弗納於淫仁也

語然有謂仁者人也以下係子思之辭者家語固未可信也至於論語孟子禮記。 中庸仁者人也親親爲大義者宜也尊賢爲大亦仁義對舉家語引此並作孔子

等記曾子語多有主於正義者

子所貴乎道者三動容貌斯遠暴慢矣正顏色斯近信矣出辭氣斯遠鄙倍矣。 曾子有疾孟敬子問之曾子言日鳥之將死其鳴也哀人之將死其言也善君

籩豆之事則有司存(論語泰伯)

曾子曰可以託六尺之孤可以寄百里之命臨大節而不可奪也君子人與君

子人也(論語泰伯)

曾子曰士不可以不弘毅任重而道遠仁以爲己任不亦重乎死而後已不亦

遠乎(同上)

曾子日脅肩諂笑病於夏畦(孟子滕文公下)

細人之愛人也以姑息吾何求哉吾得正而斃焉斯已矣舉扶而易之反席未 以變幸而至於旦請敬易之曾子曰爾之愛我也不如彼君子之愛人也以德 子曰然斯季孫之賜也我未之能易也元起易實會元曰夫子之病革矣不可 華而院大失之簣與子春日止曾子聞之瞿然日呼日華而院大夫之簀與曾 安而沒(禮記檀弓上) 曾子癡疾病樂正子春坐於牀下曾元曾申坐於足童子隅坐而執燭童子曰:

觀右所列諸條曾子守正不苟如此雖未明言義然皆義之事也其以仁義並稱

曾子日**晉楚**之富不可及也彼以其富我以吾仁彼以其鶴我以吾義吾何慊

大戴記中所收會子十篇以仁義並稱者不一而足 乎哉(孟子公孫丑下) 第五章 孔學原理四

一六三

一六四

尊仁安義可謂用勞乎(曾子本孝)

······士執仁與義而明行之······(曾子制言)

·······君子思仁義畫則忘食夜則忘寐日旦就業夕而自省以殁其身······· (

問 上

凡行不義卽吾不事不仁則吾不長奉相仁義則吾與之聚羣(同上)

言仁義荀卿多言禮則所見之略有不同也今粗掇荀卿言禮之要附於朱孔子一貫之道實統中庸與禮與仁而子思多言中庸孟子董子二程子朱子多 據此等語則孔子言仁演而言仁義者實自曾子子思孟子皆紹曾子之緒而已

荀子嘗言離居不相待則窮羣而無分則爭故論其匡救之術日 治之經禮與刑(成相)

蓋荀子之言治以禮爲積極之方法以刑爲消極之方法積極之方法旣奏其效 則消極之方法可措而不用故荀子尤重禮

下也不由所以隕祉稷也故堅甲利兵不足以爲勝高城深池不足以爲固嚴 禮者治辯之極也强國之本也威行之道也功名之總也王公由之所以得天

令繁刑不足以爲威由其道則行不由其道則廢(議兵)

國無禮則不正禮之所以正國也譬之猶衡之於輕重也猶繩墨之於曲直也

禮者人主之所以爲羣臣寸尺尋丈檢式也(儒效) **猶規矩之於方圓也故錯之而人莫能誣也(王霸)**

其禮論篇言之尤詳曰

隆以為極而天下莫之能損益也本末相順終始相應至文以有別至察以有 以當以爲下則順以爲上則明萬物變而不飢貳之則喪也禮豈不至矣哉至 天地以合日月以明四時以序星辰以行江河以流萬物以昌好惡以節喜怒 測也禮之理誠深矣……君子審於禮則不可欺以詐僞……故…禮者人 天下從之者治不從者亂從之者安不從者危從之者存不從者亡小人不

第五章

孔學原理四

耳。 孔子言中言禮言仁無不統於一貫之道後之儒家始各尊所聞要同出於孔子 道之極也。

者之林則必宗焉至於太極與誠及性理之辨學者恆有異說或主於日用之常 傳之言太極中庸之言誠程朱之言性理卽至善論也五常之說卽德論也五倫 者之義而觀其會通也惟吾國儒家之說則善論德論義務論莫不皆備故繫辭 古代學者主善中世學者主德近世學者主義務皆因世異尙希能同時具求三 近 行或求之天人之微眇固莫得詳論於此矣要之至書論德論義務論三者皆自。 之說卽義務論也就中五常五倫久爲儒家定義無論其學派如何苟自附於儒 儒家所具其學說或遠承自數十百年以前非盡孔子所創然孔子實集其大成 世所謂倫理之根本概念者有三日善日德日義務是也考西洋倫理學史則 第六章 孔子倫理學說一 (義務論)

不可不察也

儒則遂立一形而上學之系統矣當於後孔子晚年思想章述之茲先述德論次。 孔子之至善論於繋辭傳太極說可略見其端至於子思言誠而益詳及宋明諸

及義務論。

義 **皆淵源於孔子然孔子之時猶僅言知仁勇三德也今以見於論語中庸者徵之** 前章已論孔子一貫之道存於外者爲禮存於內者爲仁故夫仁者諸德之本也 然孔子所謂仁有時義亦在其中曾子始並言仁義孟子稱仁義尤數且並舉仁 **一禮智爲四端至董仲舒叉於四端增一信字倡言五常立後世德論之系統蓋** 子日君子道者二我無能焉仁者不憂知者不惑勇者不懼子貢日夫子自道

子日好學近乎知力行近乎仁知恥近乎勇(禮記中庸)

也(意問)

第二編第六章 孔子倫理學說一 養務論但孔子以前已有以仁知勇 並舉者國語日

一六七

六入

伏以俟命(晉語!) 罪重不 知逃死惡君不仁有罪不死無勇去而厚惡惡不可重死不可避吾將 罪是逃死也吾聞之仁不惡君知不重困勇不逃死若罪不釋去而必重去而 章父之惡取笑諸侯吾誰鄕而入内困於父母外困於諸侯是重困也棄君去 人謂申生曰非子之罪何不去乎申生曰不可去而罪釋必歸於君是惡君也

四年)而申生稱吾聞之則古夙以知仁勇三德並稱矣國語又曰 申生之殺在周惠王二十二年(卽民國前二千五百六十六年在孔子前百有

戰勝大國武也殺無道而立有道仁也勝無後害知也(晉語三)

仍是知仁勇並舉又記晉厲公七年郤至之言日 右晉惠公六年(卽民國前二千五百五十六年)秦公子繫之言也武與勇同義

至聞之武人不亂知人不詐仁人不黨(晉語六)

以上皆孔子以前稱知仁勇三德之證若揆以今世之倫理法則殆由心理之基

以析成此三德近世康德諸人於心理分知情意三類智屬於知仁屬於情勇屬

於意其旨趣有相近者於是子思日

知仁勇三者天下之達德也(禮記中庸)

自子思以後知仁勇三德之分類法希有詳爲剖析者但廣四端五常之說焉。

今當考孔子之義務論孔子夙主五倫然其淵源實肇自孔子以前書曰

慎徽五典五典克從(舜典)

帝曰契百姓不親五品不遜汝作司徒敬敷五教在寬(同上)

孔安國解五典日五常之敎鄭玄以爲五敎也五典五敎皆指五常然此所謂五 常又非後世所稱仁義禮智信蓋卽五倫也五倫之日孟子始言之。

人之有道也飽食煖衣逸居而無敎則近於禽獸聖人有憂之使契爲司徒敎

以人倫父子有親君臣有義夫婦有別長幼有序朋友有信(孟子滕文公上)

第二編 第六章 孔子倫理學說一 義務論是一
是正子以 契敷 五教 為五倫 也然 左傳 日

一六九

ー七

於孟子之五倫蓋孟子所舉五倫之名孔子以前蓋罕徵也大戴記日 由左傳之說則契敷五敎爲對於父母兄弟子之敎與孟子異然左傳之說固不 如孟子之備也自社會進化之例以推則古聖所以施敎當先如左傳說次乃進 舉八元使布五敎於四方父誼母慈兄友弟恭子孝內平外成(文公十八年)

……父慈子孝兄愛弟敬此昔先王之所以先施於民也(四代)

慈爲一則左傳之說宜眞古之五發與書經康誥日 右蓋孔子論古者敎民之事以告魯哀公者以之與左傳五敎相較僅合父誼母

子乃疾厥子于弟弗念天顯乃弗克恭厥兄兄亦不念鞠子哀大不友于弟.... 王曰封元惡大憝矧惟不孝不友子弗祇厥父事大傷厥考心于父不能字厥

•

左傳五教古有所本之證然父誼母慈兄友弟恭子孝之目僅爲家庭道德之恆 右武王命其弟康叔之語乃以父字子服兄友弟恭爲說粗與大戴記四代同此

其制爲倫理之準者固宜代有所遷改而日際於詳明此無足怪易於傳或以出 **規而其間猶無夫婦之倫其不備也如此若推道德進化之序由堯舜以至孔子。**

父父子子兄兄弟弟夫夫婦婦而家道正孔子前家人彖曰。

此已有夫婦之倫然尙僅論家道也至孔子時國家倫理始著

齊景公問政於孔子孔子對曰君君臣臣父父子子(論語顏淵)

傳所述契五教之目僅列父母兄弟子者又增入君臣之義務若左傳所記爲審 君臣父子之道德在封建時最適於治故齊景公以爲問而孔子答之如此視左

則此君臣之義務固宜起自五教之後周時頗多與此近似之語不始於孔子也

國語管仲曰。

爲君不君爲臣不臣亂之本也(齊語)

又載晉勃鞮語曰。

第六章 孔子倫理學等一 義務論

七二

君不貳是謂臣好惡不易是謂君君君臣臣是謂明訓(晉語四)

又引用之然則中國倫理今由左氏所記五敎考之則唐虞已具家庭倫理此後 漸具國家倫理增入君臣之義務蓋及孔子時而大備矣 翟灝四書考異據國語以君君臣臣之語必周先王之典訓而勃鞮引用之孔子

大戴禮哀公問於孔子篇嘗言夫婦父子君臣之義務

公日敢問爲政如之何孔子對日夫婦別父子親君臣義三者正則庶民從之

矣

班固白虎通依此分類有三綱六紀之說

三綱者何謂也謂君臣父子夫婦也六紀者謂諸父兄弟族人諸舅師長朋友

也。

班固旣分綱紀爲二云三綱法天地人六紀法六合蓋六紀之中已兼及社會義

務矣

至於子恩由孔子之君君臣臣父父子子及夫婦別父子親君臣義等而定義務

之分類益加詳密其言曰

乃見於孟子之書此其進化之序粲然可考惟孟子明言是契之五敎則與左氏 然則五倫之目實確定於子思增入朋友之交則通於社會之義務矣子思以後 君臣也父子也夫婦也昆弟也朋友之交也五者天下之達道也(中庸)

不合爲可疑耳孟子以下五倫遂垂爲儒教定殼馬。 第七章 孔子倫理學說二 (孝弟論)

孔子之於倫理尤重實行而不尙空言請以論語徵之。 子貢問君子子曰先行其言而後從之(爲政)

子曰古者言之不出恥躬之不逮也(里仁)

以上皆先行後言之意然果能實行其德則化可及於四方 子日君子欲訥於言而敏於行(同上)

第七章 孔子倫理學說二 孝弟論

七三

一七四

子曰德不孤必有隣(論語里仁)

孔子曰德之流行速於置郵而傳命(孟子公孫丑)

德雖感化甚速又必自近而遠故當始自身心以推而達之家國天下孔子蓋以

家庭道德爲治國平天下之根本。

或謂孔子曰子奚不爲政子曰書云孝乎惟孝友於兄弟施於有政是亦爲政

奚其爲爲政(論語爲政)

子曰弟子入則孝出則弟……(論語學而)於是孔子乃以孝弟二字爲家庭道德之根柢

孔子旣重孝今考孔子所謂孝之內容當析爲三一曰服從二曰養志三曰幾諫

子曰父在觀其志父沒觀其行三年無改於父之道可謂孝矣(論語學而)

孟懿子問孝子曰無違樊遲御子告之曰孟孫問孝於我我對曰無違樊遲曰 何謂也子曰生事之以禮死葬之以禮祭之以禮(論語爲政)

漢魏學者於無違二字不加訓釋以其義自瞭也蓋無違父之志卽服從之義云 爾且孔子又申之日生事之以禮死葬之以禮祭之以禮此皆無違之事矣。

曾子曰吾聞諸夫子孟莊子之孝也其他可能也其不改父之臣與父之政是

難能也(論語子張)

蓋無違之義通於生死生當服從其命沒猶當服從其志乃謂之孝觀會子所述 奏漢以降時勢變遷乃有疑孔子之說有所不行者於是皇侃爲之辭曰 則夫子之說當時本義如此在封建制度時代卽無故不改臣改政或不害於事 父政之善惡自謂孝子之心耳若人君風聲之惡則冢宰自行政若卿大夫之 或問曰若父政善則不改爲可若父政惡惡敎傷民寧可不改乎答曰本不論

王安石呂惠卿行新法百姓怨苦哲宗繼立太后尙聞政事時將相司馬光廢新 皇侃之說不可不謂之新解蓋欲使孔子之說與時勢相協故云然耳宋神宗用

心惡則其家相邑宰自行事無關於孝子也

第七章

孔子倫理學說二

孝弟論

七六

法議者亦引三年無改之說而光正言折之特撮錄其本傳以資參考。

細事稍塞人言光日先帝之法其善者雖百世不可變也若安石惠卿所建爲 是時天下之民引領拭目以觀新政而議者猶謂三年無改於父之道但毛舉 天下害者改之當如救焚拯溺況太皇太后以母改子非子改父衆議甫定

宋史司馬光傳)

先是歐陽修已疑此語非孔子旨朱子論語集註則曰無違謂不背於理要之孔

子本義似是服從之意耳旣論服從當更論養志。 孟武伯問孝子曰父母唯其疾之憂(論語爲政)

子游問孝子曰今之孝者是謂能養至於犬馬皆能有養不敬何以別乎

上

已上卽言凡爲孝者不僅養父母之身又當養父母之志也 子夏問孝子曰色難有事弟子服其勞有酒食先生饌會是以爲孝乎(同上)

子日父母在不遠游游必有方(論語里仁)

此章一以示服從之義一以明養志之道朱子曰。

遠游則去親遠而爲日久定省曠而音問疎不惟己之思親不置亦恐親之念 我不忘也游必有方如已告云之東則不敢更適西欲親必知己之所在而無

憂召已則必至而無失也(論語集註)

服從與養志雖爲孝之本然此可以道其常而不可以道其變也若夫人子當父

母有過之際則若何而後可乎

子曰事父母幾諫見志不從又敬不違勞而不怨(論語里仁)

此亦不外於服從與養志之際而益起其敬孝使父母徐悟而自致於善焉耳

孔子重孝故卒主張三年之喪或日三年喪蓋古禮而孔子祖述之或日三年喪

實自孔子始定爲儒教之所宗也荀子嘗論三年喪之義曰 ……日至親以期斷是何也日天地則已易矣四時則已徧矣其在宇中者莫

第

編

第七章

孔子倫理學說二

孝弟論

七七七

一七八

也(荀子禮論) 不更始矣故先王案以此象之也然則三年何也日加隆焉案使倍之故再期

以爲疑。 所制雖亦有確證要在孔子時三年喪已漸不行孔子復力主之高弟如宰我猶 三年喪固當是周制然堯典已有如喪考妣三載之語惟墨子非儒則謂是儒家

安則爲之夫君子之居喪食旨不甘聞樂不樂居處不安故不爲也今女安則 穀旣沒新穀旣升鑽燧改火期可已矣子曰食夫稻衣夫錦於女安乎曰安女 爲之宰我出于日予之不仁也子生三年然後免於父母之懷夫三年之喪天 下之通喪也予也有三年之愛於其父母乎(論語陽貨) 宰我問三年之喪期已久矣君子三年不爲禮禮必壞三年不爲樂樂必崩舊

孟子載滕世子欲行三年喪父兄百官皆不欲以爲吾宗國魯先君莫之行吾先 君亦莫之行也則知三年喪廢已久自孔子以來儒者始主行之故墨子以爲儒

者之法而矯爲薄葬之說也

孔子之孝弟論嘗爲有若所述見於論語

有子曰其爲人也孝弟而好犯上者鮮矣不好犯上而好作亂者未之有也君

子務本本立而道生孝弟也者其爲人之本與(學而)

皇侃疏曰此更以孝弟解本以仁釋道也言孝是仁之本若以孝爲本則仁乃生

也要至曾子而言孝益詳古書莫不稱曾子至孝者今略錄一二於後。

曾子每讀喪禮泣下霑襟常以一夕五起視衣之厚薄枕之高卑(尸子)

曾子孝於父母昏定晨省調寒温適輕重勉之於糜粥之間行之於衽席之上

而德美重於後世(新語)

曾子養曾皙必有酒肉將徹必請所與問有餘必曰有……若曾子則可謂養

志也(孟子離婁)

曾皙嗜羊棗而曾子不忍食羊棗(孟子盡心)

第二編 第七章 孔子倫理學說二 孝弟論

左臂立痛卽馳至問母臂何故痛母曰今者客來欲去吾捡臂以呼汝耳(論 會子出薪於野有客至而欲去曾母日願留參方到卽以右手搖其左臂曾子

曾子有疾召門弟子曰啓予足啓予手詩云戰戰兢兢如臨深淵如履薄冰 今而後吾知免夫小子(論語泰伯) m

論衡所記甚異蓋曾子以至孝名於天下故說者云爾孝弟之至通於神明其 言孝極丁寧反復之意可謂委曲詳盡矣其語與孔子略同者 之謂耶大戴記曾子十篇有曾子本孝曾子立孝曾子大孝曾子事父母四篇其

孝子之使人也不敢肆行不敢自專也父死三年不敢改父之道(曾子本孝)

此卽服從父母爲孝也

孝有三大孝不匱中孝用勞小孝用力(同上) 孝有三大孝尊親其次不辱其下能養(曾子大孝)

……養可能也敬爲難敬可能也安爲難安可能也久爲難久可能也卒爲難

同上

此以愛敬之誠意爲孝卽養志之義也

君子之孝也忠愛以敬及是亂也盡力而有禮莊敬而安之徵諫不倦聽從而

不息懽欣忠信咎故不生可謂孝矣(曾子立孝)

君子之所謂孝者先意承志論父母於道(曾子大孝)

諫非孝也諫而不從亦非孝也達善而不敢爭辨爭辨者作亂之所由與也由。 愛而敬父母之行若中道則從若不中道則諫諫而不用行之如由己從而不

己爲無咎則寧由己爲賢人作亂(曾子事父母)

此則由服從與養志二義以求諭父母於道自幾諫之意而廣之也 曾子之言孝自承孔子之緒論外其分析條理有益詳者

(一)區別王公卿大夫士庶人之孝

第七章

孔子倫理學說二

孝弟論

**

八二

食之孝任善不敢臣三德之孝(曾子本孝) 君子之孝也以正致諫弟孝、士之孝也以德從命孝、庶人之孝也以力惡君子之孝也以正致諫卿大夫士之孝也以德從命孝、庶人之孝也以力惡

可謂用勞矣士之孝慈愛忘勞可謂用力矣之孝(曾子大孝) 孝有三大孝不匱中孝用勞小孝用力博施備物可謂不匱矣之孝尊仁安義

(一)以孝爲一切德之根本。

……居處不莊非孝也事君不忠非孝也蒞官不敬非孝也朋友不信非孝也

戰陣無勇非孝也……(曾子大孝)

未有君而忠臣可知者孝子之謂也未有長而順下可知者弟弟之謂也

子立孝)

此者也禮者禮此者也行者行此者也彊者彊此者也樂自順此生刑自反此 民之本教四孝……夫仁者仁此者也義者宜此者也忠者中此者也信者信 作(曾子大孝)

(三)以孝爲形而上學之旨趣

夫孝者天下之大經也夫孝置之而塞於天地衡之而衡於四海推諸後世而 無朝夕推而放諸東海而準推而放諸西海而準推而放諸南海而準推而放

諸北海而準(曾子大孝)

个當考曾子論孝與孝經之關係孝經之所爲作古來蓋有四說

(一)以孝經爲孔子自著孝經鉤命訣曰

子曰吾志在春秋行在孝經孔子在庶德無所施功無所就志在春秋行在孝

劉歆七略何休公羊註陸德明經典釋文邢昺正義等均從此說 經以春秋屬商孝經屬參

(二)以孝經爲曾子所著孔安國說淸姜兆錫孝經本義從之

(三)以孝經爲曾子門人所著則胡寅晁公武何異孫等之說或直以子思作之 中庸體

馮掎古孝經輯注潘府孝經正誤汪宇孝經考異等從之 第七章 孔子倫理學說二 孝弟論

一八四

以孝經爲後人僞作此汪端明說朱子據之著孝經刊誤爲經一章傳十四

若欲明已上諸說之得失不可不就孝經之內容一詳覈之蓋孝經言孝實有與 章謂傳文則齊魯陋儒采左氏諸書而爲之也

曾子思想類似者數端

(一)分天子諸侯卿大夫士庶人之孝為五等

於四海蓋天子之孝也甫刑云一人有慶兆民賴之在上不驕高而不危制。 愛親者不敢惡於人敬親者不敢慢於人愛敬盡於事親而德敎加於百姓刑

謹 其 (身然後能保其社稷)而利其民人蓋諸侯之孝也詩云戰戰兢兢如臨深淵。 度滿而不溢高而不危所以長守貴也滿而不溢所以長守富也富貴不離。

如 履薄冰非先王之法服不敢服非先王之法言不敢道非先王之德行不 敢

行是故: 無怨惡三者備矣然後能守其宗朝蓋卿大夫之孝也詩云夙夜匪懈以事一 非法不言非道不行口無擇言身無擇行言滿天下無口過行 滿天下

保其確位而守其祭祀蓋士之孝也詩。夙興夜寐無忝爾所生因天之道分 敬兼之者父也故以孝事君則忠以敬事長則順忠順不失以事其上然後能 人資於事父以事母而愛同資於事父以事君而敬同故母取其愛而君取其。 地之利謹身節用以養父母此庶人之孝也故自天子至於庶人孝無終始而

(二)以孝爲百行之淵源

患不及者未之有也(天子至庶人章)

夫孝者德之本也敎之所由生也(開宗明義)

愛敬盡於事親而德敎加於百姓刑於四海(天子)

天地之性人爲貴人之行莫大於孝(聖治)

聖人之德又何以加於孝乎(聖治)

(三)以孝有形而上學之旨趣

夫拳天之經也地之義也民之行也天地之經而民是則之則天之明因地之 第七章 孔子倫理學說二 孝弟論 八五

一八六

利以順天下(三才)

孝經之說其思想與會子相類若此今就孝經出於何人約爲甲乙丙三說(甲) 以孔子以其意口授會子(乙)謂會子自論次其意(丙)謂會子門人述曾子之

考孝經宜爲會子門人述會子之意而又託諸聞於夫子然皆自孔子之緒論益 **未考孝經之簡括而整齊則孝經宜爲後出之書乃能有是綜合之觀也故今 出於孔子之自述也(乙)說之未必是者則曾子言孝散見於大戴記諸書者甚 (甲)說之未必是者卽孝經言孝多有形而上學之旨趣此論語所未嘗言疑不 意而爲書也。 推析而群觀之是以備論於孔子孝弟論之末

第八章 孔子倫理學說三(君子論)

而至故孔子每稱君子然君子之義有二一以喻其位一以喻其德孔子所謂君 孔子之道廣犬而尤重實踐夫仁人與聖人旣不易得而幾矣其次惟君子可學

子喻德者多喻位者少請試考之。

孔子所謂君子非通一能一藝之人而已故論語曰。

子曰君子不器(爲政)

不能相通成德之士體無不具故用無不周非特爲一材一藝而已然則所謂君 包咸解日器者各周其用至於君子無所不施也朱子因之日器者各適其用而

(甲)君子必有文質之美

子曰先進於禮樂野人也後進於禮樂君子也如用之則吾從先進(論語先

進

先進後進說者多異或以爲先輩後輩也皇侃疏曰先輩謂五帝以上也後輩謂 三王以還也意者以殷以前爲野人周以後爲君子朱子集註曰野人謂郊外之

第二編 第八章 孔子倫理學說三 君子論

邑士大夫之文宜勝於郊外之民故謂之君子以其有文言之也然曰如用之則 吾從先進者則以文勝亦足爲病必文質交美乃無忝於君子之名耳 民君子謂賢士大夫也蓋循進化之序則先樸後華後人之文宜勝於古人而都。

君子者道綳於中而後緣之以藝故外有詩書禮樂之飾而內秉懿德此文質彬 子曰質勝文則野文勝質則史文質彬彬然後君子(論語雍也)

彬之謂也。

子謂子夏日女爲君子儒無爲小人儒(論語雍也)

雖有餘然意其遠者大者或昧焉故夫子語之以此然則君子儒當文質棄備小 利者豈必殖貨財之謂以私滅公適己自便凡可以害天理者皆利也子夏文學 人儒或質不遠文子夏偏長文學故夫子以此戒之與 曰君子儒爲己小人儒爲人又謝氏曰君子小人之分義與利之間而已然所謂。 皇侃疏曰儒者濡也夫習學事久則濡潤身中故謂久習者爲儒也集註引程子

子游日子夏之門人小子當酒掃應對進退則可矣抑末也本之則無如之何

(論語子張)

論於後。 之觀皆屬於文然猶其在外者也而內則有本爲本卽質也質則德行之事也當 已上皆論爲子夏之學者之弊夫子早於此深戒之非無謂也凡應對進退容色 正其衣冠齊其顏色嗛然而終日不言是子夏氏之賤儒也(苟子非十二子)

(乙)君子必有道德之養。

何晏註曰君子責己小人責人皇侃釋之曰求責也君子自責己德行之不足不 子日君子求諸己小人求諸人(論語衞靈公)

責人也此可見君子當以修德爲務矣然孔子所謂君子之道如何請得論之

君子不貴空言而重實行。

子曰君子食無求飽居無求安敏於事而慎於言就有道而正焉可謂好學也 第二編 第八章 孔子倫理學說三 君子論

已(論語學而)

子貢問君子子曰先行其言而後從之〔論語爲政〕

此章自皇侃以來皆自言字絕句惟沈括夢溪筆談日先行當爲句其言自當後

也翟灝四書考異從之論語又日

子曰君子欲訥於言而敏於行(里仁)

子曰君子恥其言而過其行(憲問)

一君子尙義。

子曰君子喻於義小人喻於利(論語里仁)

子曰君子之於天下也無適也無莫也義之無比(同上)

子路曰君子尙勇乎子曰君子義以爲上君子有勇而無義爲亂小人有勇而

無義爲盗(論語陽貨)

巴上明言君子尚義亦有未明言義而意旨相同者。

1君子周 而 不比。 小人 比而 不周(論語為 政

而比私耳然則公卽義也私卽利也是猶之義利之辨矣。狎之法故謂爲阿黨耳朱子亦云周普遍也比偏黨也皆與人親厚之意但周公 孔 安國註曰忠信爲周阿黨爲比皇侃疏以周是博遍之法故謂爲忠信。 比是親

子曰君子和而 不同。 小人同而 不和(論語子路)

君子所以不同者亦以非義之所在故也。

三君子必譲 遜。

子無所爭明其以謙遜爲本也然禮之所在刑不可不爭非爭也所以行禮子曰君子無所爭必也射乎揖讓而升下而飮其爭也君子(論語八佾) 110

雖 戾之心故不爭和 然君子之爭不得謂之爭但矜而已亦故集註釋之曰:子曰君子矜而不爭羣而不黨(論語衞靈公) 以處衆日羣然無阿比之意故不 雅以持已 日 矜然無 16

纺

八章

孔子倫理學說三

君子論

四君子必悅樂所謂內省不疚夫何憂何懼者也。

子曰君子泰而不驕小人驕而不泰(論語子路)

子曰……人不知而不慍不亦君子乎(論語學而)

子日君子坦蕩蕩小人長戚戚(論語述而)

以上所論證舉孔子所稱君子之一體而言之孔子固叉嘗論君子之全德矣

蓋必合文質之美與道德之養而後可以爲君子故朱子曰君子者成德之名也 子曰君子義以爲質禮以行之孫以出之信以成之君子哉(論語衞靈公)

第九章 孔子政治學說一(德治論)

孔子一貫之道存於外者爲禮存於內者爲仁故就禮而施爲政事一以德爲主 子曰爲政以德譬如北辰居其所而衆星共之(論語爲政)

子曰夫民教之以德齊之以禮則民有格心教之以政齊之以刑則民有遯心子曰道之以必齊之以刑民免而無恥道之以德齊之以禮有恥且格(同上)

、禮記緇衣)

夫將以德爲治則不可不 先修己之德而後 人則而化之也

季康子問政於孔子孔子對日政者正也子帥以正孰敢不正(論語顏淵)

季康子患盜問於孔子孔子日苟子之不欲雖賞之不竊(同上)

欲善而民善矣君子之德風小人之德草草上之風必偃(同上) 季康子問政於孔子曰如殺無道以就有道何如孔子對曰子爲政焉用殺子

子日其身正不令而行其身不正雖令不從(論語子路)

子曰苟正其身矣於從政乎何有不能正其身如正人何(同上)

右皆言脩己身之德爲致治之本故從政者必有君子之德而後百姓化成 子路問君子子曰脩己以敬曰如斯而已乎曰修己以安人曰如斯而已乎曰

修已以安百姓修己以安百姓堯舜其猶病諸(論語憲問)

脩已是安人安百姓之本蓋由身而推之家由家乃推之國家天下者也易家人 第九章 孔子政治學說一 德 治 論

九四

父父子子兄兄弟弟夫夫婦婦而家道正正家而天下定矣。

論語爲政曰。

或謂孔子曰子奚不爲政子曰書云孝乎惟孝友於兄弟施於有政是亦爲政

奚其爲爲政。

大學之道在明明德在親民在止於至善知止而后有定定而后能靜靜而后善言孔子務本之義以推諸政事者莫備於禮記大學一章 欲明明德於天下者先治其國欲治其國者先齊其家欲齊其家者先修其身 能安安而后能慮慮而后能得物有本末事有終始知所先後則近道矣古之

家齊家齊而后國治國治而后天下平自天子以至於庶人壹是皆以修身爲 格物物格而后知至知至而后意誠意誠而后心正心正而后身修身修而后

欲修其身者先正其心欲正其心者先誠其意欲誠其意者先致其知致知

在

本。 其本亂而末治者否矣其所厚者薄而其所薄者厚未之有也

莫備於此惟大學究爲何人作學者頗有異說近世競尊古本尤多以程子考定 綱領格物致知誠意正心修身齊家治國平天下為八條目言孔子德治之條理 亦經程子考定凡二百五字自此以下皆傳也蓋大學以明德親民止至善爲三 之文爲非然紛紜之辨非今所亟要其書出於孔門殆爲可信蓋孔子以家國 程子以大學爲孔氏之遺書朱子以右一章爲經蓋孔子之言而曾子述之其文 下本末一貫當時儒者承爲恆言孟子曰。

孔子以德治爲主故以法治爲非左傳晉國鑄刑別而孔子論之論語又稱無訟 人有恆言皆日天下國家天下之本在國國之本在家家之本在身(離婁)

是也。

冬晉趙鞅荀寅帥師城汝濱遂賦晉國鼓一鐵以鑄刑鼎著范宣子所爲。 ,仲尼曰晉其亡乎失其度矣夫晉國將守唐叔之所受法度以經緯其民卿 刑書

九五

第九章

孔子政治學說一

總治論

大夫以序守之民是以能尊其貴貴是以能守其業貴賤不愆所謂度也文公

以尊貴貴何業之守貴賤無序何以爲國且夫宣子之刑夷之蒐也晉國之亂 是以作執秩之官爲被廬之法以爲盟主今棄其度也而爲刑鼎民在鼎矣何

制也若之何以爲法(左傳昭公二十九年)

子曰聽訟吾猶人也必也使無訟乎(論語顏淵)

治國之要在爲上者自竭盡心力以圖治平使民深信之而後政令行也

子路問政子曰先之勞之請益曰無倦(論語子路) 子張問政子曰居之無倦行之以忠(論語顏淵)

此言從政者不可不勵精以求治如此

定公問一言而可以興邦有諸孔子對曰言不可以若是其幾也人之言曰爲

君難爲臣不易如知爲君之難也不幾乎一言而興邦乎(論語子路)

右亦勵精爲治之意惟其辭婉耳蓋爲上者旣自竭其力民自信而服之。

葉公問政子曰近者說遠者來(論語子路)

葉公所問當是爲政之效至於近說遠來而德治之效成矣孔子又嘗比論兵食

信三者蓋尤重信信其所以厲行德治之方與

去兵子貢曰必不得已而去於斯二者何先曰去食自古皆有死民無信不立 子貢問政子曰足食足兵民信之矣子貢曰必不得已而去於斯三者何先曰

(論語顏淵)

第十章 孔子政治學說二 (禮樂論)

孔子每致歎於禮樂之廢蓋德爲治之本禮則治之具故孔子又恆言禮治

子曰能以禮讓爲國乎何有不能以禮讓爲國如禮何(論語里仁) 子曰上好禮則民易使也(論語意問)

臣上下長幼之位也非禮無以別男女父子兄弟之親婚姻疏數之文也(大 丘聞之也民之所由生禮爲大非禮無以節事天地之神明也非禮無以辨君

第二幅 第十章 孔子政治學說二 禮樂論

一九七

戴記哀公問)

孔子曰移風易俗莫善於樂安上治民莫善於禮(說范修文)

夫禮必以正名分爲亟故在衞發正名之歎前已論之矣魯成公二年齊師侵衞

戰於物居仲尼嘗因以論正名之意

以假人與人政也政亡則國家從之弗可止也已(左傳成公二年) 名以出信信以守器器以藏禮禮以行義義以生利利以平民政之大節也若 朝許之仲尼聞之日惜也不如多與之邑唯器與名不可以假人君之所司也 新築人仲叔於奚救孫桓子桓子是以免旣衞人賞之以邑辭請曲縣繁纓以

以器與名爲君之所司不可假人卽名分不可不重而禮不可稍越之義韓詩外

傳日

孔子侍坐於季孫季孫之宰通日君使人假馬其與之乎孔子日吾聞君取於 臣謂之取不日假季孫悟告宰通日今以往君有取謂之取無日假。

此事亦見新序雜事叉左傳昭公二十年傳曰。

十二月齊侯田於沛招虞人以弓不進公使執之辭曰昔我先君之田也旃以 招大夫弓以招士皮冠以招虞人臣不見皮冠故不敢進乃舍之仲尼曰守道

不如守官君子韙之

此事又見孟子滕文公此皆孔子重名分以行禮治之大略也

備。 孔 子旣以禮樂爲治國平天下之具然禮樂早與於唐虞之世歷夏商周其制益

子曰周監於二代郁郁乎文哉吾從周(論語八佾)

作則制作之事不能一切相處公司斗勺公司。不足魯猶重周禮故有從周之志然又曰其或繼周者雖百世可知也蓋後王有不足魯猶重周禮故有從周之志然又曰其或繼周者雖百世可知也蓋後王有不足魯猶重周禮故有從周之志然又曰其可後 孔安國解曰周文章備於二代當從之蓋孔子嘗欲徵夏殷之禮於杞宋而文獻

顏淵問爲邦子曰行夏之時乘殷之輅服周之冕樂則韶舞放鄭聲遠佞人鄭

第二編 第十章 孔子政治學說二 禮樂論

九九

聲淫佞人殆(論語衛璽公)

此則孔子制作禮樂之意微見於此蓋合四代而擇其中者也

後仁蓋能幾於至治固不易也至於施治之始在於富之敎之旣富旣敎禮樂乃 孔子之言治大抵本之以德達之以禮至於風俗旣移則仁化成焉故曰必世而

可興耳。

子適衞冉有僕子曰庶矣哉冉有曰旣庶矣又何加焉曰富之曰旣當矣又何 加焉日教之(論語子路)

管子曰倉廩實則知禮節衣食足則知榮辱所謂人富而仁附者也故富與敎又 是孔子推行禮治之原孟子好言王道言仁政而陳義亦不出孔子富與敎之意 以食肉矣百畝之田勿奪其時數口之家可以無飢矣謹庠序之敎申之以孝 悌之義頒白者不負戴於道路矣七十者衣帛食肉黎民不飢不寒然而不王 五畝之宅樹之以桑五十者可以衣帛矣雞豚狗彘之畜無失其時七十者可

者未之有也(孟子梁惠王上)

孟子願學孔子其言政治尤善祖述孔子者也改附著其說於此

第十一章 孔子教育學說

論語當稱孔子爲敎之目日

子以四教文行忠信(述而)

蓋文者文學行者德行忠謂政事信謂言語 (李**尤曰爲人**臣則忠與朋友交則

信)卽孔門之四科也論語又曰

德行顏淵閔子騫冉伯牛仲弓言語宰我子貢政事冉有季路文學子游子夏

(先進)

然此二科之中學者平日致力尤多者爲德行文學二科

曾子曰吾日三省吾身爲人謀而不忠乎與朋友交而不信乎傳不習乎 (論

語學而)

第二編 第十一章 孔子教育學說

朱子集註曰傳謂受之於師習謂熟之於己然則傳習者文學之事爲人謀而不 忠乎與朋友交而不信乎者德行之事故德行文學二科尤學者平日所致力矣。

子曰自行束脩以上吾未嘗無誨焉(論語述而)

孔子以敎育英材爲任苟來盡其相當之禮敬者即有所誨焉。

之至輕者也今當進而論孔子之敎育法 鹽鐵論列女傳等並以束脩謂年十五以上皇侃疏則以束脩爲十束脯最是贄

其憤悱而發則沛然矣按憤是心求通而未得之意悱是口欲言而未能之貌必 者勉於用力以爲受敎之地也又引程子曰不待憤悱而發則知之不能堅固待 朱子集註曰物之有四隅者舉一可知其三反者還以相證之義復再告也欲學 子曰不憤不啓不悱不發舉一隅不以三隅反則不復也(論語述而) 如此乃啟發之。

子曰吾有知乎哉無知也有鄙夫問於我空空如也我叩其兩端而竭焉。

待其

所疑惟有兩端斯有疑也故先叩發其兩端謂先還問其所疑而後卽其所疑之 端猶言兩頭言終始本末上下精粗無所不盡焦循論語補疏日鄙夫來問必有 朱子集註曰孔子謙言己無知識但其告人雖於至愚不敢不盡耳叩發動也兩.

兩端而窮盡其意使知所問焉。

孔子教人蓋無不盡未有所隱

子曰二三子以我爲隱乎吾無隱乎爾吾無行而不與二三子者是丘也 (論

語述而)

然孔子雖無所隱豬必因材施敎使聞者各得其益焉

子貢問師與商也孰賢于曰師也過商也不及曰然則師愈與子曰過猶不及

(論語先進)

子路問聞斯行諸子曰有父兄在如之何其聞斯行之冉有問聞斯行諸子曰。 第二編 第十一章 孔子教育學說

聞斯行之公西華日由也問聞斯行諸子曰有父兄在求也問聞斯行諸子曰

聞斯行之赤也惑敢問子曰求也退故進之由也兼人故退之(同上)

孔子薄輕華而貴篤實常以此敎人

子日奢則不遜儉則固與其不遜也寧問(論語述而)

林放問禮之本子曰大哉問禮與其奢也寧儉喪與其易也寧戚(論語八佾)

先進於禮樂野人也後進於禮樂君子也如用之則吾從先進(論語先進)

孔子於弟子之所長則不惜獎借而誘掖之

子曰片言可以折獄者其由也與(論語顏淵)

子日孝哉閔子騫人不間於其父母昆弟之言(論語先進)

子曰賢哉回也一節食一瓢飲在陋巷人不堪其憂回也不改其樂賢哉回也

(論語雍也)

予謂仲弓曰犂牛之子騂且角雖欲勿用山川其舍諸(同上)

孔子於弟子之所短亦不吝直斥之

柴也愚麥也魯師也辟由也諺(論語先進)

吳棫以爲此章之首脫子曰二字然此自是孔子之言耳。

冉求曰非不悅子之道力不足也子曰力不足者中道而廢今女晝 (論語雍

也

宰予晝寢子曰朽木不可雕也糞土之牆不可朽也於予與何**誅** (論語公冶

長)

季氏富於周公而求也爲之聚斂而附益之子曰非吾徒也小子鳴鼓而攻之

可也(論語先進)

子待門人亦猶父之於子是所以立師道也 孔子於弟子之失譴責不少假借何其威嚴若此故門人誠服之如子之事父孔

第十二章 孔子人性論

漏 第十二章 孔子人性論

前 章旣述孔子之言敎育者則不可不知孔子之人性論蓋孔子以人之性大抵

0六

可 以教育變化之也請徵於論語。

子曰有教無類(衞靈公)

子曰人能弘道非道弘人(同上)

朱子註有教無類曰人性皆善而其類有善惡之殊者氣習染之也故君子有敎 **弘道也性不知檢其心非道弘人也蓋孔子雖未顯言性善然上一章實包性善** 則人皆可復於善而不當復論其類之恶矣張子論人能弘道曰心能盡性人 能

之義故可因敎育使復於善也。

孔子從事於敎育久則知人性於事實不能無所差異於是又曰 性相近也習相遠也(論語陽貨)

唯 上知與下愚不移(同上)

程子以此性是氣質之性而下愚不移者才也此以人性皆善惟氣質與才則有

不同耳然韓退之性三品說當是原於上知下愚不移之意且孔子又曰

生而知之者上也學而知之者次也困而學之又其次也困而不學民斯爲下

矣(論語季氏)

蓋孔子於性之善惡未嘗質言故自孔子以後言性者頗有異同約分五派

(一)性善派 無有不下(告子上) 孟子主之其言曰人性之善也循水之就下也人無有不善水

(一) 性有善有惡派 公孫尼子及世碩主之論衡曰周人世碩以爲人性有 是此派之說也) 各有陰陽善惡在所養焉(按此卽言人性可依敎育變化孟子所云或 日性可以為善可以為不善是故文武興則民好善幽厲興則民好暴卽 善有惡舉人之善性養而致之則善長性惡養而致之則惡長如此則性

(三)性三品派 孟子曰或曰有性善有性不善是故以堯爲君而有象以瞽 第二編 第十二章 孔子人性論

孔子

二〇八

瞍爲父而有舜以紂爲兄之子且以爲君而有徼子啟王子比千未子曰

韓子性有三品之說蓋如此(告子上)

四)性無善無惡派 告子主之孟子引告子曰性無善無不善也(告子上)

(五)性惡派 荀子主之荀子有性惡篇以聖人化性而起僞也

以上五派大抵皆出於孔子之後學故述其略於此

第十二章 孔子晚年思想

孔子中年之際則盡力於政治道德之事欲以化人及物故於鬼神天道皆所罕

言

季路問事鬼神子曰未能事人焉能事鬼曰敢問死曰未知生焉知死。

先進)

事人者政治道德切用之事事鬼則巫祝禱祈之事虛遠而不可信者也故知生

爲亟知死非所務矣

子貢曰夫子之文章可得而聞也夫子之言性與天道不可得而聞也(論語 公冶長)

文章卽詩書禮樂性與天道說者有異大抵有如今世所謂宗敎或哲學之事者 矣鄭玄註曰天道者七政變通之占此其言天道近於宗教近世錢大昕宗之。

淫史記天道無親常與善人皆此道也鄭康成注論語云天道七政變化之占天道遠人道邇竈焉知天道古文尚書滿招損謙受益時乃天道天道福善禍 知故曰命也否則性與天道又何別焉(錢大昕十駕齋養新錄)。 與易春秋義正同孟子曰聖人之於天道也亦謂吉凶陰陽之道聖人有所不 經典言天道者皆以吉凶禍福言易天道虧盈而益謙春秋傳天道多在西北

何晏解天道日天道者元亨日新之道此其言天道近於哲學近世焦循主之 北子產雖正斥之以天道遠人道邇竈焉知天道而天道之稱究未能言孔子。 自春秋時易學不明而梓愼碑竈之流以七政占驗爲天道故云天道多在西

第二編 第十三章 孔子晚年思想

贊易乃明之曰立天之道曰陰與陽立地之道曰柔與剛立人之道曰仁與義。 日天地之道恆久而不已也記載哀公問日敢問君子何貴乎天道也孔子曰。 於臨日大亨以正天之道也於謙曰天道虧盈而益謙地道變盈而流謙於

所能託 之謬而尙緣天道性命聖人所難言也是不知孔子所言之天道非伎數巧慧 **羲神農黃帝堯舜文王周公以來治天下之要與七星變占不同桓譚知讖緯** 終則有始在無爲而物成爲格物致知正心修身齊家治國平天下之本爲伏 貴其不已如日月東西相從而不已也是天道也不閉其久是天道也無爲 物成是天道也已成而明是天道也孔子言天道在消息盈虛在恆久不已在 也鄭氏以此解論語淺之乎觀聖人矣何氏本元亨日新以論天道識。 Mi

見之卓越乎康成(焦循論語補疏)

是古於天道有宗教上與哲學上之二解然天道固宜棄有宗教及哲學之旨趣 康成主其變平叔主其常必合二說而天道始全耳。

當時頗有信鬼神怪異以祈福佑者孔子常非之

子不語怪力亂神(論語述而)

樊遲問知子曰務民之義敬鬼神而遠之可謂知矣(論語雍也)

子曰非其鬼而祭之詔也(論語爲政)

子疾病子路請禱子日有諸子路對日有之誄日禱爾於上下神祗子日丘之

禱久矣(論語述)而)

由 此觀之則孔子於事鬼要福之俗問有所不取至於孔子恆稱天殆指一 一有知

識有意志位乎人上而長存者言之也

子曰莫我知也夫子貢曰何爲其莫知子也子曰不怨天不尤人下學而上達

知我者其天乎(論語憲問)

子疾病子路使門人爲臣病問曰久矣哉由之行詐也無臣而爲有臣吾誰欺

欺天乎(論語子罕)

第二編 第十三章 孔子晚年思想

也天之未喪斯文也匡人其如予何(同上)。子畏於匡曰文王旣歿文不在茲乎天之將喪斯文也後死者不得與於斯文

子曰天生德於予桓魋其如予何(論語述而

顏淵死子曰噫天喪予天喪予(論語先進)

王孫賈 問曰與其媚於奧寧媚於竈何謂也子曰不然獲罪於天無所禱也。

論語八脩)

子之意也孔子對天極其虔敬春秋詳載日蝕灾變皆以其出於天之意志以示以上諸章所言天似皆謂天有知識有意志後世或以天體漠然無知殆異於孔

罰戒於人者故當恐懼修省論 語鄉黨篇記孔子迅雷風烈必變亦此義 ·Ho

天之知識意志皆超絕於人故能監臨人類而命令之孔子蓋五十而知天命今

掇論 語言天命者 如左。

子曰不知命無以爲君子也(論語堯曰)

孔子曰君子有三畏畏天命畏大人畏聖人之言小人不知天命而不畏也狎

大人侮聖人之言(論語季氏)

如其當桓魋之難匡人之厄是也 孔子不僅言畏敬天命而已其處危急存亡之際恆以一身委之天命泰然自若

肆諸市朝子日道之將行也與命也道之將廢也與命也公伯寮其如命何〈 公伯寮愬子路於季孫子服景伯以告曰夫子固有惑志於公伯寮吾力猶能

論語憲問)

此章殆是孔子爲司寇子路爲季氏宰墮三都之策未得行之後所言蓋子路方

遭讒謗子服景伯欲有以白之而夫子則獨委之於天命也 天不惟爲人所當敬畏而已聖人則能法天孔子嘗以此美堯曰

……唯天爲大唯堯則之……(論語泰伯)

孔子又自言法天。

第二編 第十三章 孔子晚年思想

二四四

子日予欲無言子貢曰子如不言則小子何述焉子曰天何言哉四時行

物生焉天何言哉(論語陽貨)

記最多詳而考之亦可見其略也 孔子晚年始每言天人合一之理大抵在孔子返魯之後其與哀公問答諸書所

五義篇。 孔子 兵少間七篇亦孔子與哀公問答劉向以此七篇卽孔子三朝記也孔廣森大戴知其所本皆記孔子晚年之言也他如大戴記中千乘四代虞戴德誥志小辨用 晚 年與哀公問答之語散見於大小戴記荀子有哀公篇與大戴記哀 其文略同大戴記哀公問 於孔子篇與小戴記哀公問篇 亦略相 近。 公問

禮記補註序錄日

辨用兵少間是也漢書藝文志 帝紀注臣瓚引三朝記蚩尤庶人之貪者師古日出用兵篇非三朝記也以 [ii] 日孔子之見哀公作三朝記七篇今在大戴禮蓋千乘四代虞戴德誥志 孔子三朝七篇師古日今大戴禮 有 其

别 錄證之小顏說誤

孔子返魯在哀公十一年於是孔子年六十八矣哀公所問多關於政治道德之 事而孔子所以對者往往兼有宗教哲學之旨趣焉故三朝記可徵孔子天人合。

之思想也。

有天德有地德有人德此謂三德三德率行乃有陰陽陽日德陰日刑(四代)

天道以視地道以履人道以稽(同上)

孔 廣森大戴記補註日稽同也同之天地

天事曰明地事曰昌人事曰比兩以慶(虞戴德)

豧 照 注日明照物昌育物兩卽天地也言合天地之道以爲善 天之福迎之以祥作地之穡制之以昌興民之德守之以長(虞戴德)

補 注日祥善也終言率天祖地以順民事

天日作明日與惟天是戴地曰作昌日與惟地是事人曰作樂日與惟民是嬉 第十三章 孔子晚年思想

天生物地養物物備與而時用常節曰聖人(同上)

天作仁地作富人作治(同上)

天政日正地政日生人政日辨(少間)

時天之氣用地之財以生殺於民(同上)

已上諸語皆以天地人並舉大抵一以喻天人合一之符一以喻率由天地之道

以治人事也然孔子晚年思想尤於其喜易見之史記孔子世家曰

孔子晚而喜易序彖繫象說卦文言讀易韋編三絕曰假我數年若是我於易

則彬彬矣。

出孔子至宋歐陽修易童子問始疑之然但謂繋辭以下非孔子作未疑及彖象 司 也蓋其立論之點有二 馬遷所舉於十翼中以彖象繫辭說卦文言等篇爲孔子作後儒遂以十翼皆

(一)諸篇詞意多重複不類出於一手

義實無不包矣又曰易之爲書也廣大悉備有天道焉有人道焉有地道焉兼 知阻繫辭曰六爻之動三極之道也者謂六爻而兼三材之道也其言雖約其 又曰夫乾天下之至健心德行常易以知險夫坤天下之至順也德行常簡以 之義配日月易簡之善配至德又曰夫乾確然示人易矣夫坤隤然示人簡矣 定乎而爲文言者又日龍德而隱者也又曰陽在下也又曰陽氣潛藏又曰潛 三材而兩之故六六者非他也三材之道也而說卦又曰立天之道曰陰與陽 天下之理得矣者是其義盡於此矣俄而又曰廣大配天地變通配四時陰陽 乾之初九日潛龍勿用聖人於其象日陽在下也豈不曰其文已顯而其義已 其言天地之道乾坤之用聖人所以成其德業者可謂詳而備矣故曰易簡而 親易從則有功有親則可久有功則可大可久則賢人之德可大則賢人之業 之爲言隱而未見繫辭日乾以易知坤以簡能易則易知簡則易從易知 則有

立地之道曰柔與剛立人之道曰仁與義兼三材而兩之故易六畫而成卦分

陰分陽迭用柔剛故易六位而成章繋辭曰聖人設卦觀象繋辭焉而明吉凶 又日辨吉凶者存乎辭又曰聖人有以見天下之動而觀其會通以行其典禮

繋辭焉以斷其吉凶是故謂之爻又曰易有四象所以示也繋辭焉所以告也 旨歸止於繁辭明吉凶爾可一言而足也凡此數說者其大畧也其餘辭雖小 定之以吉凶所以斷也又曰設卦以盡情偽繫辭焉以盡其言其說雖多要其

之不精則不足怪也謂其說出於一人則是繁衍叢脞之言也(周易童子問 異而大旨則同者不可勝舉也謂其說出於諸家而昔之人雜取以釋經故擇。

(一) 諸篇所論有時自相矛盾

文言曰元者善之長也亨者嘉之會也利者義之和也貞者事之幹也是謂乾 之四德又日乾元者始而亨者也利貞者性情也則又非四德矣謂此二說出

明而 文也神馬頁之自河而出以授於伏羲者也蓋八卦者非人之所爲是天之所 於一人乎則殆非人情也繁辭曰河出圖洛出書聖人則之所謂圖者八卦之於一人乎則殆非人情也繁辭曰河出圖洛出書聖人則之所謂圖者八卦之 不與焉斯二說者已不能相容矣而說卦又曰昔者聖人之作易也幽贊於 降也又曰包羲氏之王天下也仰則觀象於天俯則觀法於地觀鳥獸之文與 地之宜近取諸身遠取諸物於是始作八卦然則八卦者是人之所爲也河圖 如是是果何出而出也謂此三說出於一人乎則殆非人情也(同上) 生蓍參天兩地而倚數觀變於陰陽而立卦則卦亦出於蓍矣八卦之說

者凡 孔子以前然文言中亦有穆姜之語左傳載穆姜論隨卦曰。 子晚年思想無可疑也其中言天人之故多與中庸三朝記等合或謂彖象出於 且不止此也繫辭文言屢引用孔子之言繫辭稱子曰者凡十九處文言稱子曰 五處此亦非孔子自著之明徵然十翼要自孔子門人所集其中當包含孔

元體之長也亨嘉之會也利義之和也貞事之幹也體仁足以長人嘉德足以 第十三章 孔子晚年思想

==0

合禮利物足以合義貞固足以幹事(襄公九年)

出於一人而其中實包含孔子晚年思想且兼有時引用孔子以前之語者也 此辭見於文言不過二三字小異而已故今定以十翼爲孔子之後學所記不必

十翼之中繋辭尤多言天人之故其中有最與論語異者二事

舜憲章文武孟子最尊孔子而言必稱堯舜蓋自删書已發其意惟繫辭每稱包 (一)論語泰伯堯日二章歷述羣聖皆始乎堯而終乎武故子思以仲尼祖述堯

羲神農以來此一異也

知生焉知死令繫辭曰精氣爲物游魂爲變是故知鬼神之情狀原始反終故知 (二)論語稱子不語怪力亂神孔子答樊遲則曰敬鬼神而遠之答子路則曰未

死生之說是皆論語之所不言者其異二也

蓋論語專論人道繫辭兼言天人之故參以中庸三朝記等知爲孔子晚年思想 所在故畧比而論之

第十四章 繋辭傳中之孔子世界觀

前章已論繫辭傳出於孔子以後儒家之手雖不能定何者確爲孔子之言然其 易立天地日月雷風山澤之變以明萬事蓋觀宇宙之象而求之於經驗焉繫辭 求之於易故今因繫辭傳而考孔子之世界觀亦得因以略明古代哲學之原烏 中實含有孔子晚年思想易之傳最古若以哲學論之則吾國之哲學不可不首

仰以觀於天文俯以察於地理(上傳)

仰則觀象於天俯則觀法於地觀鳥獸之文與地之宜近取諸身遠取諸物

世界觀故曰。 天文地理是宇宙之全象觀此全象而以合理 Bational 之法釋之乃立一種之

易與天地準故能彌綸天地之道(上傳) 第十四章 繋辭傳中之孔子世界觀

夫易廣矣大矣以言乎遠則不禦以言乎邇則近而正以言乎天地之間則備

矣(上傳)

故因於宇宙一切全象而求之則得天地人三道故曰然繫辭傳中之世界觀果何如者凡經驗之方法其始觀察之也必先交積衆材

易之爲書也廣大悉備有天道焉有人道焉有地道焉兼三才而兩之故六

下傳)

於是又以天地之道爲人道之準故曰

明於天之道而察於民之故(上傳)

說卦傳又由天地人三道而分屬六性日

昔者聖人之作易也將以順性命之理是以立天之道曰陰與陽立地之道曰

柔與剛立人之道日仁與義兼三才而兩之

說卦傳之說以天地人三道兼屬有陰陽剛柔仁義六性此繫辭中所未言自會

子始亟稱仁義故說卦傳疑出於曾子之門人視繫辭傳稍晚也繫辭僅明陰陽

二元故曰。

一陰一陽之謂道(上傳)

理消息其間而成變化變化則謂之易故曰 陽者積極之原理陰者消極之原理所謂消息是也合天地人三道有陰陽二原

天地設位而易行乎其中矣(上傳)

轉而無窮也故易之行尤莫大於生繫辭曰 易有變易不易容易三義其義所以不止於變易者以變則有生生則久其相流

天地之大德曰生(下傳)

生生之謂易(上傳)

然則宇宙之根本原理不在於靜而在於動動爲生因動之所本則名太極故日

······易有太極是生兩儀兩儀生四象四象生八卦八卦定吉凶吉凶生大業

第二編 第十四章 繁辭傳中之孔子世界觀

(上傳)

說是孔子晚年世界觀之大略也大戴記哀公問於孔子篇有足與此相證者。 矣至於研究之法則重在經驗而。 繋辭之世界觀蓋主一元太極是也太極動而生陰陽則又迄有二元論於其 不涉於認識論又以合理爲歸而不 取 神 秘之

公曰敢問君何貴乎天道也孔子對曰貴其不已如日月東西相從而不已也

此謂天道恆動不已故與繋辭之言合也惟老子之世界觀亦主一元而尙其靜 不尙其動異於孔子老子常言無狀之狀無物之象卽無極之義也又曰 是天道也不閉其久也是天道也無爲物成已成而明是天道 心。

道沖而用之或不盈淵兮似萬物之宗挫其銳解其紛和其光同其塵湛兮似

或存

道之爲物惟恍惟惚惚兮恍兮其中有象恍兮惚兮其中有物窍兮冥兮其中 有精其精甚眞其中有信

3

有所不同也宋周敦頤始取道家與儒家之說而調和之曰然則老子之世界觀主於消極主於靜與孔子之世界觀主於積極主於動者固

無極而太極(太極圖說)

是取 太極圖說之言主靜通書之言無欲猶有偏於道家之嫌故淸之學者多以太極 孔老二家之世界觀折而衷之以動靜互相爲根而立道德之根本原理然

圖爲出於道家也

之根本原理由至誠之概念而演繹諸種之屬性其言曰。 孔子以經驗爲主以合理立說子思最善述其志故中庸以至誠爲宇宙及人間

至誠無息不息則久久則徵徵則悠遠悠遠則博厚博厚則高 明。

矣合理之論至宋而盛邵康節益至誠卽根本原理也博厚高明悠 陰爲四原理上推宇宙而下合人事皆統之於數其論歷史日 本原理也博厚高明悠久其屬性也此實近於哲學 以數理闡明之其世界觀以太陽太陰少陽少 上合理 主 義

第二編第十四章 繁辭傳中之孔子世界觀

二六

雖百 仲 尼曰殷因於夏禮所損益可知也周因於殷禮所損益可知也其或繼周者。 世可知也夫如是則何止於百世而已哉億千萬世皆可得而知之也(

觀物內篇五)

此 可謂以合理主義而推之者矣康節尤非神祕說益爲其屬於合理派之證 妄人而行妄知妄言者乎(觀物內篇二) 言者謂其口得而言之也旣心而不得而知之口又惡得而言之乎以心不可 唯吾不得而知之也聖人亦不得而知之也凡言知者謂其心得而知之也言 得知而知之是謂妄知也以口 人或告我曰天地之外別有天地萬物異乎此天地萬物則吾不得而知之非 不 可得而言而言之是謂妄言也吾又安能從

王於老子則取神祕主義其言曰

道可道非常道名可名非常名

天下皆知美之爲美斯惡已皆知善之爲善斯不善已

上德不德是以有德下德不失德是以無德

老子謂道德美惡皆若不可知是可想見其不取合理主義而取神秘主義也是

儒道二教之所以根本不同也

又孔子之世界觀不涉於認識論取義甚質樸但明徵其實體而已老子則稍有

認識論之端緒焉其言曰

吾不知誰之子象帝之先

視之不見名日夷聽之不聞名日希摶之不得名日微此三者不可致詰故混

而爲一

吾不知其名字之曰道

中國古代哲學孔老二派是其大宗故因孔子之世界觀而粗敍其同異於此